

ISSN 0134 — 4323

# ВОЙВЫВ '92

# КОДЗУВ

---

# 4

КОМИ ЙӖЗЛӦН ЖУРНАЛ

Юрий ВАСЮТОВ

Пӧль-пӧчлӧн му вылын.

Виктор НАПАЛКОВ

Ме тӧнӧ радейта. Повесть.

Василий ТОРОПОВ.

Сава бать. Висьт.



Первой номера Сыктывкарса школьной училищесы «Войвыв кодзув» редакций волисны студентяс, кодъяс училище помалом бѳрын кутасны сиктъясын велдны коми кыв. Редакцияса сотрудникяс сѳрнитисны журнал йылысь, авторясслѳн валь гижѳдъяс йылысь. Шѳрас поэт Н. Шуккин лыддѳ ассысь кывбурыяс.

Снимокъс Д. Напалковлѳн.

# ВОЙВЫВ КОДЗУВ

## КОМИ ЙӖЗЛӖН ЖУРНАЛ

### ТАЙӖ НОМЕРЫН:

#### ПУБЛИЦИСТИКА

Юрий ВАСЮТОВ. Пӧль-пӧчлӧн му вылын . . . . .	3
Владимир ПОПОВ. Быттӧ мамӧй динӧ волі. Югид шондӧй. Кывбурьяс . . . . .	9
Игнатий МӖСШЕГ. Асыввывса сир пӧрттын. Казытылӧмьяс. . . . .	10
Скӧр КӖСЬТА. «Ме вая шог...» Чужан сиктлы кыв. Кывбурьяс . . . . .	24
Иван ТЕРЕНТЬЕВ. «Дырсыс-дыр...» Кывбур . . . . .	25
Виктор НАПАЛКОВ. Ме тӧнӧ радейта. Повесть . . . . .	26
Евгений ВАЛЕРИ. Ичӧтик роман... Кывбурьяс. . . . .	49
Василий ТОРОПОВ. Сава бать. Висьт. . . . .	50
Лукерия ВАЛЕЙ. Чума. Висьт. . . . .	61

#### КРИТИКА ДА БИБЛИОГРАФИЯ

Валерий МАРТЫНОВ. Поэзиялы овны . . . . .	62
-------------------------------------------	----

#### ЧУЖАН МУ, ЧУЖАН КЫВ

Лев ТАРАСОВ. Войвывса вӧр-ваті ветлігӧн . . . . .	67
---------------------------------------------------	----

Алексей ПОПОВ. Кӧйсисны доддявны. Шмонь . . . . .	78
---------------------------------------------------	----

#### АРХИВЫСЬ АДДЗӖМТОРЬЯС

А. ТУРКИН. «Профессор Жаковлӧн Ленинлы восьса гижӧд» . . . . .	80
----------------------------------------------------------------	----

УЧРЕДИТЕЛЬЯС:  
КОМИ ССР-са  
ПИСАТЕЛЬЯСЛӖН СОЮЗ  
«ВОЙВЫВ КОДЗУВ»  
ЖУРНАЛЛӖН КОЛЛЕКТИВ

ПЕТӖ 1926 ВОСЯНЬ



4



1992

АПРЕЛЬ

# СЕВЕРНАЯ ЗВЕЗДА



*Ежемесячный  
литературно-художественный  
журнал*



Учредители:  
СОЮЗ ПИСАТЕЛЕЙ КОМИ ССР,  
КОЛЛЕКТИВ ЖУРНАЛА «ВОЙВЫВ КОДЗУВ»



## *РЕДАКЦИОННАЯ КОЛЛЕГИЯ:*

Главный редактор

Егор  
РОЧЕВ

Альберт  
ВАНЕЕВ

Елена  
КОЗЛОВА

Василий  
ЛОДЫГИН

Виктор  
НАПАЛКОВ

Ответственный  
секретарь

Алексей  
ОДИНЦОВ

Алексей  
ПОПОВ

Владимир  
ТИМИН

## ПӨЛЬ—ПӨЧЛӨН МУ ВЫЛЫН

Муыд вына сэк, кор сылөн аслас эм кӱзяин. Кӱзяиныс сәки озыр, кор озыр сылөн муыс. А муыс сәки озыр, кор кӱзяиныс бура «вердӱ» сийӱс да «юктӱдӱ». Тадзи кымын сӱрнитлисны менам бать-мам, коркӱ му вӱдитысыяс жӱ, а сәсся ме моз жӱ сӱмын ӱшинь ув йӱр тӱдысыяс.

Видз-му овмӱсын ни экономикаын ме абу жӱ специалист, кӱть коркӱ тайӱ предметъясыс кузя сдایتли жӱ экзаменъяс. Но олӱмыд тай олӱм на, быдтор йылыс тӱнӱ юасьӱ, быть мыйкӱ сылы вочавидз. Аслам нӱмӱн и мутӱ гӱрлӱ-агсавлӱ, видзтӱ ытшкылӱ-куртлӱ. Косланса став ыбыс, кытчӱ ӱнӱ сӱлӱма сиктыс выль пыкӱса бокнас, менам агас увтӱ мунлис коркӱ. Гашкӱ, сы вӱсна и ӱнӱ на чайӱ морӱсӱс видз-му вӱсна ыджыд тӱждыс.

Бӱръя кадӱ, кор асланым видз-муным ӱз кут вердны асьнымӱс, уна кутисны сӱрнитны фермеръяс йылыс. Сӱмын пӱ фермер вермас вердны, тыртны сӱян-юанӱн лавка джаджъяс. Мӱдъяс важсӱ дӱльӱны: «Сӱмын колхозъяс да совхозъяс». Кӱймӱдъяс веськыда крапкӱны: «Сетӱй меным му, мыйта кора, и яйӱн-ыйӱн тыраныд». ӱмӱс и сӱтшӱмъяс, кодъяс корӱны важас бергӱдчыны, кыдзи вӱлӱ колхозъясӱдз. Кыдзи эськӱ бурджык мян Войвыв видз-му вылын? Кыдзи юклыны му? Закон петӱс важӱнкодъ нин, а му век на государство кыин. Му сеталӱны Удораын сӱмын на ворсӱдчӱм пыдди, а ас овмӱсъясын скӱт юр лыд содӱ нин. «Казялан, кор шыдеӱ азялан», шулӱмаӱс важӱн. И абу ройӱ увтӱмаӱс. Яйыд ӱз кут лоны, со и видзны кутисны сиктсаяс аслыныс скӱт. Сидз, сӱмын Важгортын, позӱ шуны, ӱти воӱн мӱс юр лыдыс содӱс 30-ӱдз, а бая-ыжыс — 300-ӱдз. Унаӱн кутисны видзны кролик, курбг-петук. «Медся сӱбкыдыс абу на

сийӱ, кыдзи быдтыны,— шуӱны ӱткымынӱн, кодлӱн лишалӱ на и вузавны,— а кодлы и кытчӱ вузавны, и яй, и картофель, и капуста». Важгортын колян во унджык капустасӱ скӱтлы вердисны, он нин шу картофель йылыс.

Да, медся ыджыд проблемаыс Удораын — сиктъясӱ абу туй.

20 сайӱ во, кыдзи воис Косланӱдз корт туй, ыджыд ӱдӱн куштӱны Удораса пармаӱс вынӱора леспромхозъяс: лагеръяслӱн, болгаръяслӱн, молдаванъяслӱн, ростовчаналӱн, Кооплестаралӱн, кодлӱн юрыс Москваын, военной ведомстволӱн... 6 миллион кубометрӱдз вӱр пӱрӱдӱны да кыскӱны ӱти воӱн (квایت миллион!), стрӱбитӱны-нюжӱдӱны сы могыс некымын сӱясӱн километр туй, а сиктӱ на пыыс кежӱ ӱти да кык. Да сийӱн на повзӱӱдлӱны: «Не кӱ болгаръяс, ныйт пыин век на уялӱнныд». Бӱръя кадӱ эськӱ не-уна и кутисны мӱвпавны районса юралысыяс сиктъясӱ туйяс йылыс, мыйкӱ век жӱ вӱчӱны. Но, кор районӱн «юрнуӱдисны» выв-сянь ыстӱм йӱз, а стӱчджыка кӱ, «партияӱн индӱм йӱз», а ми ног кӱ, «варягъяс», шуам, сӱтшӱм вернӱй ленинецъяс, кыдзи А. К. Вахненко, И. Я. Затуловский, Р. П. Денисов, найӱ, тыдалӱ, мӱвпалисны сӱмын сы йылыс, кыдзи ӱдӱӱджык куштыны пармасӱ да унджык босытны премия, кытыс оз ков мынтыны партийнӱй взносыяс.

Талун, кор олӱмыс вежсӱӱ вуж йывсяныс да туган йылӱдзыс, ме тшӱкыда мӱвпала сы йылыс, кыдзи эськӱ бурджыка да кокниджыка озырмӱдчыны сиктса войтырлы, сувтны ас кок йылӱ, мед вӱлины найӱ муыслы ӱз рабъясӱн, а кӱзяинъясӱн. Унакӱд ме сӱрнитлӱ та йылыс. Налӱн да аслам мӱвпъясӱн и кӱсъя эськӱ юксыны.

Ог кӱсйы пырны ыджыд поли-

тикао, Коми мортыдлы кокни-джык мунны съод вөр шөрөд компастог сыысь, кызди тшөктөны вөлі мунны мяян политикъяс коммунизмө кывнаныс вольсалөм паськыд да чорыд туй кузя. Но быть колө неуна шуыштны. Сытөг бытьө и оз позь талун. Кызду шуласны, сытөг менө оз гөгөрвонны бур йөзис.

Эна ми эским марксизм-ленинизмлы. «Орт шөйтө Европа весьтын, тайө ортыс Коммунизм-лөн». Тайө шусьөгсө меным тэчисны юрө пионерө пырөмянь. Вөлі ме комсомолын, вөлі и КПСС-ын. Коркө эски, коркө тышкаси, кызди верми, бюрократиякөд, шедлісны йөгъяс и ковтөм «наградаяс». Сизим дасөд вылө вуджи ас олөмын, а тайө ортыс век на көнкө шөйтө да оз көйы матөдчыны ме дорө сідз, мед эськө ме верми сійөс көть малыштны. Но ортыд орт и эм (призрак). А мянөс тшөктисны эскыны сылы!

Большевикъяс пөръясьөмөн да вынөн босьтисны демократиялысь власть 1917 вося октябрын да шунсны сійөс пролетариатлөн революцияөн, бытьөкө веськөдлыны Россияөн кутас уджалысьяс-лөн класс. Но уджалысь коли уджалысьөн. А большевикъяслөн диктатура кутис бырөдны Россияса йөзөс. Ленин, Троцкий, Свердлов да найөс водзө вылө вежысьяс Сталинсянь Брежневөдз юрнуөдөм улын лон виөма да сістьөма тюрмаясын вөвлөм Российской империяысь сө кымын миллион мортөс, налөн, вождяслөн, мыж вөсна панөм войнаяс ляддьөмөн. (Тадзи висталөны историкъяс). Виль, бур олөм вөсна пө морт лов абу жаль, ми пө төждысям локтысь поколение вөсна. Но и локтысь поколениелы бур олөмыс эз ло. Кытысь нө лоас, кор йөзыслысь мырдисны вөля да эз лэдзны весиг уджавны ас көсийөм сертиньыс. А сионист-большевикъяслөн юрнуөдысь чукөр эз вермыңы юклыны ас костаныс Россиялысь озырлунсө да тшөтш виалисны өта-мөднысө, кызди овлө быд мафиозилөн.

Пуксис сэтшөм строй, кор өтияс, кодъяс «кужисны» овны, вый

пийн туплясисны, мөдъяс мыр-сисны да пөсьнаныс мыссисны, коймөдъяс вомнысө паськөдөмөн виччысисны енежысь маннөй рок, кодөс вөзйисны большевикъяс. Сідз и школаын велөдісны челядьөс: «Велөдчөй, сөмын велөдчөй! Воас Коммунизм, уджавны оз ковмы, сөмын кнопкаяс личкав...»

Сэтчөдз велөдчим, мый страна, му шарлөн 1—6 юкөныс, коді коркө вердіс няньөн джын Европасө, ачыс петіс тайө Европаса коран мешөкөн. А сэся и дзикөдз киссис-пазалис да уна пельө разалис. Мыжаыс, ме думысь, таысь абу жө талунья олысыс, а найө, кодъяс 1922 воын на РСФСР-ысь СССР котыртөмөн пуктисны мог разөдны вөвлөм Российской империяөс уна пельө.

Виль демократия, коді, позьө шуны, и отсалис киссыны сістьөмөм подула государствоы, вөзйө йөзлы нөшта өти «Виль олөм», өні нин капитализм, кытысь көсөйим пышйыны 74 во сайын. Төрыт кө вөлі «пролетариатлөн диктатура», код сайө дзөбсьөмөн юрнуөдіс странаөн КПСС ЦК-лөн Генеральнөй секретарь да сылөн Политбюро (ни КПСС, ни Сөветъяс некор некытөн нинөмөн эз веськөдлыны, ставсө вөчисны быдлаын сы ног, кызди тшөктисны «Вывсянь»). Но талун виль демократия (код вылө ме бара жө эна эска) бара жө көсийө тупкыны вомсө Сөветъяслысь, сідзкө, и йөзлысь. Кызди нө мөд ног гөгөрвонны Президентлысь «наместникъясөс» областьысын да «юралысьясөс» районьясын. Бөрйөм власть вылө — индөм власти! Тешкодь. Но тайө нин вөвлі, төрыт на тадзи вөлі. Кодъяс нө юрнуөдісны районьясөн? областььясөн? республикаясөн? «Первойяс!» А коді найөс бөрйыліс? Ыстылісны Центрянь. (Бөрйөм вөлі формальной актөн, кызди и сэкса депутатъясө). Демократия кө, то колө збыль демократия, кызди асьсө Президентсө бөрйисны — став войтырөн өтув. И йөзыс шуөны нин, мый тайө «необольшевизм». А, гашкө, и збыль тадзи? Дерт, колө кутны төд вылын, коді на сійө наставникыс, мый вылө

веськӧдӧма сылысь вын-эбӧссӧ.

Ме эска: демократия вермас, пуксяс мян му вылӧ сэтшӧм строй, кор морт кутас вермыны вӧчны сійӧс, мый сылы бурджык, мыйӧн да кызди унджык пӧльза вӧчас аслыс и йӧзлы. Му лоас сылӧн, кодӧ кӧсийӧ сы вылын уджавны, дӧзбӧритны-пелегуйтны, а оз сідзи вӧч, кызди вӧчисны совхоз да сэкса МТС, кор найӧ воисны Удораӧ.

Кор воисны Удораӧ тракторъяс, гӧрисны муяссӧ 30 см пыднаӧ. А мян войвывса ыбъяслӧн му синыс (гумусыс) сӧмын 18—20 см кызта. Лэптисны лыа-сэйсӧ джуджыд амысяс и муясыс «кулісны». Урожайсӧ эз кутны сетны. Со ӧд мый вӧчисны велӧдчӧм войтыр, кодъяс воисны тракторъяскӧд тшӧтш, а местной йӧзлысь эз кывзысны, кор найӧ сувтлісны паньд татшӧм гӧрӧмыслы. И ӧнӧдз на совхозъяслӧн муяс вылын урожайыс оз во турунысь кындзи. Но сэк жӧ ас йӧрысь босытӧны йӧзыс ыджыд урожай картупель.

Ена лои увтыртӧма Россияса йӧзӧс бӧръя 70 сайӧ во чӧжӧн. Но быдӧнысь сола олӧмыс вӧлі, ме думысь, сиктса мортлӧн, видз-му вӧдитыслӧн. Бур крестьянин пырис эксплуататоръяслӧн клас-сӧ. Эз ӧд прӧста Ленинлӧн медся ыджыд вӧрӧгъясыс ӧтиӧн вӧв «кулак». Му вӧдитысь, кодӧ вердӧ став йӧзсӧ, лоис медся мыжаӧн сыысь, мыйла «коммунизмлӧн ортыс» эз ловзы мян му вылын да став Му шар пасытаыс. Кызди сӧмын коньӧр крестьянин вылын и эз изгаляйтчыны: первой грабитисны красноармейской продотрядясӧн, сэся гӧльясӧс ӧтувтлісны коммунаясӧ, эз артмы нинӧм да «едӧк» вылӧ му юклісны, кодӧ и сәні озырмис, кулакалісны, а мукӧдсӧ колхозӧ пыртисны; мужиклы быть уджав, эз вош и сәні. Помнита, война водзвылын нянь и вый, картупель и галанка, пыш тусь и лук... сетісны трудодень вылӧ. Но, тыдалӧ, эз кажитчы сиктлӧн озырмӧмыс и райкомъяс босытчисны юрнуӧдны колхозясӧн, весиг деньгаӧн вешгысьӧм вылӧ тшӧктисны вуджны. А сэся и дзикӧдз босытисны мужик кысь

мусӧ, совхозъяс котыртисны. А сән муыс государстволӧн, быд сән и бадь, ни эн гӧр аслыд, ни эн ытшкы сәтысь турун. А Хрущёвлӧн коммунизмӧ пыригӧн и ӧшинь увсыс кутісны мырддявны ӧткымынлысь му рӧчсӧ. Помнита ӧртлысь дядьсӧ, Иван Алексеевич Трофимовсӧ. Куим челядя мамӧс босытис война вылысь воӧм инвалид. Син пӧлӧдыс пуля мунӧма да мортыс на ловъя кольӧма. Ӗшинь улас картупель садитӧма да пенсиясӧ оз сетны, «связан пӧ сельским кӧзьяйством», шуӧмаӧсь мӧд группаа инвалидлы, так ковмис нетшкыны петалӧм картупельсӧ, мед пенсия босытны. А нӧб быдса кӧ вайин бадь дорысь турун, адзисны кӧ, мырддисны, государстволӧн пӧ сійӧ муыс, абу тәнад. Бытьӧ государствоыс Хрущёвыс и эм ачыс. Ме ог нин шу сы йылысь, кымын мортӧс нуисны сиктыясысь лагерьясӧ 1937—1960 воясӧ то «кузь кыв» пӧнда, то юр турунысь либӧ зеп тыр шептысь. Весиг тулысын арся шепсӧ оз позь вӧлі гортад вайны война бӧрас, быд потшӧс дорын ӧшаліс плакат: «Весенний колос — яд!» «Проросший колос — смертелен!» А ӧні врачьяс тшӧктӧны сәйны «проросший колоссӧ», мед эн вьр.

Енмыс-ӧ, кольӧм август тӧлысыс путчыс-ӧ отсалісны, но друми сувтӧм олӧмас сэтшӧм тшупӧд вылӧ, кысянь колӧ босытчыны збыль олӧмас ставлы аслыным. «Ни ен, ни царь, ни герой» оз отсав мянлы. Тайӧ дзик збыль. Кор став выланым кутас ыджыдавыны рынок (а сійӧ кадыс со воис нин), ньӧбӧм-вузасьӧм лоӧ экономикалӧн рычагӧн. Мед эськӧ эз вудж сійӧ бӧр монопольной капиталӧ. Ми сәки бара кылам сылысь чорыд ловшысӧ, мый йылысь гижліс Карл Маркс да мый йылысь, тыдалӧ, вунӧдлісны ленинско-сталинской экономикаа общество котыртысыс да нуӧдысыс, кодъяс кӧсийисны пролетариат (кодлӧн кысыс кындзи нинӧм абу) да гӧль крестьянин (кодлӧн вӧлыс ни гӧрагасыс абу) отсӧгӧн озырмӧдны сэтшӧм ыджыд странаӧс да сә-

тшом «бур олёмсө» паськөдны став Му шар пасьтала.

«Чаг кө он бергөд му вылысь, и сійө сисьмас», шулөмаөсь важон. Кыдзи нө оз сисьмы строй, олөм, кор сійөс оз позь весиг критикуйтны. А өд миян кыдзи вөвлі, асьным асьнымөс ошким: «Мед олас КПСС!» «Сөветьяс — медья демократия власть!» да с. в. Печать, радио, телевидение сөмын сійө и вөчө, мый ошкө политической строй, кодөс дась пасьвартны сы улын олысь йөзис.

Унаөн казтылөны өні, мый водзті, дудалөм кадын, магазинад быдтор вөлі, а өні, вөля да демократия кадө, магазиньясын джаджьяс кушөсь. Да, бурджыка овсис сэки, но кутшөм донөн. Помнита, Хрущёв дырйи кылі «Америка гөлөсысь»: «Быд минутө пуксьө Парижса аэродромө Сөветьяслөн самолёт тонна зарниөн». Корреспондентыс, төдөмысь, вежорас кутіс и сырьё — нефть, газ, вөр — ставсө, мый позьө вузавны. Сэтшөма чуйми! Юалі ме сэки өти партийнөй босслысь, мыйся тайө операция. Сійө вочавидзис: «Ми ньобам фуражнөй зерно». Мөд ногөн кө, кукуруза. Хрущёвлөн өд и нимыс вөлі «кукурузник». И сэки позис эскыны та вылө. Столөвөйясын няныс вөлі сетсьө пөшти дон босьттөг, тэчөма пызан вылас, көть мый мында сөй, колөкө. Коммунизм да и ставыс матөдчө. Но сэки жө, вөлөмкө, шобдісө сюрс тоннаясөн гуалөны муө бульдозерьясөн Казахстанса да Зап. Сибирса целиная вылын... Оні зарныс визувтіс, бырис, нефтьыс ямис, да и доныс усис.

О, енмөй!.. Эг көсйи пырны пыді политикаө, но эг вермы сытөг и водзө сёрнитны. А сёрнитны ме көсйи Удора сиктса олысь йылысь, кыдзи сылы лөсьөдны олөмсө талунья сьөкыд кадас аски вылө видзөдөмөн.

Удораса олөм-вылөмын сиктса мортлы озырмөдчыны, дерт, сьөкыд. Но, ме думысь, позьө. Вөліны жө коркө миян асланым «кулакьяс» да купечьяс. Важгортса ярмаркаяс Мөскуаөдз нималісны. Мезень да Вашка кузя ветлысь паракөдыс вылын уна ка-

питан вөлі Удораысь петөм морт. Кослан школа помалысь, өні Москваса учёной, А. Афанасьев өтчыд висьталіс: «Ветла вөлі Лешуконскөй районөд (Арх. обл.). Юася ю-ель да морт оланін нимьяс йылысь. (А коми нимыс уна — Вожгөра, Ольөма да с. в.). Юалі жө и сы йылысь, кыдзи, мияс, важөн оліныд комяскөд? «Кыдзи олім? Көн кутшөм начальник, сійө и зырянин. Вот сідз и олім», вочавидзөны.

А өні? Көн кутшөм портпеля, сійө и абу коми. Война бөрсянь сөмын медбөрья первой секретарыс КПСС райкомын вөлі ас районысь. Эз удит весиг и лөлыштны, бырөдісны партиясө. Төдөмаөсь, тыдалө, мый карабыс вөйсьө, пышйөмаөсь «крысаяс». Райисполкомын медбөрья здукас жө лоис ас морт. (Дыр-ө лоө а? Абу өд бөрийөм өні, а индөм юралысь). Вөлі таөдз өти төлка морт, Пархачев А. Н. Но, кор вайөдісны КПСС райкомө Первойн А. Вахненкоөс, пыр и кывсис, шуөма: «Пархачёвщинакөд ми помалам!» И помаліс. Вешталіс, коді удораса вөлі. Вайөдаліс украинецьясөс кыз портпеляс новлыны. Вөвлөм прөстөй шахтөрөс, некутшөм опыттөм да олөм төдтөм мортөс райисполкомса председателёдз вайөдіс. Вөвлі и прокурор өтик, а районса быдтас, Донцов С. И. Но, кор сійө честнөя закон дорө кутчысис, мед эз вывті ыдждавны партаппаратчикьяс, өдий вештісны «вывлань».

Районөн юрнуөдісны «варягьяс». И сэки жө Удораысь лои бырөдөма көр видзөм, нянь да шабді көдзөм, общественнөй овмөсьясысь лук да морков быдтөм, баля-ыж, курөг-петук видзөм, чинісны муяс, видзьяс, лудьяс. Сідз, 1927 воын Удораын вөлөма 2770 вөв, 5800 гырысь скөт, 6000 ыж. Ставлы тырмөма көрым. А өні вайөны бокысь на, но оз тырмы. А скөтыс государственнөй овмөсьясын сөмын 7 сюрс юр. Ставыс. А нель овмөсысь сөмын өтикын веськөдлысьыс ас сиктса морт.

Тайөн ме ньөти ог көсйи омөльтны воөм веськөдлысьясөс. Гашкө, найө и бура уджалөны

да абу найо мыжаоь став сийо тырмытотторьяссыс, мый лоис миян ай-мам муяс вылын. Көсья шуны, модаро, сы йылысь, мый ми ставсьыс чола олам да вомнымос паськодомон виччысям, код-мый миян мыччас-ваяс.

Пыссаын ме вөлі воддза гожомо. Магазинын йов выло ыджыд очередь. Но ас картаын мос некоді оз видз. Лудыс ни виддзыс по абу, корымсо заптыны некытысь.

Гогорвоа, Удора миян голь видз-муон да и пырзис нин бадьон уна гектар, буждис юяс полоньыс и. Но они некоді жо и оз мырдды ытшкөм турунто, оз штрапуйт, кыдзи вөвлі дзик на неважон — государствовольсь по гусялин. Гусясьом — коми мортлон вөлі медся ыджыд грекон. А мортсо портисны гусясьысьо. Эм-о сыысь ыджыдджык грекыс? Бытьокө турун нобсо море сайысь контрабандаон вайома, абу бадь костысь ытшкөма. Аслад труды — гусялом!

Тадзи вөлі. Яндзим и казытышны эськө да.

Они поэво лосьодны ичот и ыджыд ас овмос, кольчыны и совхозо и колхозо. Кушом туйод мунны бурджык, шуам, Удораын? Унаон шуоны: «Юкны муяс да лосьодны ас овмосьяс. Но унаон и паньды талы: «Велалім нин отув уджавны». Ме на дор, кодьяс көсьоны лосьодны быд сиктын-грездын асьыныс кооператив (колхоз).

Ме думысь, колхозса олмыс дзугсис помодз сы вөсна, мый сыон кутисны «веськодлыны» вывсынь, стбчдыка кө, КПСС райкомсянь, экономикаон көсьисны юрнуодны политикалон бедьон. То ыдждодоны, то бор торйодоны, то выль вождьлысь ним сетоны, то план содтоны... А мыйла тадзи вочоны, асьныс оз тодны.

Помнита, мододисны мено комсомол райкомын уджалогон уполномоченнойон Копты деревняса колхозо. Колө нуодны гора-кодза да заём кампание. Вөтлісны Косланьысь апрель 29 лунө. Мбдөдчим подон морт квайт-сизим. Вөлі нин шоныд, вот-вот юяс вөсьяласны. Субачо вотодз ков-

мис вөр ёль вуджны гачьяс порчкөмон, кок улын вөлі йи. Миянкөд вөлі кык нывбаба, найос лои вуджодны пельпом вылын. Копты — медборья деревня районын. Сэтчо вотодз некумынысь на ковмис порччысьылыны. Май витод лунө вөлі тшөктөма петны горны-кодзны. Быть! А муяс на ва, вөлыд вөйө, тракторьяс эз на вөны. Томиник нывкабригадир бордо: «Оз петны». Эз и петны йозыс му выло. Миян по пес колө керавны. Шонди петигас на ставон кайисны-пышйисны вөрө. (А кор сөсья кералан?) Пес керавсис, му косьмыштис, йоз петисны горны-кодзны шумтог-зыкто. Сэки воис правлениео Райземотделесь уполномоченной. Юалө председателысь: «Көни тиян планьясныд?» «Көнкө шкапас кө а, кытысь ме тода. Ачыд од пунктін колян арө», — вочавидзө председатель Александр Коровин, вөвлөм фронтовик, оти кокыс протеза. Мен кажитчис — толка морт. Шкапысь и сюрис «Планыд», ыджыдсьыс ыджыд папка. «Мый нө, мыйкө бара вежлавны кутан?» — юалис председатель. «Тшөктөны корректируйтны», — вочавидзис Райземотделса уполномоченной. «Но, но», — нюммунис председатель да петис жырсьыс. Кор план лон «корректируйтөма», сийос бор вөлі пунктөма шкапо да сийо, тыдалө, оліс сэни сэтчөдз, кытчөдз эз во колхозо нөшта оти план корректируйтысь. Тадзи со уджалисны колхозьяс. Дерт, тадзтө быдтор поэво кисьтыны. А сетны кө вөля неыджыд колхозьяслы, мед вөлі сөмын му налог да контрольон земельной банк. Чайта, поэво озырмөдчыны на Удораса муяс вылын. Йозыс Удораын удж вылад хлечөсь, суюсьо да сиктас на сибдөмаоь. Да сэн кө на неыджыд ас овмос, кытон и уджалис мед сөмын көзьяйка, гортса олысь.

А лоны фермерон отпырысьон, ме чайта, вывти сьокыд удж. Кушом сьокыда сувто кок йыло районаса медводдза фермер, Косланьысь Владимир Ванеев. Мыйта нин ссуда босьтліс, а век на быттьо арендатор кодь. Ме чай-

та, тайо туйыс абу медся бурьясысь, оз быдёнлы шед.

Но кытчөдз лооны на совхозьяс, дерт, сиктса йёзлы сэні на лоо мырсыны, некытчө он воштысь. А оз кө лоны?.. И тайо нин регыд.

Төдөмысь, Удора оз вермы вердны асьсө няньбн. Коркө прөмыс отсаліс. Во 25 сайын на Райпотребсоюзлөн охотовед меным висьталіс, мый районсө во чөж вермас вердны няньбн сөмын вөралысьяслөн прөмысыс. Дерт, öні та мында зверьд эз нин коль кушмөм пармаад. Да и вöрыс, коді мянöс öні вердö, регыд оз коль. Öнія став лес-промхозыс кө кутасны перйыны вöрсö сы мында жö, кызд и öні, пöшти 6 миллион кубометрöн во, 2000 воэдз вöрыс оз нин ло туяна пöрöдöм вылö.

Ме тшöкыда мөвпавла: «А мый лоо сы пыдди, кытысь «ытшкöма» вöрсö?» Сэтшöм бур туйяс вольсалöма Вашка да Мезень пöлөнса вöрьясöд, уналаöd нюжөдöма электролиния. А мыйла, шуам, тайо туйяс бердас эз кыпты ни öти ферма? Эз ло вöчöма му-видз да кыпöдöма гидкарта? Сійö жö вөр лэдзысь предпріятиясыс и вермисны эськө вöчны: болгара, молдавана, лагерьяс, кытөн видзöны йöзсö «уджөн воспитайтöм могысь»? Али оз быдмы сэні нинöм? Скöt видзны оз позь?

А сиктыяс кушмöны. Торъя нин мунöны нывъяс. Велöдчöны и мунöны карьясö, посёлокьясö... А быд сиктын öні 10—20 мужичöй оло семьятöг. Абу пö сиктас уджыс нывъясыслы. Видз-му пелегуйтöм, скöt дөзёоритöм, ныла-пиаöс тутöм-быдтöм нö абу удж али мый? Ой-ой, кутшöм на удж! Колö сöмын мяян юр вемысь вуштыны сэтшöм мөвп, мый мортыс кө оз служит кöнкö, абу кытчөкө сійöс сибдöдöма «трудöвöй книжкаöн», то сійö туняедеч. Глотовоын, висьталісны сельсöветас, кык том мортöс пö

школа помалöм бöрын абу трудоустроитöма. «А гортаныс мыйкө вöчöны?»— юалі ме. «Отсасьöны бать-мамыслы». А сійö мый абу удж? Мед быдтас немын порсьöс, сдайтас, со и денга нажöвитас олом вылас. Сідз жö и том нывьясöс колö велöдны крестьянскöй уджö, оз совхозлөн пидзöсöдз няита двoryн, а гортса гидкартаын. Сэки и зоньяс эськө эз кольны бöбыльясөн. А стрöитчыны öні и государство отсалö.

Сиктөн öнөдз юрнöдисны эз юрөн. Сиктöс сöмын нёнялісны. А колö пыдди пуктыны сиктса олысьсö, отсавны быд ногыс, медся нин туйöн. Удораын туй— медся ыджыд проблема. И тадзи вöлі нэм. Коркө важөн Веньдинса крестьянин Калинин писькөдіс ас кодьыс жö мужикьяскöд туй Ертомасьян да Айкинаöдз. Налы колö вöлі сöмын вöла туй, сійöс и вöчисны. Мужикьяс, черрөн-пилаöн, зырийөн да вöлөн. А öні көрт туй нюжөдисны, а сиктö туй эз вöчны. Сöмын районысь вөр бырöдöм йылысь мөвпöн олісны ставөн Сыктывкарса Верхсöветсян да районса сельсöветьясöдз. Туй лоо— олом озырмас.

Сöмын му вылын сулалö став оломыс. Сöмын му бердö да вөр-ва бердö кутчысьмöм ловзяс Удораса олысь. Шуа тадзи, а дум вылö усьö менам ёрт, вөралысь-промысловик Геннадий Селиванов. Видз-му юклöм йылысь эм закон. А мыйөн нö мыжа вөралысьыс, кор бырöдöны сылысь угодьбясö? Колö сетны и сылы вөр-валысь пай, мед некоді эз лысьт сытöг пырны сылөн угодьбясö, пöрöдны сэтысь вөр, кыйны зверь-пöтка. Красноярскöй да Тюменскöй областьясын эмöсь нин сэтшöм законьяс. Кад и мяян Коми республикаын примитны торъя Закон.

Со кутшöм мөвпясөн ме көсйи юксыны тайо гижöдын.



## Быттьö мамöй динö волі

Сьöктöм нопйөн вöрысь петі:  
Лышкыд козин вöзйис мен...  
Вотöс-тшакыд сөвмө сэтөн,  
Бурдан турун быдмө сэн.

Вöрысь пета коймөд час нин,  
Вывсянь буситыштö зэр.  
Упка-восьлала,  
А аслам  
Сьöлөм вылам кокни зэв.

Важөн-важөн ме эг вуджлы  
Парма мулысь нитшка от,  
Но быд пулы да быд вутшлы  
Ичөтдырсянь тöдса ёрт.

Мир туй вылө петны долыд,  
Мышкын шувгö арся вөр...  
Быттьö мамöй динö волі,  
Гöститышті — и со бөр.

## Югыд шондiйöй...

Югыд шондiйöй, тулыс чужтысьöй,  
Веськөд войвывлань мелі син.  
Дойяс чинтысьöй, шогъяс вуштысьöй,  
Шыбит морöсам долыд кинь.

Югыд шондiйöй, водз-водз садьмысьöй,  
Ёна нюжөдан гожся лун:  
Ытшкан видз вылын тэкөд аддзыся,  
Куртан видз вылысь дыр ог мун.

Югыд шондiйöй, кывтан уліті,  
Кодыр пöльыштас ыркыд ар,  
Но ог көсйи ме видны-кулитны,  
Көть и абу тэ лышкыд ни жар.

Югыд шондiйöй, тöлын көдзалан,  
Дзебсян дыр кежлö, вошан дзик.  
Джуджыд толаяс тыртан-вöчалан,  
Лымйөн пырзьөдан чужан сикт.

Югыд шондiйöй, мян Войвылө  
Волы-өзъявлы, шаньөн ло,  
Коми шогнымöс, коми дойнымöс  
Бурдөд-шонты да гөгөрво.



# Асыввывса сир пöртйын

*Öти комилөн казтылёмъяс*

## КЕРЕНСКИЙ ВЕЖÖ ПОЛИТИКАЛЫСЬ НЫРВИЗЬ

Тайö жö кадас, кор Керенский вежис аслас политикалысь нырвизь-сö, сийö ачус ветлöдлiс фронтъясöд дивизияысь дивизияö, лöсьыда висьтавлiс салдатъяслы, мый колö война нуöдны помöдз, корис салдатъясöс збоя тышкасьны да ловсö пуктыны тайö могсö шедöдöм вöсна. Сыйн медалём йöз тайö кадас сiдзжö ветлöдлiсны полкысь полкö татшöм жö **могьясөн**.

Дивизия штабысь воисны миян полкö кык татшöм сёрнитысь — дивизионной врач да дивизия канцелярияысь писар, том еврей. Медводз сёрнитiс еврейыс. Сийö гөгөрвоöдiс салдатъясöс, мый Россияös спаситöм могысь колö войнасö нуöдны помöдз, вермөмöдз, кодi абу нин и ылын. Прöтивник слаб, сийö тшыгъялö, сылөн пуля-порок складъясыс кушöсь. Сийö гөгөрвоöдiс, мый Россиялөн вынйöрыс збыльысь нюжöдчас Средиземной мореöдз, Дарданеллы да Константинополь тöд вылö босьтöмөн. Сийö висьтавлiс, мый Галицияын заводитчисны нин тышгьяс, и сэнi миян ён артиллерия чышкö прöтивниклысь чуткасьыс сутугаа потшöссö бритваён моз, а миян войска ставсö бырöдöмөн мунö водзö. Сийö сёрнитiс, кызди миян славянскойö племяс ышлолалöны Австро-Венгрия кабыр улын, и миянлы быть колö найöс мездыны. Татшöм сёрни нуöдiс еврей.

Та бöрын сёрнитысь водзö петiс öти миян салдат да юалис, кызди пö сийö вермö тадзи сёрнитны, кор временной правительство, йöз да армия кöсийöны мир. Сэсся сийö зепсыс перийс газет да индiс шöр статья вылö, кöни вöли гижöма дзик мöдарö, мый правительство быть кöсийö мир да зильö пырысьтöм-пыр заводитны мир йылысь сёрнитчöмъяс.

Сёрнитысь кöсийс видзöдлыны газетсö, салдат сетiс. Сёрнитысь синмалiс сийöс да шуис, мый газетыс кык вежонс, а тайö кад костыс временной правительство вежöма политика нырвизьсö. Салдат лантiс да мунiс.

Сы бöрын сёрнитiс врач, кодi сiдзжö гөгөрвоöдiс, кутшöм колана öни война Россиялы. Салдатъяслы колö кывзысьны правительстволысь, тышкасьны да дорйыны сийö шедöдöмъяссö, кодъясöс Россиялы вайис революция...

Миян полкын тайö сёрнитöмъясыс чужтiсны лöглун временной правительство вылö. Салдатъяс мудзöмаöсь нин войнасыс, кöсийсны мир да тэрмасисны гортаныс. Весиг миян Р. тайö кадеяныс бара заводитiс выступайтны война нуöдысьяс дор, но сийö помöдз воштiс салдатъяслысь эскöмсö: некод нин сийöс эз кöсийы кывзыны.

Тайö кадеяныс большевистскойö партия Россияын тöдчымөн быдмис, сийö кöсийсыс йöзлы мир. Еврей-большевикъяс кындзи партия дор зiля сулалiсны став военной дезертиръяс, а сiдзжö салдатъяс пиысь найö, кодъяс корисны мир да зiлисны гортаныс.

Миян полк базируютчис Румынияын важ местаас. Важ моз соборуйтисны. Салдатъяс бöрынтысны офицеръясöс командуйтöмысь, на места пукталiсны ас пöвстьыс прöстöй салдатъясöс, водзö ветлöдлiсны румынъяслөн вишня садъясöд да чеглалiсны пуяслысь чальяссö, сиктса йöз пöдвалъясысь гусявлiсны вина лагунъяс да кодалiсны. Такöд офицеръяс дзик немтор эз вермыны вöчны. Сюрисны и на пиысь сэтшöмъяс, кодъяс нинöмөн эз торъявны салдатъясысь. Тадз миян полкын öти батальонса командир, том штабе-капитан, öтчюд код юрөн лыйис кунм румынскойö полицейскойöс.

## МИАН ДИВИЗИЯЫН ИНСПЕКЦИЯ

Полкō бōр воѡм бōрын украинеч офицерсянь, матысса ёртсянь, кывлі миян дивизияын шензѡданатор йылысь, кодї вѡлѡма менам ѡт-пуск дырйи. Дивизияын нуѡдѡмаѡсь вося хозяйственнѡй инспекция. Военнѡй закон серти татшѡм хозяйственнѡй инспекция нуѡдан комитетѡ пырѡны высшѡй да низшѡй офицеръяс. Ёртѡй веськалѡма татшѡм комитетас да со мый висьталїс инспекция йывсьыс.

Хозяйственнѡй инспекциясѡ нуѡдїсны Бакѡу карын. Дивизияысь инспекторъяс мунїсны сѣтчѡ торъя вагонъясын, кѡнї вѡліны менам ёртѡй, капитан да юнкер формаа том салдат. Тайѡ том мортыс туй чѡжыс вѡлї зѣв прамѡй да вежавидзысь, мича ныв сяма чужѡмбана да лѡсьыд гѡлѡса. Мѡд луннас капитан мунїс полковниккѡд мѡд вагонын, а менам ёртѡй колїс тайѡ том салдатыкѡд. Регыд найѡ лоисны сѣтшѡм бур ёртъясѡн, мый сывъясисны да окасисны — салдатнас вѡлѡма том да мича нывбаба. Асывнас, Бакѡуѡ воѡм бōрын, заводитчис дзик пыр инспекция, но регыд дугѡдїсны да мунїсны гажѡдчыны-юны. Медым гажѡдчѡмсѡ некод эз торк, найѡ мѡдѡдчисны 5 км ылнаын сулалысь ыджыд помещьѡ. Бакѡуысь корисны сѣтчѡ сїдзжѡ том санитаркаясѡ, кодъясѡс та вылѡ, тыдалѡ, водзджык сѣтчѡ вѡлї вайѡдѡма. Ящїкъясѡн кыскалїсны бур винаяс. Топыда юисны да гажѡдчисны сѣнї вежон. Рытнас, ёрт висьталїс, керкасыс став ѡшиньясѡ тупкалїсны, пѡрччы-сисны пасьтѡг да пасьтѡгыс, кызди мужикулов, сїдзи и нывбабяс, танцуйтїсны-йѡктїсны, сьылїсны ульѡс сьыланкывъяс да с. в. Асывнас гоз-йѡдчѡмаяс садьмалїсны, кодї кѡн... Ѳтчыд ёртѡй асывнас палялѡма да ас дїнсыс адзѡма пасьтѡм санитаркаѡс. Сад бокас мунѡма шоссе, йѡзыс видзѡдѡны да сералѡны. Сїйѡ садьмѡдас нывбабасѡ да кыкнан-ныс ѡдїѡ котѡртасны керкаас. Став инспекция чѡжыс сїйѡ эз вѡч не-тор, оз тѡд, кытысь сѣтчѡ юанторъяссѡ вайлїсны да кодї гажѡдчѡмсыс мынтысис. Тадзи колїс вежон. Став кабалаясѡ найѡ кырымалїсны ылѡсас. Ёртѡй меным тайѡс висьталїс, кызди гусятѡр, но ѡнї нинѡмла дзебнысѡ. И кор менам казътылѡмъясын петкѡдчѡны сїйѡ кадся лоѡм-торъясыс, ме видзѡда, кутшѡм вѡлї сѣксея правительство и кытчѡ мунїс сьѡм.

## БѡР ГАЛИЦИЯѡ

Июнь помын ми кывлїм, мый миян 45-ѡд армиялысь частьсѡ бара мѡдѡдѡны Галицияса фронт вылѡ. Сѣки жѡ миян полкса штабѡ воїс приказ Р.-ѡс пырысьтѡм-пыр мѡдѡдны Питерса салдатекѡй да рабочѡй Сѡветѡ. Салдатыас эз кѡйыны сїйѡс лѣдзны, шуалїсны: «Тї кѡсьянныд, медым ми тышкасим вермѡмѡдз, но ѡнї, кор миянѡс мѡдѡдѡны фронт вылѡ, тї пышъянныд Питерѡ». Но Р. вѡлї зѣв дѡвѡлен и висьтавлїс салдатыаслы: «Радпырысь эськѡ мунї тїянкѡд тышкасыны, но воїс приказ — колѡ мунны Питерѡ и ме пѡрта сїйѡс олѡмѡ». Регыд миянлысь полкѡс заводитїсны бара кѡрт туй вывтї вуджѡдны Тарополь дїнѡ. Румынъяс мунѡмсѡ примитїсны радпырысь. Ѳнї найѡ мынасны дѡзмѡдчысь рочьясысь. Зѣв ѡдїѡ нуѡдїсны скорѡй поездѡн да места вылѡ воим июнь бōръя луньясѡ. Поводдя вѡлї мича да шоныд. Воѡм бōрын сетїсны дженъидик шойччѡг. Тайѡ кадас салдатыас сѣрнитїсны сѡбранныѡяс вылын, ызгисны да шуалїсны: «Огѡ тышкасьѡй! Огѡ мунѡ фронт вылѡ!» Сѣки фронт вылысь заводитїсны воавны шог юѡръяс: наступление торксьѡма, прѡтивник кїѡ сюрисны Гали да Пршезань.

Миян дивизиялы ковмис дзик пыр мунны Пршезаньялань. Но салдатыас бара пыкисисны. Офицеръяс грѡзитїсны салдатыаслы: оз кѡ мунны фронт вылѡ, найѡс лыйласны. Сѣки салдатыас шуисны чукѡртны став дивизиялысь сѡбрание, мый и лої вѡчѡма мѡд луннас. Тайѡ сѡбрание вылас шуисны: фронт вылѡ оз ков мунны. Сьѡлѡм вылын вѡлї шуштѡм. Дивизия бунтуйтїс восьсѡн. Сїйѡ эз кѡйы пѡртны олѡмѡ временнѡй правительстволысь приказ. Эгѡ тѡдѡй, мый вѡчсьѡ фронт вылын. Бунтуйтѡмсянь коймѡд луннас воїс приказ: пырысьтѡм-пыр мунны

фронт вылө. Салдатъяс кö оз кöсыны, то ковмас мунны сöмын офицеръяслы. Офицерство вöчис ставсö, медым мöдöдны салдатъясöс фронт вылө, но салдатъяс пыкисны.

Кык час лунын век жö сиктысь петис фронтлань пулеметнöй взвод. Сы бöрын заводитисны мунавны сиктысь ротаясысь офицеръяс денщикъясскöд, винтовкаясöн пельпом выланыс. Медбöрын полкса командир верзöмөн кытшовтис сиктсö да горöдис: «Ёртъяс, чужан му корö миянöс мунны фронт вылө! Коді тайö приказсö оз кыв, сийöс чужан му мыждас». Татшöмöсь вöлісны салдатъяслөн медбöръя майшасян здукъяс. Сиктысь надзöникöн кутисны мунавны рота бöрся рота; лыбис зык-видчöм: мыйла öнi мунам фронт вылө. Сикт помын офицеръяс öтвучисны матыстчысь ротаяскöд. Миян полклөн фронт вылө мунöм йылысь кывлöм бöрын вöрзисны и мукöд полкъяс. Тадзи бара матысмим фронтлань, вир кистана тышъяслань. Кöнi фронтыс да кодарын армия — некод эз тöд. Мöд лун маршируйтöм бöрын веськыд-вылын да шуйгавылын, а сиджö водзын, кутисны тыдавны взрывъяслөн колясъяс. Сэни и танi тыдалисны энэжöдз кыпöдчöм сьöд тшын сюръяяс, кытысь му вылө киссе бы киня зэр. Мукöд взрывыс вöлі сэтшöм ён, мый муыс тiралис некымын километр пасытала. Рочъяс взорвитисны склад, медым эз сюр прöтивник киö. Фронт вылын эз тыдав некутшöм тыш: Российской армия бöрынтьчöма тыштöг. Коймöд луннас паныдалим сэни-танi винтовкатöм öтка роч салдатъясöс, кодъяс фронт вылысь пышйисны гортланьыс. Сэся петкöдчис котыртчытöм салдатскöй взвод. Зiлим налысь тöдмавны: «Кöнi фронтыс, ылын-ö сэтчöдз? Кутшöм вынөн прöтивник наступайтö?» Сувтлытöг найö кинас петкöдлісны бөрлань: «Сэни, сэни. Ылын на, 20—25 километра. Немечьяс зэв унаöн». Асьныс найö сöмын тэрыба котöртисны асывывлань.

Керенскийлөн армия яндысьтöг пышйис фронт вылысь. Миян полкса важ салдатъяслөн морöсас садьмис смеллун, кылісны гөлöсъяс: «Тайö жö юр яндзим! Тадзи кö ставным ми пышъям, то немечьяс босьтасны став Россиясö!»

## ПЛЕННЫН

Вöлі 1917 вося июль шöр. Галицияса сьöд муа паськыд ковтысъяс дзирдалисны воём шобдiөн да мукöд быдмөгъясöн, копрасисны зарни рöма тыра шепъяснас. Шондi сотöмөн пöжис. Галицияса нывбабаяс, челядь да пöрысыяс чукöртисны муяс вылысь урожай, мужикъясöс вöлі мобилизуйтöма война вылө. Оружиятöм, тышъясын жуялöм, пленö сюрöм рочъясöс немецкöй охрана нуöдис рытыввылө тайö видзьяс-муяс пырыс. Водзас мунöны офицеръяс, на бöрся салдатъяс — ставныс тшыгöсь, жарысла да ютöмысла öдва ловъяöсь, гажтöм мөвпъяс чужöны ёртъяслөн судьба вöсна. Муртса ловъя, немтор водзö тöдтöм, чöла вöсьлалö пленнöйяслөн чукöр. Тайö пленнöйяс пöвстас и ме тшöтш.

Жугöдöм вокзалсянь кык километра ылнаын кымын вöлі лöсьбöдöма сюръяяс йылö сайöд, кöнi коркö казакъяс сулöдлісны вöвъяссö. Сийöс вöлі кытшалöма нин чуткасысь сутугаа потшöсөн. Татчö и вайöдисны пленнöйясöс. Офицеръясöс нуöдисны öти местаö, а салдатъясöс — мöдлаб. Сёйны сетлісны луннас 300 грамм рудзöг нянь, кык-куим Каспийскöй саридзса косьтöм чери да кык чашка кофе. Черыс кольöма Российской армияөн сотöм вокзалас.

Олөм тайö сайöдас вöлі зэв омöль. Джоджыс эз вöв, быдлаын тыдалис вöв куйöд, и танi ковмис овны лун да вой. Шойчигöн кизьөр найтыс йиджліс паськөмъясь.

Лагерсянь неылын вöлі ыджыд сикт, кытчö немечьяс быд лун новлөдлісны пленнöйясöс уджавны. Асывъяснас немецкöй охрана бөрйис удж вылө пленнöйясöс и вöчліс тайöс зэв лөк ногөн. Найöс, кодъяс нöшта на шойччисны няйт муас, садьмөдлісны көрт сутугаысь вöчöм орсөн. Найö ён дойсыс сьөлөмас кутчысьмөн чечыштлісны да нюкыртчылісны. Дерт, орсөн öвтчöмөн да видчöмөн тшöтш чеччөдлісны и висысысьсöс.

Кызди казтыштлі нин, офицерьясөс вөлі торйөдөма чуткасыыс сутугаа потшөсөн бокө, медым найө эз вермыны паныдасыны вөвлөм салдатьяскөд. Отчюд, кор пленнойясөс нуөдісны удж вылө, чукөрсыыс адди вөвлөм денщикөс, и сійө менө казяліс. Прөща корөмөн моз удити сылы шуны: «Ми өні ставөн шудтөмөсь». Сійө эз вочавидз, сөмын лайкнитис юрнас.

Августын миянөс татысь нуисны Германияө Лемберг, Брест-Литовск, Варшава, Познань, Штеттин да Штралшунд карьяс пыр Рюген ді вылө. Лембергын да Варшаваын миянөс маршөн нуөдісны кар кузяыс, медым петкөдлыны олысьясыслы, кутшөм ыджыд вермөмьяс вөлісны фронт вылын. Миян став лыдыс вөлі 10.000 морт.

Рюген ді вылын вөлі сөмын офицерскөй лагерь: постояннойй ыджыд да карантинной ичөтик лагерь. Медводз ми веськалім карантиннойяс. Тані луннас сөйны сетлісны сөмын 200 грамм рудзөг нянь да сөйны туйтөм капустаысь шыд, көні гөвкьялісны кузь номырьяс.

Сөяныс вөлі сэтшөм этша, мый вынйөр кутис бырны. Сыысь кындзи Рюген ді вылын пөльгис саридзянь ён, көдзыд төв: мукөддырйи сэтшөм ёна, мый лагерь стрөйбаясыс пөрласьлісны. Миянлы татшөм лёкысь-лёк саридз поводдяыс ёна мөрччис. Но кык вежон мысти миянөс вуджөдісны из керкаясө да вердны кутисны бурджыка: сетлісны 100 грамм нянь да чечевицаысь суп. Узьлөм вылө сулалісны кык судта койкаяс, оланінсө видзисны пелька. Көть и вердасыс неуна бурмис да овны кутім сөстөмджыка, век жө тшыгысла слабим, торйөн нин сэки, кор заводитисны вөчавны быдсяма прививкаяс холераысь, тифысь, мустийөн висьөмысь, кодьясысь бырисны медбөрья выныяс. Немецкөй врачьяс эскөдісны, мый сөян нормаыс тырмымөн, мый уна сөйны весигтө өпаснө, но тайө миянөс эз долыдмөд и эз отсав. Субөтаө сетлісны миянлы вежонся нянь норма, но сьөкыд вөлі кольны няньсө мукөд луньяс кежлө. Менам суседөн вөлі том прапорщик, Казанскөй университетса студент, коді субөтаас дзик пыр сөйліс вежонся нянь нормасө и вөлі зэв шуда: көть отчюд вежоннас кынөмыс тырліс, но вежон помөдзыс сійө тшыгьяліс да узис, виччысис субөтасө и бара ставыс заводитчыліс выльысь. Отияс нянь нормасө юклісны тадзи: сөйлісны субөтаө да середаө и постуйтисны мукөд луньясө. Мөдьяс зілісны юкны вежонся нормасө быд лун кежлө да тадзи тшыгьялісны. Ме пырлі бөрьяяс лыдас. Но төлысь да джын татшөм олөмысь ме сэтшөма слабиті (көть и вөлі дзоньвидза), мый чеччөм бөрүн пемдылісны синъясөй, бергөдчывліс юрөй да усьлывлі муас. Оланінөдз вөлі 15 воськов и сэтчө мунігөн ковмывліс куимысь шойччыны. Тадзи эбөссыыс усьлісны став офицерьяс.

Карантиньяс миянөс сэсся вуджөдісны общөй офицерскөй лагерө. Сэні вөлі 1000 гөгөр роч да 400 румынскөй офицер. Вердісны сідзи жө. Румыньяс, кодьяс олісны миянысь торйөн, эз сэтшөма тшыгьявны. Налы волісны Францияысь да Австрияыс сөян-юан посылкаяс: косьтөм шобді нянь (галетьяс), йөвз, яй, вый да с. в. Водзджык пленө сюрөм роч офицерьяс сідзжө олісны бурджыка, налы революцияөдз на гортьяссяныыс ыставлісны сьөм. Ми, Россійскөй армияса бөрынджык сюрөм пленнойяс, эгө вермө юөртчыны гортсаяслы да та вөсна мучитчим. Пленной офицерьяслы международной сёрнитчөм серти немецьяс мынтисны сьөм. Менам, куритчытөм мортлөн, век вөлі сьөмыс, а кор румыньяс вузавлісны сөянсө, медясө галетьяс (50 гөгөр грамм 2—3 маркаысь), тө лоис и содтөд сөян, надзөникөн кутис вынөй содны. Роч офицерьяс пөвстын кыптисны шуасьбмьяс, мый румыньяс галетьяссө вузавлөны зэв донаысь, но тайө эз отсав, румыньяс эз өвсыны: верманныд пө ньббны, а верманныд и тшыг овны.

Водзджык пленө сюрөм офицерьяс висьтавлісны өти-мөдтор аслас олөмысь. Роч генеральяс лагерас лөсьөдлөмаөсь збыль военной дисциплина да бюрократия, кутшөм вөлі царь дырйи... Найө висьтавлісны, мый вөлөмаөсь и пышйысьяс. Сідз, вит роч офицерлы немецкөй охрана отсөгөн мойвиөма судзөдны немецкөй офицерскөй мундирьяс и найө ді вывсыыс войнас пышйөмаөсь. Мый накөд водзө лоөма — Рюген ді

вылын некод эз тѳд. Сэж жѳ кодьяскѳ видлѳмаѳсь пышйны уйѳмѳн, но вѳйлѳмаѳсь либѳ выльысь сюрлѳмаѳсь пленѳ немечьяс киѳ. Найѳ висътавлісны, кызди немечьяс 1914 воѳ, да и бѳрынджык, пленнѳйясѳ дзескѳдлісны яндзим тѳдтѳг. Тані вѳлісны пленнѳйяс, кодьясѳс вайѳдлѳмаѳсь татчѳ 1914 воѳ на.

Материккѳд діыс йитчис паромѳн.

Ді веркѳсыс вѳлі изйысь, и тані водзѳ уджавлѳмаѳсь французскѳй пленнѳйяс, кодьясѳс вайѳдлѳмаѳсь татчѳ бѳръя Франция да Германия костса война дырйи. Ді вылас вѳлі ыджыд парк, кѳні ми тшѳкыда гуляйтлім. Парксыс аддзылім гувывса изьяс, кытчѳ вѳлі пасйѳма французьяслысь нимьясѳѳ. Тайѳ изьясыс тѳд вылѳ уськѳдлісны миян ѳртьясѳс, кодьяс сідзжѳ тышкасисны тайѳ прѳтивникыскѳд, мучитчисны тані чужан муысь бокрын, ѳтнаныс гортсаяссыс ылын кувлісны и, гашкѳ, найѳс чужан муыс важѳн нин вунѳдіс.

Воис ар. Октябрса ѳн тѳвьяс гылѳдісны пуяс выльысь уна рѳма корьясѳѳ. Ді вѳсьттѳ ыджыд кельѳбьясѳн лѳбисны уткаяс. Лунвывланы, шоныд муяѳс лѳбыс вѳльнѳй лѳбачьяс кузь туй бѳрын пуксыввлісны дывывса паркѳ шойччыны да миянѳс гажѳдісны прѳщайтчан концертѳн. Ми, тшыгьялысьяс, сѳмын и мѳвпалім, кызди эськѳ концерт сетысьяссыс лѳсьѳдны миянлы, пленнѳйяслы, сѳян. Найѳс шыблалім изьясѳн, корсюрѳ удайтчывліс уськѳдны.

Кѳдзыд ар пуксьѳм бѳрын заводитісны воавны Россиясыс юѳртяс, кызди сѳні большевикьяс шедѳдѳны вермѳм бѳрся вермѳм, бѳрьявыв бѳсьтѳмаѳсь ас кианыс властьѳѳ. Тыдалѳ, немечьяс вѳлісны дѳвѳльнѳйѳсѳ мунысь дѳлаяснас. Найѳ явѳ нимкодьясисны. Газетьяс гижисны, кызди большевикьяс виалисны офицерьясѳс да интеллигенцияѳс, а сідзжѳ капиталистьясѳс, кызди бырѳдісны армия, кызди сылысь складьясѳс да став фронтывса кѳлуйѳсѳ вузавлісны немечьяслы. Пасья ѳти синмѳ шыбитчана пример — пулемет вузавлісны вит кабала шайтысь. Тадзи рѳч армиялѳн миллиард дон сулалысь кѳлуй вуджис прѳтивник киѳ, рѳч пленнѳйясѳс видзисны тайѳ жѳ сѳм вылас. Немецкѳй газетьяс гижисны, кызди Россияса ѳти карын немецкѳй пленнѳйяс асланыс офицерьяс юрнуѳдѳм улын отсалісны большевикьяслы шедѳдны вермѳм. Троцкий да Зиновьев юѳртісны, мый важ армия пыдди лои котыртѳма Гѳрд гвардия, кытчѳ пырисны нин 100.000 китаеч. Гижисны тшѳтш, мый большевикьяс немечьяскѳд кырымалісны Россиялы янѳдан да увтыртан мир Брѳст-Литовскын.

Рюген дывывса лагерысь бѳръя тыш дырйи пленѳ бѳсьтѳм офицерьясѳс вуджѳдісны Германияса мукѳд лагерьясѳѳ. Рюген ді вылѳ колісны сѳмын водзджык бѳсьтѳм пленнѳйяс, кодьясѳс мѳвпалісны вежны да мездыны. Менѳ вуджѳдісны Фридбергѳ.

Тані тюрманас вѳліны мирнѳй кадся кавалерийскѳй казармаяс: ѳнія кадся мича керкаяс, паркет джоджа да мукѳд быдсяма удобствояс. Тані видзлісны 1914 да 1915 воясѳ став фронтьяс выльысь бѳсьтѳм знатнѳй пленнѳйясѳс: князьясѳс, графьясѳс да сідзжѳ рѳч армияын служитысь немеч рѳдысь офицерьясѳс. Стѳнѳ кольѳм меню петкѳдліс, мый найѳс вердлѳмаѳсь зѳв бѳра: ѳкмыс пѳлѳс сѳянтор петкѳдліс менюыс. Но 1917 да 1918 воясѳ сѳні олісны нин нинѳмѳн торьявтѳм офицерьяс и найѳс вердісны, дерт, эз сідзи. Тані тшыглун бара лонс быд лунья гѳстьѳн. Сѳтчѳ воѳм бѳрын дзык пыр казьялім, мый офицерьяс велалѳмаѳсь немецкѳй пѳдвалысь гусявлыны картофуль. А тулыснас, кор немечьяс складьясѳс видлалісны, тыдовтчис виччысьтѳмтор: тѳв чѳжѳн картофуль запасьяс чинѳмаѳсь, кызди помнѳта, 10.000 кило вылѳ. Тайѳс пасйисны протоколѳ, медым Российскѳй правительстволысь тырмытѳмторсѳ перйыны.

Фридбергса лагерын олігѳн ме ѳна эг тшыгьяв. Сѳні вѳлі кык еврей, кодьясѳс лагернѳй начальство лѳдзліс петавлыны карѳ. Найѳ вайлісны карсыс нянь, мармелад, кольк да мукѳдтор да сѳсья миянлы, пленнѳйяслы, донѳн вузавлісны. Нянь, шуам, найѳ бѳсьтлісны карысь 80 пенниысь, а миянлы вузавлісны сйѳс 35—40 маркаысь. И тадзи миян став сѳм, кодѳс миянлы мынтывлісны, мунліс еврейяс зѳптѳ.

Сы йылысь, кызди вердісны тайо лагерас пленной офицерьяс, висьтала татшомтор. Тулысын, кор видзяс вылын туруныс вӧлі небыд на, ытшкылісны сійӧс, вайлісны ыджыд телегаӧн лагерӧ да весавтӧг пуктылісны пӧртіӧ пузьӧдны, солавлісны и пленнойяслы «шывд» вӧлі дас!

## БОЛЬШЕВИЗМ МИЯН ЛАГЕРЫН

Рюген дивывса карантинной лагерысь постоянной офицерской лагерӧ веськалӧм бӧрын пырысьтӧм-пыр казялі, мый тани офицерство вӧлі юксӧма видзӧдлас сертиыс кык пельӧ: правой да левой партиаяс вылӧ. Правой партиаӧ пырисны медсяӧ генеральяс, полковникьяс да Российской армияса мукӧд старшой офицерьяс, кодьяс том дырсяныс лыддисны, мый офицерство пыр прав, вӧрзӧдны позьтӧм, сы кыин единовластие подчиненнойяс вылын... Левой партиаӧ пырисны младшой да запасын вӧвлӧм офицерьяс, кодьясӧс тшӧкыда мыждывлісны, пуксьӧдлісны некымын лун кежлӧ пемыд, уль пӧдвальясӧ, кӧні висьмывлісны туберкулӧзӧн либӧ мукӧд висьӧмӧн...

Сы йылысь, мый Россияын лоис революция и армияын объавитӧма равенство, юӧр воис и лагерьясӧ. Гырысь чина офицерьясӧс зэв ӧна жугыльтіс татшӧм юӧрыс.

Та бӧрын миян лагерьяса аристократияысь петкӧдчывліс корьяскӧ паркын сӧмын ӧти, киас беддӧн вӧсьлалысь, мышкыртчӧм, шогӧ усьӧм пӧрысь морт.

Левой партиасаяс Россияын лоӧмторьяс вылӧ видзӧдісны веськодя.

Фридбергса лагерын пленной офицерьяс сідзжӧ юксисны кык пельӧ. Менам вотӧдз, тӧлысь сайын, партиаясыс зыксӧмаӧсь, торійӧн нин кык офицер костын вӧлӧма ӧн шуасьӧм. Тайӧ косяс большевикьяс дор сулалысь нюжӧдӧма кысӧ. На пыысь ӧтиыс эз кӧсйы, медым виалисны монархической партиася членьясӧс. Сэки сылӧн ӧртыс, пленной французской офицер, уськӧдчас отсӧг вылӧ, кватитас улӧс да кучкас большевикьясӧс дорйысь офицерӧс, и сійӧ дугдіс лолавны.

1918 вося тулысын миян лагерӧ вайисны большевикьяс пӧвстысь пленӧ сюрӧм полковникӧс да генералӧс. Тайӧ полковникыс кутіс пленной офицерьяслы висьтавлыны большевизм йылысь. Унаӧн сійӧс кывзісны, но большевизм дор сулалысьяс эз мунны. Ме, кӧтъ и эг сулав большевикьяс дор, эг мун сӧрнисӧ кывзыны. Ме тӧді: тайӧ правой монархизм дор сулалысьыс оз веськыда кут сӧрнитны.

Коркӧ та бӧрын, вежон мысти, миян лагерӧ воис ӧти том латыш, прапорщик, кодӧ пленӧ сюрӧма гортас, кытчӧ сылы удайтчӧма пышйыны большевикьяскӧд тышыс полкӧ пасьвартӧм бӧрын. Сылысь ми медводдзаясь кывлім збыльтор большевизм йылысь. Сійӧ висьтавліс, мый налӧн полкыс сулаліс Таганрогын и найӧ эз кӧсйыны пыдди пуктыны большевикьяслысь властьсӧ. Сэки налысь полкӧ пӧдтісны и став офицерьясӧс лыйлісны. Сылы удайтчис дзевсыны ӧти машинист патераӧ, а бӧрынджык сійӧс, кызди машинистӧс, петкӧдісны карсыс.

Бӧрынджык миян лагерӧ вайӧдісны «збыль тӧварышьясӧс» — куим гӧрд командирӧс, на пыысь ӧтиыс царь дырий вӧлӧма полка писарӧн, а мӧдыс — унтер-офицерӧн. Найӧ новлісны Российской армияса офицерской форма. На пыысь ӧтиыс ышнясьӧмӧн, яндысьтӧг висьтавліс, мый ас кинас виис вит армейской офицерӧс и сы вылын ӧти виӧмалӧн паськӧмыс. Татшӧм сӧрнисӧ ӧткымын офицерьяслы вӧлі пӧлезнӧ тӧдны. Тадзи, большевизм дор сулалысь ӧти прапорщик «тӧварышьяслысь» сӧрнисӧ гӧрд гвардия йылысь да Россияын большевикьяслӧн вӧчӧмторьяс йылысь кывзӧм бӧрын этшсыс петмӧн скӧрмис, дӧзмӧмӧн ветлӧдліс бӧрӧ-водзӧ да лӧкысь горзіс: «Большевикьяс, найӧ абу йӧз, а зверьяс, палачьяс, бандитьяс. Долой большевизм!»

## РЕВОЛЮЦИЯ ГЕРМАНИЯН И КЫДЗИ ВЕЖСИС ПЛЕННӨЙЯСЛӨН СУДЬБАНЫС

Кор 1918 вося гожомын Фридберг лагерысь вочисны сомын латышской офицерьяслы лагерь, мено вуджодисны Баварияо, Мюнхено.

Тайо гожомнас рытыввывса фронт вылын немецьяслон мунисны решающей тышьяс англичанакод, французьяскод да американечьяскод. Медводз петкодлисны тышын немецкой оружиельсь вермомьяс. Найо мунисны водзо, босьтисны уна трофей. Но регыд фронт вылын петкодчисны английской сыокыд да французской кокни танкьяс, и немецьос вермыны кутис противник. Фронт вылысь Шор Германияо воом офицерьяс да салдатьяс висьтавлисны, мый немецкой артиллерия вермо пазьйодны английской сыокыд танкьяс. Французской кокни танкьяс зев пелькось, найо часнас муноны водзо 8 км да кушодз жуглоны немецкой армиялысь ставсо.

Кор фронт вылын французьяслон, англичаналон да американечьяслон лоисны содтод ен танкьяс, найо кутисны зырны Германияос, и немецьяслы колис сомын борынтчыны либо найос эсько помодз быродин.

Немецкой сом отсогон еврейяслы Россиян кокниа удайтчис став властьсо сетны большевикьяс кио. Они найо кутисны дасьтысьны тани революция кезло, нуодисны пропаганда. Регыд виль петасьясыс кутисны тыдавы: армиян корт дисциплина слабмис, большевикьяслон мир, ертасьом да равноправие йылысь сернияс аддисны мыджод и мудзом немецкой войтыр повстын.

Сэки жо американечьяс мир восна пропаганда нуодисны немецкой армиян, населениель да армиялы шыблалисны самолётсян дас сюрсясон листовкаяс, возйисны выгодной мир Вильсонлон 14 параграфа проект серти.

Гинденбурглы да немецкой генеральной штаблы тайо эз во сылом вылас: кыдзи 70 миллион маркаа отсог сетом борын большевикьяслы удайтчис Россиян босьтны власть да быродны сылысь армиясо? И кутшом судьба виччысьо Германияос? Но уджео воли нин вочома и колис сомын виччысьны помесо.

Гинденбург зилес быродны Германиясы свобода йылысь сернияс. Сийо эскис, мый тани большевизм оз вермы вужьясьны... Кайзер Вильгельм ачыс агитруйтис уджалысьясос водзо вочны-дасьтыны оружье, но сийос некод нин эз кывзы. Немецкой йозлы война вайис дона жертваяс, налон вошис эском, некод эз косий водзо тышкасьны, виччысисны мир. 1918 вося арын большевикьясон кодзом койдыс ловзис, и заводитчис революция... Кайзер Вильгельм революциясы пышйис Голландияо... Немецкой армиян чужисны, кыдзи и Российской армиян Керенский дырйи, салдатской комитетьяс. Военной дисциплина воли быродома. Офицерьяслон авторитет вошис. Ыджыд да ен Германской армиясы коли джывыйо ловья шой, коди эз вермы тышкасьны фронт вылын. Германской армия киссис и Германиялы ковмис кырымавын увтыртана мир.

### ГЕРМАНСКОЙ ПЛЕНЫСЬ ГОРТО

Германиян кыптом революция морччис тшотш военной лагерьяс вло. Отчид, рытын, миян лагеро воисны карса запасной полкыс гражданской паськома салдатской комитетса членьяс да шуисны, мый Германиян лоис революция, мый властьсо босьтисны временной правительство, уджалысьяслон да салдатьяслон совет, кодыс пыди пуктоны тыр ертасьом да откодысьом мукод войтырьяскод. Асыввыло миян лагерлон дзирья лоо осьса, верманнды по дзык пыр мунны гортаныд. Ертьяс моз снисны быд бурсо. Висьтавтот гогорвоана, кутшом олом тайо радлана юор борас пуксис лагерын. Юор вайысьясос примитисны кыпыдлунон, накод сернитисны и воли вунодома став лог кутом.

Гажа юор кыподис пленнойяслысь русо. Чеччалисны, йоктисны, кы-

дзи вöля вылö веськалöм челядь, но век жö полiсны: збыль-ö вермас лоны тайö ыджыд шудыс. Но ставыс вöли збыль: асывнас дзирья дорын эз вöв часöвöй, ми вöлим свободнöйöсь. Вермим сiдзи ветлöдлыны кар кузя, лагерылöн дзирья век вöли восьса 8 час асывсынь 8 час рытöдз. Карсыс позьö вöли ньöбны мый колö и ставыс вöли зев донтöм. Бур яй сулалiс 8—10 марка кило, кило вый—4.50, кило ма—80 пфенинг, нянь лагерын босьтiм еврейяслыс 40 маркаыс, а карас сулалiс 80 пфенинг.

Та бöрын некымын вежон мысти мянлы висьталiсны, медым ми вöлимö дасьöсь: регыд мянöс кутасны мöдöдавын гортьясö. Көть и мянлы эз индыны мунан лунсö, виччысыны дыр эз ковмы. 1918 вось декабрь 13-öд лунö пленнöй ёртьяскöд мунiм нин вагоньясын Силезия, Пруссия да Литва пыр гортö. Познаьсынь мöдöдчим Варшава пыр, но полякьяс эз кöйиыны мянöс лэдзыны асланыс му пыр. Найö полiсны, мый кисьöм да тшыг пленнöйяс на му вьвтi мунiгöн вермасны вöчны уна лөктор. Збыль вылö Германияын Российскöй армияыс вöли 2 миллион гöгөр пленнöй, но 1915 восьянь 1918 воөдз, немецкöй официальной юөрьяс серти, на пиыс лагерьясын кулiс 600 000 гöгөр морт.

Лагернöй управление шуис пленнöйяслыс дон босьттöг мöдöдны сьöкыд кöлуйсö гортöдзыс. Сiдз, быдöн мöдöдiс асьыс эмбурсö: озырьяслөн, кодьяс сюрлiсны пленö 1914 воö, вöлисны ыджыдыс-ыджыд, кöлуй тыра ящикьяс, мукöдьяслөн этшаджык. Менам Германияыс ньöбöм кöлуй повстын вöлисны сöмын казьятыланторьяс да öттор-мöдтор, кодьяс öни на танi мөкөд.

Туйын мянöс колльöдiс том баварец, прапорщик. Кор воим Пруссияö, öти станцияын сы вылö уськöдчисны салдатьяс да кöйисны нетшыштны сылыс погоньясö, но мян прапорщик кватитiс револьвер да шуис салдатьяслы, мый сийö абу пруссак, а баварец, а Баварияын асланыс армия да асланыс законьяс, сы вöсна сийö оз кывзыс прусскöй салдатьяслыс. Та бöрын энөвтчисны сыыс.

Мянöс нуöдiсны көрт туй кузя и быд станцияын мян поездö пуксывлiсны пленыс Россия подöн муныс салдатьяс. Регыд поездным дзикöдз тырис, мунисны весиг вагон вет вылын. Россия граница дорö воөм бöрын мянöс колльöдыс том баварец-прапорщик бумагаясö сетiс старшöй офицерлы и прöщайтчис мянкöд. Граница дорын Российскöй правительствосынь мянöс некод эз паныдав. Границасынь 20 кымын км мунiм подöн да воим Барановичиö, кöни мянöс виччысысны. Гёрдармеечьяс чолёмасьöм пыдди офицерьяслыс нетшкисны погоньясö, кодьяслөн вöлис на, вöчисны крепыд таможеннöй да личнöй контроль. Мян кöлуйыс, мый налы воис сьöлöм вылас, торйөн нин бурджык паськөм да көмкот, пукталiсны бокö. Татшöм видлалiгас казялi, кызди öти капитанлыс гёрд салдат буретш босьталiс чемодансыс кöлуйсö. Капитан горöдiс: «Тайö жö грабитöм!» Дзик пыр гёрдармееч кватитiс револьвер да лöсьöдчис горзысьсö лыйны. Мöдыс чуймöмөн сулалiс да виччысис асьыс помсö. Век жö удайтчис лөнбöдны салдатсö, но грабитöм мунис водзö.

Тадзи воим Минскö, кöни «тöварышьяс» бара шобисны да «вот чукöртiсны», чемоданьяс тöдчымөн кокняммысны. Кор кöлуйясыс мыйкö босьтлiсны, то найö вöлисны «видзны позьтöмьяс». Олысыя висьтавлiсны, мый гёрдармеечьяс ветлöдлiсны быд сиктöд да «вот чукöртiсны», и кодлы тайö оз кажитчы, лыйлöны сэнi жö. Минска олысыя висьтавлiсны татшöмтор: кык лун сайын вöли сöбрание, кöни шуисны Минскöй губерния öтлаöдны Польшакöд. Сэк жö висьтавлiсны, мый öти сöбрание вылын бара кутшöмкö том еврей сёрнитöма, кöни веськыда гöгөрвоөдöма, мый Российскöй правительство öни еврейяс кийн и вомсö сылыс позьö пöдлавын. Гашкö, и збыль тадзи вöли, но ме эг на кöйи эскыны.

Сэки, кор гёрдармеечьяс-«тöварышьяс» нуöдiсны контроль да грабитiсны карьяс да сиктыя, гёрдармеечьяс ветлöдлiсны лöсьыд каретаясөн мича нывьяскöд. «Мыйла тадзи?»— мөвпалi ас кежыс. Большевикьяс власть босьтöм бöрын бöрынтысны быдлаыс озырьясöс, эз

кõйыны виавны, а õни налõн асланыс «господиньяс». Важõн судитлисны мыж вõчысыясõс да гусясысыясõс, õни мыжсõ вõчõны йõз син водзын, востõн гусявлõны да грабитõны. Важõн õбõдитõмаõс дорйис суд, õни веськыдлуныс вõлис сõмын гõрд «тõварыш» револьверын, кодõн сийõ яндысьтõг вõдитчис. Ме казяли дзик пыр, мый большевизм зывõк да шогмытõм.

Минскыс водзõ поездõн муни́м Смоленск пыр Москваõ. Пленнõйяс паськалисны гы моз быдладорõ Минскянь Волгаõдз. Поезд вõли тыр йõзõн. Вагоньясын ставным муни́м сувтса. Пемõс новлõдлан вагонõ, кõни ме вõли, тõрõдчис 93 морт. Быд станцияын, кытчõ миян поезд сувтлис, волисны сёясõн нывбабаяс ичõt челядьõн, либõ шõр арлыда нывкаяс нопторьясõн, кодьяс синва сорõн зилисны пуксыны поездõ. Найõ ставныс вõлисны тшыгõсь, лыыс да куыс: Москваõ сиктъясыс сёян ньõбны волõмабсь. Гõрд салдатьяс куталисны быдõнõс, кодьяслысь аддзисны кõtь неуна сёян-юан, нуõдлисны асланыс комисарьяс динõ, босьтлисны сьõкыдырысь корсьõм сёянсõ да штрапуйтлисны разрешиттõг сёян-юан корсьõмысь. Помнита татшõмтор, кызди õти станцияын жуялõм нывбаба зилис некымын кило картупель мешõкõн пуксыны миян вагонõ да корис мянõс сийõс сайõдны. Сэки жõ кык гõрд-армееч яндысьтõг воисны да кутисны сийõс. Нывбабаыс пидзõсчань вылас пасьясьõмõн окалис налысь кокъяссõ, шуалис, мый сылõн верõсыс усис война вылын и сылõн вит ичõt челядь, кодьясõс сийõ õтнас быдтõ, и найõ куласны, сийõ кõ оз дзик пыр во гортас. Гõрдьяс нуõдисны сийõс. Ставыс, мый ме аддзыли тайõ туяс, чужтис мõвп: большевизм сõмын грабитõ йõзсõ да тшыгла виõ найõс.

Воим Москваõ, кõни мянõс виччысисны гõрд гвардеечьяс, ставнымõс сувтõдисны стройõ да нуõдисны кар кузя лагерõ, кõни гижавлисны-пасьявлисны пленнõйясõс. Кар кузя муни́гõн казялим, мый сийõ лõйма лёка дõзьõритõм сикт кодьõн, быдлаын синмõ шыбитчис няйт да киссьõм. Уличьяс вõлины чышкытõмõсь, лавкаяс — нимтõм-пастõмõсь, õшиньяссõ да õдзõсьяссõ пõвьясõн тувьявлõма, уна керкаын улыс судта õшиньяссõ вõли жуглõма, улица пельбсьясõ кисьталисны лõкань вада асмогасисны. Уличаяс вылын лавкаяс эз тыдавны. Москва, кодõс важысянь зэв бура тõди, эз нин вõв важся Москваõн, эз вõв важся сõстõмлун, эз тыдав некõн важся дзирдыс. Мир пасьта тõдса мичыс, тыдалõ, оз ло нин некор.

Мõд луннас ме вõли нин гижалан пунктын, кõни вит ыджыд õшиня вежõсын пукалисны решетка сайын вит писар да гижалисны лагерысь воõм быд мортлысь нимсõ да чужанинсõ, кутшõм лагерысь локтõ да кутшõм войскаын служитлис. Тани жõ быдõнлы сетисны гижõм листлысь копия, кодi лоис гортõ муно́м вылõ паспортõн. Тайõ пунктас став стеньясыс вõлины тырõмабсь быд сикас обявлянеясõн. На пын синмõ шыбитчис ыджыд, мича шыпасьясõн гижõм йõз динõ шыõдчõм: «Тõварышьяс! Гõрд гвардеечьяс! Лõсьõдинныд эн-õ пõрадок карьясын? Тянлы колõ на тышкасыны буржуазиякõд сиктса юралысьяскõд õтвылысь». И кырымпас: «Ленин». Тайõ шыõдчõмыскõд орчõн вõли мõд синмõ шыбитчана обявление, кõни сõветскõй правительство корис пленысь воысыясõс ас вõляысь пырны гõрд гвардияõ, и вõзйисны налы мойдын кодь ыджыд удждон. Таысь кындзи мянõс гижалигõн быд писар корис пырны гõрд гвардияõ. Юали писарлысь, пленысь воõм кымын морт ас вõляысь гижисис гõрд гвардияõ. Юалõм вылõ писар вочавидзис: «Сõмын кыкõн».

Лагерын миян дорõ лун и вой волывлисны большевистскõй агитаторьяс, кодьяс дугдывтõг видзõдисны мян бõрся. Ыджыд вежõсын вõли трибуна, кысянь нуõдисны шыõдана сёрनिया большевизм вõсна, сёрнитисны бур олõм, ёртасõм, откодысьõм йылысь, сэки жõ эз казътивны сийõ шогсõ, кодõс гõрд гвардия грабитõмõн да виалõмõн вайис карьясõ да õти сайысь сиктса олысыяслы, эз сёрнитны сы йылысь, мый карьясын йõзыс кулалõны нин тшыгла...

Декабрь 18-õд лунõ меным мойвиис лёк Москваысь муныны, и ме мõдõдчи Вõлõгда пыргортлань. Быд станцияын Вõлõгда да Москва

костын, кызди Минск да Москва костын, паныдавлі нывбабаясѡ да нывкаясѡ, кодъяс сиктъясысь Москваѡ волѡмаѡсь корсьны неуна нянь да картупель, медым мездыны гортсаясѡ тшыгла кулѡмысь, но быдлаын найѡс зілісны кутны да эз сетны корсьны сѣян-юансѡ.

Вѡлѡгдаын кывлі, мый сѣні гѡрд гвардеечьяс ѡти вичкоюсь вѡчѡмаѡсь театр.

Муна водзѡ Вѡлѡгдасянь Асыввылѡ Урал бокса муяслянь. Туяс казялі, мый и тані быдлаын немтор абу, торійѡн нин сов да сакар. Вагонас, кѡні ѡні ме муні, вѡліс куим челядя мам. Челядыс сѣйсны рудзѡг нянь да кутісны мамыслысь сов корны. Мамыс ветлѡдліс вагонті да корсис сов, но некодлѡн эз вѡв. Бѡръявыв мамыс босьтіс ичѡтик бумага кулѡкысь пызь да киськалыштіс челядыслы нянь вылас. Кыкѡн, ичѡтджыкъясыс, лѡнісны да кутісны сѣйны водзѡ, но ыджыдыс пондіс бѡрдны да эз кѡсйы сѣйны. Тыдалѡ, няньыс вѡлі дзик совтѡм. Вагонын кутісны сѣрнитны Урал гѡгѡръясын Қолчаклѡн вермѡмъяс йылысь. Гѡрд тошка крестьянин, коді пукаліс казтыштѡм нин нывбабаыслы воча, шуис: «Қор Қолчак воас татчѡ, сѣки и сов лѡ».

Воим Вяткаѡ. Тані вѡлі кык большевистскѡй полк: ѡтиыс гвардейскѡй, мѡдыс сѡмын на котыртѡм, кызвыныс Соликамск уездса коми том йѡзысь чукѡртѡм учебнѡй полк, коді сулаліс нывбаба манастырын. Вятка станцияын гѡрд гвардеечьяс командуйтісны, медым ставѡн пленысь воысьяс петісны вагонысь. Приказ серти петім водзѡ и мянѡс сувтѡдісны стройѡ да нуѡдісны царьдырся вѡвлѡм тюрьмаѡ, кодѡс гѡгѡртѡдіс кык рада чуткасысь сутугаа потшѡс: неважѡн вѡчѡмаѡсь сымогысь, медым татчѡ йѡртны германскѡй пленысь воѡм салдатъясѡс.

Қолчак вермѡма нин босьтны Урал бокса сиктъяс-каръяс, сійѡ грѡзитіс и Вяткалы да сы вѡсна и полісны, мый вѡвлѡм салдатъяс мунасны сылѡн армияѡ, большевикъяслы паныд. Вѡлімѡ тані кызди тюрьмаын, конвойтѡг эз лѡдзылы карѡ. Тайѡ карас вузавлісны быдторсѡ на, но сѣян-юанысь вѡліс сѡмын нянь, кодлѡн доныс вѡлі сѣ пѡв ыджыдджык мирнѡй кадеса донсыс.

Настроение вѡлі лѡкысь-лѡк. Немецкѡй пленысь мыні, а тані бара сюри большевикъяслѡн тюрьмаѡ. Вѡлі арестуйтѡма 4000 сайѡ мортѡс, и мян пѡвстын, кызди и Москваын, зіля уджалісны большевистскѡй агитаторъяс, ышѡдісны большевизм дінѡ. Менам на дорѡ чужис сѣтшѡм лѡг, мый ме на вылѡ эг вермы видзѡдны и та вѡсна эг кывзы налысь сѣрниясѡ.

Мѡвпѡн ме вѡлі нин гортын, семья дорын, но эг тѡд, кор удайтчас татысь мынны. Ѳтчыд муні канцелярияѡ, коді вѡлі мян тюрьма дорын улица вылас, медым вѡйысьны карѡ петавны няньла. Канцелярияс эз вѡв некод. Сѣки юрѡ воис мѡвп, мый ѡні бур эськѡ пышйыны. Зѣв ѡдйѡ петі чиновникъяс да коммунистьяс ѡдзѡсѡд улицаас, кѡні эз вѡв часѡвѡйыс. Сійѡ сулаліс тюрьма пытшкѡсас да куритчис.

Видлі водзѡ асыввывлань мунны поездѡн, но поездъяслысь ветлѡмсѡ вѡлі дугѡдѡма. Қолчак армиялѡн фронт пыр матысмис. Тѡдмалі, мый фронтлань рытнас мунѡ боеприпасъясѡн поезд. Удайтчис сѣрнитчыны тѡварнѡй вагонса кондукторкѡд. Пѡпутчикъясѡн лоины гѡрд гвардияысь пышйѡм 12 салдат, кодъяс мунісны гортаныс. Вѡлі рѡштво, декабрь 25-ѡд лун, висьтавыны позьтѡм кѡдзыд и пѡшти кубтѡдз кыммалі тайѡ туяс, ѡд поезд муніс суткинас сѡмын 40—50 км. Быд станцияѡ вѡлі вайѡдѡма содтѡд гѡрд гвардеечьяслысь армия, коді маті сиктъясысь корсис аслыс сѣян-юан. Регыд мян поезд сѣтшѡма нѡжмис, мый суткинас муніс сѡмын 20—30 км. Глазов дорын энѡвті поездсѡ да мѡдѡдчи водзѡ подѡн, шуд вылѡ усис вѡла-доддя. Туй вылас вѡлісны большевикъяслѡн мытшѡдъяс, кодъяс мешайтісны германскѡй пленысь подѡн да вѡвъясѡн воысь пленнѡйяслы мунны асыввылѡ, гортланьыс.

Подѡн мунігѡн Глазовса уездысь аддзи ыджыд тошка крестьянинос, кодлѡн доддыс вѡлі тыртѡм. Туяс сѣрнитгѡн ме казялі, мый сійѡ сѣрнитѡ татчѡс рѡч диалект вылын сѣтшѡм бура, и ме лыдди сійѡс рѡчѡн. Миянлы тыр доддѡн воча локтысь крестьянин юаліс кольѡдчысыслысь: «Қытчѡ мунан». «Изанэ?» Шемѡсмѡдіс зѣв ѣна — тайѡ ѡд

коми кыв: «Кытчö мунан?» «Изанэ». Юалі дзик пыр, олоны-ö тані комиас, но менö колльöдысь вочавидзис, мый татчöс олысьяс — удмуртыяс. Та бöрын видлі удмуртыяскöд сёрнитны комиён, но казялі, мый миян кывъясным торъялоны и миянлы зэв съёкыд гөгөрвонь ёрта-ёртнымöс. Удмуртыяслөн оланінъясті муні куим сутки, быдлаын туй бокъясын вöлісны паськыд кодза муяс, на пöвстын тыдалісны ыджыд сиктыяс. Татчöс олысьяс вöлісны няня-солабсь, олісны мича керкаясын, новлісны ас вöчөм паськөм, и ставыс тані ёна муніс коми-яслөн олом вылö, быттьökö муні чужан муöд.

Вөръяс пыр 40 км мунöм бöрын, медбөръя удмурт сиктысь вуджи комиаслөн муö...

Гортöдз вöлі на сёон-джынийөн километр, кызди кутісны паньдась-лыны Колчак армияысь бöрынтьчысь вöла-доддя большевикъяс-сал-датыяс. Мөд сиктын вöлісны сідзжö большевикъяс. Ме наысь виччыси, сиктса олысьяс меным отсалісны, индалісны вöрса туйяс, медым кы-штовтны найöс.

Туйын кывлі крестьяналысь сёрни, кызди сиктыясын сöветскöй властьюн котыртөм гöляслөн комитет бырöдаліс быдсикас запасьяс, кызди гөрд гвардеечыяс лыйлісны медя бур попъясöс, агрономъясöс да велöдысьясöс, кызди крестьяна чукөръясөн ассыныс оломсö спаси-төм могысь гөрд гвардеечыясысь дзёбсясисны вөръясö, кызди гөрд гвардеечыяс виөмөн повзёöдлөмөн озыр крестьяналысь да вузасысь-яслысь босьталісны эмбурсö и кушöдз грабитөм да мучитөм бöрын виалісны найöс гортаясыскöд. Висьтавлісны, кызди озыръяслысь вöлі босьтöма став правосö да сетöма гöляслы да кызди вöвлөм мыж вö-чысьяс кутісны веськөдлыны-юравны...

Сиктса войтыр висьталісны сöветскöй властьюн чорыд мероприя-тиеяс йылысь, гөрд гвардеечыяслөн съөлөмтөм вöчөмторъяс йылысь. Найö эз тöдны, мый сöветскöй властьюн вöлі сэтшөм политика, мый большевистскöй флаг улын ичотик чукөрö котыртчөм немортыяс эз сөмын виавны велöдысьясöс, попъясöс да озыръясöс, но найö көсийс-ны государствовысь бырöдны тшыгла да висьöмъяс отсөгөн став бура олысьясö, көсийсны пöдлавны заводьяс да школаяс. Найö, дерт, эз тöдны, мый Московскöй Кремльса господа збыль вылö лобны немеч-яслөн еврейскöй агентьяс, кодьяс көсийöны Российскöй государствоса йöзсö да овмөссö пыртны Германия улö.

Велöдчытөм, гижны кужтөм, сөвмытөм Российскöй крестьянин вöлі кызди быдторйö эскысь кага, кодөн быд правительство вöдитчис, кы-зди вермис.

## ГОРТЫН

Кытшов туйясöд, пемыд вөръясті, көні лым пиас, пуяс костас ор-дымьяс муртса тöдчисны, выль вося войö вои гортö. Игöдчөм бöрын регыд садьмисны и менö лэдзисны пырны. Челядь тшöтш садьмисны да шензьöмөн видзöдісны, сэсся гөгөрвоисны, горзöмөн уськөдчисны сывтырйö: «Батьö, батьö!»

Батътөг олысь коньөр челядьöс эг аддзыв 1917-öд восянь, кор ра-нитчөм бöрын бурдöдчыны волі гортö да фронт вылö бөр мунігөн найö кольлісны кильчö помö бөрдөмөн!

Тані век жö виччысисны шог юөръяс. Менсьым тесьтöс арестуй-тöмабсь да нуöмабсь Юрлаö. Сэни жаль тöдтөм большевикъяслөн тюрьмаын вöлісны менам тöдсаяс, нывбабаяс да мужичöйяс: торъя сиктыясысь вöлі арестуйтöма 80 гөгөр мортöс. 1918 вося гожöмын лый-лісны менсьым некымын тöдсаöс. Кывлі сідзжö, кызди Кама дорса комиас 1918 вося гожöмын кыпöдчылöмабсь, но налөн абу вöлöма öружие да кужысь веськөдлысьяс, мый вöсна кыпöдчөмсö вöлі пöдтö-ма. Пермьысь большевикъяс мөдöдісны комиаслы паньд войска и Көсва вылын лоис тыш, көні усис уна коми. Тайö тыш бöрас вöлі гуа-лöма уна тöдсаöс.

Регыд казялі, мый миян вöлөстьса правление дзикöдз вежсьöма.

Важон мян вӧлӧстын вӧлі юралысь да сылы кык писар-отсасысь, а ӧні, большевикъяс дырйи, правлениеын котыртӧмаӧсь дас разній юкӧн, быдлаын юралысь да быдӧн босьтӧ ыджыд удждон. Олысьяс вылӧ пуктӧма ыджыдсьыс-ыджыд вот. Озыръясӧс лыддьӧны революциялӧн врагъясӧн и налысь вӧлі мырддьӧма бӧрйысян правояс.

Вӧлӧстнӧй сӧбрание вылын ӧні веськӧдлӧны гӧльяс да мыж вӧчысьяс и найӧ вӧчӧны ставсӧ, мый сӧмын кӧсйӧны. Ӑні найӧ быдӧнысь медся сюсьӧсь.

Озыр крестьяналысь 1918 вося гожӧмын гӧрд гвардеечыяс босьтӧмаӧсь став эмбурсӧ. Сидз, менам батылӧн вӧлі ӧти амбар нянь, и сійӧс юклӧмаӧсь. Кодлӧн вӧлі вит-квайт мӧс либӧ вӧв, босьтӧмаӧсь да сеталӧмаӧсь налы, кодъяслӧн немтор эз вӧв. Сэки жӧ, 1918 вося гожӧмын, гӧльяс пиысь некод эз петав муяс вылӧ уджавны: грабитӧм бӧрын налы ставсӧ сетавлісны дон босьттӧг. Найӧ сӧмын шуалісны, мый правительствеис налӧн, и сійӧ аддзис налы нянь и мый колӧ: «Медым озыръяс мянлысь уджсӧ вӧчӧны, правительство тӧждысьӧ мян вӧсна!» Правительство збылысь аддзис налы тӧвар сэтчӧдз, кытчӧдз складъяс эз кушмыны.

Бӧрынджык со мый кывлі: «Важон вӧлісны озыръяс, кодъяс съӧкыд кадӧ и мянлы отсавлісны, найӧс вӧчисны гӧльясӧн, ӧні некытысь некутшӧм отсӧг абу, кутшӧм пӧльза лонс сыысь, мый вӧчим озыръясӧс гӧльӧн».

Юрла сиктын менам рӧдня быд лун тӧдмаліс выльторъяс тесть йылысь. Вежон мысти гортӧ воӧм бӧрын тюрьмаысь кутісны воавны лӧк юӧръяс: сэні быд вой чорыда мучитӧм бӧрын лыйлісны 5—7 арестуйтӧмаӧс. Найӧс гӧняйтӧдлісны пасьтӧг лым вывті, нӧйтлісны нагайкаясӧн и сэся лыйлісны.

Тайӧ жӧ кадӧ бӧрынтычысь большевикъяслӧн армия асывывысян кутіс мунны мян сиктъяс пыр. Юрлаӧ сувтіс большевистскӧй дивизиялӧн штаб. Кутісны вит сиктысь мобилизуйтны том йӧзӧс, кодъяс эз на вӧвлыны армияын. Юрла сиктын чукӧрмис 500 гӧгӧр том морт. Найӧ кыпӧдчисны, босьтісны большевикъяслысь став эмбурсӧ да обозсӧ, на лыдын 15 додь винтовка, мездісны ловйӧн кольӧм арестуйтӧмаясӧс. Войвывсян воис юӧр, мый куим коми уездын сидзжӧ кыпӧдчӧмаӧсь большевикъяслы паныд, арестуйтӧмаӧсь ӧти батальон. Кор татчӧс сиктъясын кыпӧдчисны, фронт вылысь бӧрынтычысь большевикъяс мунісны сиктъяс пыр ӧти чукӧрӧн. Мян уезд пыр найӧ мунісны сувтылтӧг, но век жӧ татысь нуисны сюрс джын кило яй да уна мукӧд тӧвар-эмбур.

## КОЛЧАКЛӦН АРМИЯ ДА ПРАВИТЕЛЬСТВО

Тайӧ лоӧмтор бӧрас кык вежон мысти мян сиктӧ воис Колчак армияысь кык рота, 80 гӧгӧр штык. Офицеръяснас вӧлісны цардырся том офицеръяс, салдатъяссӧ мобилизуйтӧмаӧсь Урал гӧгӧръясысь да Сибириысь. Налӧн эз вӧв некутшӧм обоз. Колчак армияын обоз лонс сӧмын 1919 вося март медводдза лунъясӧ. Армиялы сӧян-юан ковмывліс чукӧртны сиктъясысь, кытчӧ найӧ волісны да кӧні ас вӧляысь налы отсавлісны. Армиялы корисны нянь, яй, турун да мукӧдторъяс, мыйӧн позис вердны йӧзӧс да вӧвъясӧс. Первойя кадас ставыс муніс лучки-бура: йӧзыс радпырысь сетавлісны. Кор найӧ волісны большевикъясӧн босьтлӧм вӧлӧстьӧ, дзик пыр бырӧдлісны советскӧй властысь управление — гӧльяслысь комитет да милиция, а сидзжӧ котыртлісны сэтшӧм веськӧдлӧм, кутшӧм вӧлі царь дырйи. Вӧлӧстьясӧ, кодъяс вӧлісны фронтянь неылын, пуктісны комендантъясӧс. Колчак власть улӧ веськалӧм вӧлӧстьясын лӧсьӧдлісны следственнӧй да судебнӧй комиссияяс, а босьтӧм каръясын — сидзжӧ главнӧй комиссияяс. Тайӧ комиссиясыслы или государственнӧй уголовнӧй судъяслы вӧлі сетӧма зэв ыджыд власть тӧдмавы да мыждыны большевикъясӧс, судитны найӧс лыйлӧмӧдз. Та могысь комендантлы вӧлі сетӧма салдатъяссӧ.

Государственной уголовной судьясы влі сетома зэ ыджыд власть и найо эз кужны сійон водитчыны, тшюкыда мыждывлісны асланыс лөгысь да водзос косодомысь, и тасянь медводз паськаліс Колчак власть дорө логлун. Татшом чорыдлуныс тани эз ков. Кыдзи Урал гогорса, сідзи и Кама бокса йозыс влісны большевикьясы паныд, и эз ков повны кутшомкө коммунизмысь. Мөдтор, мый чужтіс Колчак выло лөг, сійо бырөдіс став коми партизанской отрядъяс, тшөтш и мянладорысь, босьтіс налысь военной трофейсө. Тайо отрядъяссө влі медясө котыртөма ассыныс сиктъяссө дорйом могысь, шуам, кыдзи Финляндиян шюккоръяс, но Колчак найос эз пукты пыдди. Сідз, шуам, кор коми отрядъяс Юрлаын бырөдісны большевистской власть, босьтісны военной трофей: большевикьяслысь касса, миллион да джын шайт, ставыс тайо вуджис Колчаклы, а большевикьясөс чөвтысьясы тайо зэв ёна эз во сёлөм вылас. Коймөдтор: некодлысь кывзсыстөм полиция да карательной орган, кытчө пырисны Сибирса казакъяс, пленной чехъяс, чужтісны Колчак правительстволы паныд логлун да отсалісны сійос путкыльтны. Та йылысь водзө лоө сёрни.

Меным висьтавлісны, мый Сибирса казакъяс сө сайо верзьөма морт ветлөдлісны миян районті да карательной органъяс моз став социал-революционной керкасысь чукөртісны турун, сёян-юан да донаторъяс, дзикөдз куштылісны найос. Бөръявыв тайо казак чукөрыс велаліс «запасъяс чукөртны» быд керкаысь. Эз видзөд, Колчак дор сәні олысьясы али абу. Кор Колчак армияө мобилизуйтөмаяс кывлісны казакъяслөн удж йылысь, зэв ёна скөрмисны на выло, пышъялісны армияысь либө неокотаысь мунлісны тышө.

Регыд Колчаклөн правительство обявитіс, мый миян влөстысь став вөвлөм армияса офицеръясөс да чиновникъясөс лоө мобилизуйталөма.

Рөкыд выло ме влі офицер. Виді судьбаос. Германияын ме зэв ёна мучитчи, тюрьмаын вуджөді ас вывті тшыглун. Большевикьясөн уна сикас «видлалөм» бөрын сәтысь вои гортө, и тани бара колө мунны армияө. Ме вөсна гортсаяс майшасисны, челядь кутісны бөрдны.

Сідз, ме бара лон армияын. Оні большевикъяс лоисны менам прөтивникөн. Сьөкыд туй вуджөм бөрын, мудзөм вөсна, менам дзоньвидзалунной влі слаб. Сы вөсна менө эз мөдөдны фронт выло, а пуктісны комендантөн өти фронтсайса влөстьө. Шөр могыс влі судзөдны фронтлы сёян-юан да нуөдны мобилизация. Армияө босьтісны 18—31 арөсаясөс.

Миян районын комиясысь влі котыртөма кык полк. Тайо полкъясас и офицеръясыс влісны комияс. Полккы, кытчө ме пыри, сетісны приказ збой коми кыйсысьясысь котыртны разведывательной отряд, коді төлын ветліс лызьясөн, а гожөмын — верзьөмөн. Тайо отрядыс большевикьясы лон төдса тэрыблуннас да збойлуннас. Висьтавлісны, мый сәні влөмаөсь мотора лызьяс вылын пулеметъяс.

Бөрынджык большевикьясы сіджө удайтчис Вөлөгда губернияса коми зонъясысь котыртны лыжной отряд и тайо отрядса командирсыс бөрнас лоис большевистской дивизияса командир и сылы влі сетома советской правительстволысь медяса ыджыд орден. Та йылысь ме кывлі сәки нин, кор Колчаклысь армиясө бырөдөм бөрын веськалі гөрд армияө.

Миян районын, Вятка ю йылын, тулысөдз мунісны тышъяс. Сиктъяс вуджлісны кыысь киө. Бөръявыв лоис сідзи, мый большевикъяс кутісны бөрынтычыны Вятка юсянь ытывыло. Тайо тышас комияс петкөдлісны збойлун, повтөмлун и винөвлун. Та йылысь висьтала некымын вөвлөмтор. Отчыд большевикъяс көсийсны Вятской губернияса вөръяс пыр кытшовтны Колчак армия улө веськалөм Юксёв сикт. Татчөс вөръяс зэв паськыдөсь да төлын дзик туйястөмөсь. Большевикъяс мөдөдісны водзө 18 морта отряд, медым корсыны вөр туй. Но Колчак армияса коми зонъяс вөрсө видзисны сюся, 15 км трасса вылын сулаліс 15 морт, а вөр керкаын, караулын, влі 3 морт. Отчыд өти караульной казяліс большевикьяслысь отряд, водзас вөла-доддя

нуис налысь оружье. Писькӧс коми салдат горӧдіс: «Пулемет! Пулемет! Рота стройӧ!» Большевикъяс таысь ёна повзисны, лэпталісны кияссӧ да виччысисны суд, видзӧдісны, кызди вӧр керкаысь енежӧ кайис тшын. Ӧти коми нуӧдіс доддя вӧвсӧ водзӧ, мӧд пуксис доддяс да чургӧдіс винтовкасӧ большевикъяс вылӧ, а коймӧд бӧрсяныс бара жӧ винтовкасӧ чургӧдӧмӧн командуйтіс гӧрдъясны восьлавны водзӧ. Дерт жӧ, большевикъяс лёкысла юрсисӧ нетшкисны, кор тӧдмалісны, мый сетчисны пленӧ куйм мортлы.

Тулысын, март заводичигӧн, большевикъяс казтыштӧм вӧр пырыс вылысь воисны Юксьёв сиктӧ. Сиктӧ дорйис сӧмын 15 коми салдат, а уськӧдчысыс вӧлі 900 морт. Комияс дорйисны сиктӧ кык сутки, прӧтивниклӧн вӧлісны воштӧмъяс, но век жӧ дорйысысыяслы ковмис бӧрынтычыны, ӧкмысӧн на пиысь ранитчисны. Татшӧмторйыс гежӧда паныдасьлӧ военнӧй исторіяын.

Ӫджыдджык збойлун да повтӧмлун йылысь висьталӧ татшӧм вӧвлӧмтор, кор Кама да Вятка юякостса тышын 300 морта коми рота босьтіс пленӧ большевистскӧй батальон, кӧні вӧлі 400 салдат, а Песковка завод босьтігӧн коми полк кытшаліс большевистскӧй кавалерийскӧй полк, кодӧ эз кӧйы сетчыны пленӧ да дзыкӧдз вӧлі бырӧдӧма сәні жӧ.

Колчак регыдӧн да кокниа шедӧдіс властьсӧ аслас киӧ, босьтіс Урал гӧгӧрса муяс да йӧзӧн озыр Кама юбокса ковтысыяс, асьыс правительственнӧй программасӧ йӧзӧдтӧг, кӧть и сылӧн газетыс гижліс дума чукӧртӧм йылысь.

Колчак правительстволӧн программа лои ясыд 1919 вося тулысын, кор вӧлі вынсьӧдӧма татчӧс веськӧдлысь органъяс. Колчак армиялӧн меставыса управленияяс, кодъясӧс вӧлі бӧрйӧма йӧз отсӧгӧн сӧветскӧй властӧн пунктӧм веськӧдлысыяс пыдди, бырӧдаліс да на местаӧ вылысь лӧсьӧдаліс царьдырся управлениеяс да чиновникъясӧс. Интеллигенция, да и йӧзыс, эз кӧйыны бергӧдчыны царьдырся управление дорӧ, и та вӧсна Колчак правительстволысь индӧдъяссӧ эз пӧртны олӧмӧ. Тадзи Колчаклӧн правительство воштис йӧзсянь вежавидзӧм да кывзысьӧм.

Сәки жӧ правительствотоыс вӧтлісны ставсӧ, кодъяслӧн вӧлі единаначалие да кодъяс мӧд ног мӧвпалісны. Тайӧ мероприятиыс вайӧдіс виччысьтӧмторйӧ да матыстіс Колчаклысь помсӧ. Сідз, ӧти сухопутнӧй отрядса командир Жанеӧс, кодӧ вӧлі социал-революционерӧн, мездісны армияысь, и сійӧ вӧчис тадз: медводз армияысь мунтӧдз сійӧ кык ён дивизия (Ижевскӧй да Воткинскӧй) фронт вылысь мӧдӧдіс гортас. Большевикъяс тӧд вылӧ босьтісны тайӧс, петісны наступлениеӧ да орӧдісны Колчаклысь фронтсӧ.

Колчак властылысь усьӧмсӧ матыстіс и сійӧ, мый сылӧн офицермонархистъяс фронт вылын петкӧдлісны чорыдлун да деспотизм. Сідз, Камскӧй дивизияӧ пырысь Соликамскӧй полкса командир, царьдырся жандармскӧй офицер, лыйліс быд ӧтка пленнӧйӧс да дезертирӧс, а сідзжӧ бырӧдаліс и чукӧрӧн сюрӧм пленнӧйясӧс. Казытыштам кӧть Кама да Вятка юяс дорын комиясӧн пленӧ босьтӧм 400 морта батальон, кодӧс мӧдӧдісны полкса штабӧ решение примитӧм могысь. Найӧс лыйліс тайӧ полкса командирыс, кодлӧн салдатъясыс нуӧдісны штабас. Та бӧрын сылӧн чорыдлун вӧсна полкыс кыпӧдчис, сійӧс асьсӧ арестуйтісны да сетісны большевикъяслы, а асьныс салдатъяс пышъялісны гортаныс либӧ вуджисны большевикъяс дорӧ. Тайӧс бара тӧд вылӧ босьтісны большевикъяс, бырӧдісны став Камскӧй дивизиясӧ да бара орӧдісны фронтсӧ.

Татшӧм помкаясыс кывзыйӧ кысьтісны Колчаклысь правительствосӧ.

*Водзӧ лӧб на.*

Финн кыв вылысь вуджӧдіс  
**А. И. Туркин,**



Лышкыд сернössалөн лов,  
Чипсан моз оз ышнясь гора.  
Кутшöм сьöкыд мен оз ло,  
Муса сиктлысь отсöг кора:

Чужанінöй, Сернösанöй —  
Сьöлём гаж и сьöлём дой.  
Шогтö вöтлы. «Шондібанöй»,  
Шонты менö лун и вой.

Иван ТЕРЕНТЬЕВ

\* \* \*

Дырсьыс-дыр эг вöv ме гортын,  
Дыр эг аддзыв чужан сикт.  
Кызд нин олан, Красноборöй?..  
Пыр на важ кодь тэнад мич.

Мишка ягса джуджыд пуяс,  
Ёна быдмöмыдöсь тi!  
Керösывса паськыд муяс,  
Мöдлапöлын ыджыд дi...

Гöравывса телевышка  
Регыд тыртас дасöд во.  
Воис армияысь Мишка,  
А ме век на со эг во...

ВИКТОР НАПАЛКОВ

# МЕ ТЭНӢ РАДЕЙТА

ПОВЕСТЬ



РЫТНАС Кондрат Ӧльӧксан локтис видлыны Ларисаӧс... Со тадзи и тӧдмасисны кызь кык арӧса мужичӧй да Пенӧ Пекла. Ӧльӧксан быд рыт кутис вольвлыны Пекла ордӧ, нуӧдны ӧтлаын рытӧйсыны. Вӧлины ӧд сылы кодь нывъясыс, а силитчис тай вот дӧва динӧ. Гашкӧ, регы-дӧн кӧйсис окотасӧ тешитны, сӧсся эновтны да-й. Ачыс Пеклаыс видзӧднысӧ мужикъясӧс манитана нывбаба: паськыдик кадж лыяса да кызиник кок пӧкъяса. Ӧльӧксан латшкӧс, паськыд пельпома, шуласны тай, мусянь тӧчӧм морт пӧ. Ӧтчид мунисны вӧрса прӧсек кузя, прӧстӧ гуляйтисны. Унаӧн паранад ветлӧны вӧрӧдыс шойччан лунъясад. Баракыд абу ас керка, ӧдий мустӧммӧ. Кӧть и гӧлиник олӧмыс, том вир-ййид тай ворсӧдчӧ. Ӧльӧксан ӧтарӧ пыдӧджык вӧрас пыртӧдис Пеклаӧс, мукӧдлы син улӧ веськалӧмысь, тыдалӧ, полис. Кос ялааинӧ пуксисны, мыйкӧ тай дугдывтӧг варовитисны-а. Сӧни и вильшасыны кутис кияснас Ӧльӧксаныд, эз весиг оқышт, а бӧж улас пырӧ. Нывбаба ӧтарӧ вештыштӧ сылыс кийӧ: мый-мый, а друг видзӧм вылӧ пӧ ог пет, эн пӧ и думайт сы йылысь. Мужикӧй бӧрын пӧ некодӧс на эг тӧдлы, и ог пӧ кӧсӧй тӧдны. Ӧльӧксан тайкӧ эз матькышт, думыштит, надейнӧ: мый морысла нӧ эськӧ ме тӧ бӧрысь ротъяла, челядя баба бӧр-сяыс.

Пекла кӧсӧйс нин кыпӧдчыны-веськӧдчыны, кор Ӧльӧксан петис ку письыс, кызд пу краж моз вожасис нывбаба вылӧ. Ён мужикыд пелсӧдлис нывбабалыс киясӧ аканьлысь моз. Бур ногӧн кӧ ызӧйдис-ышӧдис, гашкӧ и, водзасьтӧг на Пекла сетчис, бырӧма жӧ нин ӧд гажыс мужикуловсыс. Ойнус со, кӧть и абу ас кывъя морт, окалис кийӧ, а этӧйӧ, ас коми кывӧн сӧрнитысыс, кыр пон моз пурӧ Пеклаӧс, пӧкӧритны кӧсӧйӧ. Мед мир сьемек эз ло, Пекла гӧлӧссӧ сеттӧг водзасьтӧ, кӧсӧйӧ йӧткыштны кынӧм вывсыс Ӧльӧксанӧс, но оз тырмы выныс. Мудзис да вӧлисти на дугдис чужьясынысӧ, сӧсся и личвартис ки-коксӧ. На пӧ,— шуис быттӧ таӧн.

Ӧльӧксан эз виччысь, мый здук-мӧдӧн и бурмас сьӧлӧмыс, та ӧдъя личаласын сӧнъясыс. Яндзим весиг лон Пекла водзын. А нывбаба нормис, нормис мужиктӧм лӧк да сьӧкыд олӧмысла, кымынясис и гусьӧник бӧрддзис. Мужикыслӧн сой вылын пыдди со кӧни куйлӧ, ялаа эжа вылын. Абу ӧмӧй ӧбиднӧ? Лигышмунӧм Ӧльӧксан пукалис Пеклакӧд орччӧн, вель дыр чӧв олис, сӧсся кыз гӧлӧснас мурӧстит:

Пом. Заводитчӧмыс 3-ӧд №-ын.

— Мый эськө шуан, готрасям кō быттьō?

— Ме пōрысь тэн, да и ныв на менам со.

— Тэ менō водздзык на пōрыстан.

— Пола ме тэысь, Ольōксан. Ачым ог тōд, мыйла. Да и овнытō некōн.

— Комната корам начальниклысь. Сэссия асьным стрōитчам. Пра-мōй семья моз овмōдчам...

Бура помнитō ставсō тайōс Пекла. Кызди нō оз помнит, вит во сайын на и вōли да. Быттьō тōрыт на и куйлис ялаа эжа вылас да. И, гашкō, нэм помōдзыс кутас каитчыны Пекла тайō кос ялаа эрд вылас локтōмысь, кōть эськō и Ольōксаныскōд гозьяōн со лоисны. Во кымын верōсыс эз петкōдлы асьыс йōй русō, а сэссия, эз кут сьōктыны гōтырыс да, ас этшсьыс кутис петны быд код юрōн: стрōй б...ōн шуавны, чорыд кулакнас шенасьны.

Шōрьягсян Вадбōжō воѐм бōрын Ольōксанōс да ешō некымын мужичйōс пыр жō мōдōдисны Княжпогостōд комилес вōвьясла. Вот сэксян и конюкалōны Пеклакōд. Нянь карточкаятō вōли нин бырō-дōма и олōмыс шаньмыштис. Ольōксан кужис вōдитчыны пила-чернад, эз кут нюжōдчыны, регыдōн и пелькиник керка стрōитис, ошинь улас град вōчис. Зильнад эськō и зиль мортыс, уджавнытō эм обичаыс. Ларисабс оз кедзовт ни. Сōмын тай гōтырыс со некыз оз сьōкты, сэтшōма пи колō да. Йōй руыс босьтас да дозмуктō весиг жуллъō. Отчyd вачкавны кутас гōтырсō, да пышьяс Пеклаыд. Кытчō лēктō воштыны? Петас ошинь улас, кутас йōрсьыс чипанōс, пыртас керкаас да шыбитас ловья вывсьыс ломтысян пачас. Сайкалас да эськō каитчō жō мортыд.

Талун со бара на Ольōксан пасьвартис некымын тасьтис. Пекла крапкис оэдзсōс, пышйис гортсьыс. Вōр дi вуджōм бōрын, грек вылō ли, шуд вылō ли, паныдасис Ойнускōд. Оз жō на сийō узь, майшасьō мыйыськō сьōлōмыс. Сюрас эськō нывбабаыд, да некодкōд оз мусукась.

— Бара воуйтанныд?— веськыда юалис Ойнус, пыр и казялис Пеклалысь курыд-шог чужōмсō да.

— Бōрōн петтōдзыс нин юōма, а менсьым век на вина корō.— Нывбаба вевттьыштис вом дорьяссō чышьян помнас, сайōдыштис лō-зōдōминьяссō.

— Мунин эськō сы диньсь, сэтшōм палачкōд олан.

— Шань вед сайднас.

— Овлō кōть сэтшōмнас?

— Ен кажнōй лунсō юны деньгаыс абу.

— Гашкō, мунан сы диньсь? Абу од законнōй мужик, гижсьытō-мōсь. Кузь на водзын олōмыс, ки-коксьыд тэнō уськōдас, нинōмō воштас...

— Котōрта, Ойнус. А то вōтōдас. Саня ордō муна, Румянцева ордын узя.— Ойнуслōн кывьяс вылō эз веськыдасō вочавидз Пекла.

Вадбōж весьтын мōвкьялис шоныд, вач югыд вой — руд синьяса гожся вой.

## 6

— Сьтпро! Сьтпро! Сьтпро!— конюшня дорын кылис Кондрат Ольōксанлōн гōлōсыс. Сийō тадзи чуксалис тшōтшōдōм бурьыс, пемыд-гōрд рōмōн волялысь ужōс — Миномētōс. И мериньяслōн, и кōбылаяслōн роч нимьяс: Гаубица, Пулемēt, Катюша, Патрон... Вōвьысыс служитōмаōсь фронтьяс вылын, сы вōсна и сетōмаōсь оружие нимьяс. Вōлины весиг ранитчылōмыяс. Стрела нима кōбыла, код вылын верзōмōн ветлывлис Зиновий Никодимович, онōдз чотыштис бōрья шуйга кокнас. Осколксō эськō и перийōмаōсь, а косьмōма кутшōмкō сōн. Стрелаōс уджōдисны поселокын: кыскалис ва, пес, турун, вōр кыскавны эз додьявлыны.

Миномēt ыджыд юрсō вылō лēптōмōн матыстчис кōзиян динō. Ольōксан тапкōдыштис сийōс, чужōмсō жмитыштлис ужлōн ныр-вом

бердö. Вадбöжсаяс оз весь шмонитны: конюк Ольöксан пö ассьыс паськыд задья кöбылаяссö радейтö ёнджыка гöтырсö серти. Код тö-дас, кызди сийö радейтис Пенö Пеклаöс. Весиг тай тышкасигас оз эль-тыштлы гöтырсö пöрысьнас-а. Быд мисьтöм кывнас шуалас, а пöры-сьөн оз нимтышт. Пенö Пекла öнi эз вöв тан, коса-гöрбушөн мунис вөр бокъяс ытшкыштны.

Конюшня йöрын öттор-мöдтор вöчисны Глеб да сьлөн ёртъясыс: Öндрей, Павлик, Виктор, Тоня, Лариса да Роза. Нывьяс чорыд сiа щöткаөн шыльöдисны пемöсьясöс, зонъяс на дорын жö кытшлялисны. Регыд став вöвсö лэдзасны йöрысь, вöтласны Эжва дорö юктöдны. А сьöдз Ольöксан вайöдис Минометöс Катюша кöбыла дiнö. Воронöй кöбыла öвтыштит мудзыс судзысь пашкыр бöжнас, уж исыштит бöж увсö, паськöдлис ныр бордьяссö, сэсся юрсö вывлань гоньгöдöмөн не-гораа гөрöктiс. Гашкö, юалис пöдругаылысь: позьö оз пö тэкöд мусу-касьны. Катюша воча гөрöктiс: позьö пö! Миномет сувтлис кыккокийв и ньöжйöник нёрис кöбыла вылö. Катюша весиг лажмунлис бөрья кокъяснас. Ольöксан акушер моз отсасис сэн: кинас веськöдис ужлысь злалöм кольтансö, мед лишнöй вын сьлөн эз вош. Зонъяс су-лалисны конюккöд орччөн, синнысö лапнитлытöг видзöдисны мусука-сьысь пемöсьяс вылö. А Глеб кутiс весиг Катюшалысь тугья бöжсö, неуна боквын кежыштöмөн. Тайö серпассö казаятöм улö сетчисны нывьяс. Но найö видзöдисны зонъяс моз жö азыма, гусьöник кильк-нитлисны, медъяна пыльсьялис Роза.

— Сэсся кöбылаыс сьöктас?— пöдругаясыслысь юалö сийö.

— Оз сьöкты, а тырсялас,— вочавидзö Тоня,— а чаньяс öкмыс тöлысь мысти. Сидз жö, кызди и нывбаба.

— А нывбабаыд öтчидйөн жö тырсялö?

— Эн йöйтав, Роза. Нывбабаыд оз тырсяв, а рушкуасö... Нинöм абусö юасян, быттö ми тэысь унджык тöдам,— вомалö ичöтджык пö-другасö Лариса.— Йöй, нывбабаöс кöбылакöд öткодялан: öтиыс морт, а мöдыс кывтöм пемöс.

— Мыйла школан та йылысь нинöм оз велöдны? Сэк эськö эг юась тiянлысь. А мен интереснö.

— Велöдчы врачö, сэк быдтор кутан тöдны,— шыödчылис Тоня, бара тöдчöдис:— И нывбаба, и кöбыла кынöмсö новлöдлöны öкмыс тöлысь.

Катюша бердысь торйöдчöм бöрын, Минометöс Ольöксан кыкысь кытшовтöдис йөр гөгөр. И та дырйи öтарö вердис кисьыс зöрийөн. Уж, небыд чушьяснас кöзяиныслысь кисö нюлөгтыр, вöтлыыс сы бөрся. Минометöс öнi матыстис чалöй кöбыла дiнö — уна рöмаыс вöли дзик öти, кодöс медъяна радейтис Пенö Пекла. Нимтiсны вöвсö Гранатаөн, пашпортас сидзи гижöма. Миномет исыштит Гранаталысь бöж увсö, но колис веськөдьөн, ныр бордьясыс весиг эз вөрзьявны, юрсö на öтарö-мöдарö гогнитiс: абу на пö кад, оз на пö позь. Сэсся руньгис-ылыстчис кöзяин дiнсьыс пельсö чöшкöдлiгтыр, быттö весиг дöзмöмпырысь: ачым пö тöда, кор кутшöм пöдругакöд мусукасьны, эн пö суитчы вöвъя-слөн любовнöй делö, ассьыд Пенö Пеклатö пö бурджыка тöд да пöсьджыка радейт.

Кондрат Ольöксан дзирйив восьтiс йөр заворсö, кавшасис Граната-лөн лайкола паськыд мыш вылö, и сьтпрокайтiг чукалис вöвьясöс ва дорö. Граната кывзысис кöзяинсö дом поводтöг, Ольöксан сöмын корсьорö тапнитлис вöвлөн сьылö. Кианыс тыртöм ведраясөн да щöт-каясөн стада бöрысь мунисны Глеб да сьлөн ёртъясыс. Мунисны мысь-кавны вöвьясöс. Конюк Ольöксанлөн пырöма нин модаö: «мысьöдны» тайö вежöра пемöсьяссö быд вежон öтчид, а тöвнас вежоннас öтчид жö сынавны щöткаөн. Гозьялы кö, тайö уджыс зэв на и манлив. Со и воывлöны отсасны том йöз, а чуйдöдысьнас вöли Тоня.

Виктор пöрччысис трусикöдзыс, орччöдчис Ларисакöд. Ныв кыö-ма кузь веж юрсисö öти кöсаö, шыр гөрöда сьöд лента помас. Гөр-быльтчыштас да, кöсаыс заас инмылö. Зон кыйкнитлö синнас Лари-салань; мöдыслөн, казялö тайöс да, нюмыс петыштö. Гашкö и, сьлöм-

нас кылö: глянитча пö тай Викторьслы. Некумын рыт нин колльöдчисны, а эз на окыштчывны. Тöрыт Лариса сэтшöм матö матыстлис вом доръяссö зонлөн чужöмланы, но Виктор быттьö немтор эз и казаяв, некыз эз вочавидз. Öндрей и Тоня, қодъяс сулалисны насынь воськовмод сайын, некумынысь нин окыштчисны-а. Водасны вонйö да, Тоня öтарö ошйысьö аслас Öндрейөн: корсиорö пö весиг морбöсө шамра-лыштö. Полысь ли мый ли кө Викторьс-а? Мыйла нö полысь, бритчан пöра нин мортыслы да. Пöди, Викторьслы и сідз гажа да лöсьыд Ларисаыскöд. Көть кыз, а Ларисалы аслыс ковмас смелджыкөн лоны. Кольöм вой Гоня тадзи жö шуис пöдругаыслы: ачуд пö ёнджыка водзмöстчы.

Вöвъяс лöня сулалисны кынöмöдзыс ваын, ыджыд чувъяснас шылькнитлисны ю веркөссö, юöm бöрад рушкуныс нöшта на дундöма. Кызь вöв пиад кык-ö-куим сöмын дуанитчысьыс, сэтшöмъясыскöд кокниа справляйтчö Ларисалөн дядьыс. Викторьсысь öприч, мукöдыс ставныс тöдисны быд пемöслысь нимсö. Миномётöс öтарсянныс шыльöдис-мольöдис ачыс Öльöксан, мөдарсянныс Глеб. Шыр гона меринöс пожъялисны Павлик, Öндрей да Тоня. Коймөд вöв динö, Катюша динö, келисны Роза, Виктор да Лариса. Артельнад ворсигмоз и мунис уджыс.

Кондрат Öльöксан бара сöлис чалöй көбыла вылö, кияс куш ведраясөн троньöдчиг, кутис сьтпрокайтны. Вöв стада вöтчис аслас көзяин бöрся. Öльöксан долыда пукалис Гранаталөн мыш вылын, вомгорулас намöдис «Три танкиста» сыланкывлысь мелодиясö. Воюйтöм вöвъясыдлы боевöй сыланкыв и сылис. Öльöксанлөн павъялыштитис читкыльмунöм кузь, дзуг юрсиыс, тöлыс пöльтчөдöма розя соска дөрöм мышсö. Пуджöм гач коксö сідзи-й абу лэдзöма, көмтöм кокъясыс жмитчöмаось вöв кынöм бердö. Да, Кондрат Öльöксан збыльысь радейтис кузь бурысьяса тайö кывтöм пемöсьяссö. Конюшняын ноксигөн сийö мыйкö да мыйкö век нин шуас быд вöвлы, тапкөдас-шыльöдас, и весиг оз кыпöдлы гөлөссö Пекла вылö. Вöв гөгөрвоö, мый мелі сылөн көзяиныс, и сöмын чошкөдлö пельяссö.

Кондрат Öльöксан нуөдис вёв стадасö конюшняö. Том йöз кольчисны берегö. Сплавпосёлоккладорсянь тöv нылыдыс кылис гудök шы. Тайö Сорьян Пимен сяркөдис «Шондibanöй». Эжва горувсö искөвтис нывбаба гөлöс:

Виж улөсöй, виж улөсöй,  
Пуксьыла ме тэ вылö.  
Ок, милöйöй, бесстыднöйöй,  
Надейтча ме тэ вылö.

Тайö пöрысьмывтöм частушкаыс быд гажөдчигөн юргывлис некумынысь.

— Ветламöй на динö, гаж бырöма сыланкывъясысь,— шыасис Роза.

— Мыйла буретш на динö? Миян асланым гармонист. Сідз, Öндрюша?— кылис Тонялөн гөлөсыс.

— Паракодстволөн пес чипасъяс сайын мича веж луд, сэни позьö сьывны и йökтыны,— чуйдөдис Павлик.

— Ти тан нөрöбитлöй, — ме ветла гудökла,— шуис Öндрей.

— Гашкö, патипон тшöтш босьтам? Миян патипон эм, и пластинкаыс кызь кымын,— вöзйис Виктор.

— Гожöмыс кузь на, пластинкаястö мөдысь кывзам.— Глеб перйылис югыд чепта часисö, кадсö висьтавтөг бөр сюйис зептас.

Ныв-зонъяс берег пöлөн мунисны кывтыдланы. Ю ковтыс помын тыдовтчис катер, шолга йылас дöлалис флаг, бöрсянныс кыскис ыджыд баржа. Пöди, Эжвалөн ёна ямтөдз, катөдö сёян-юан Керчомьяөдз, гашкө и, Немдинөдз. Ытванас ю катыдсö ветлөнны тшöтш и буксирнöй пароходъяс. Вадбöж весьттi юыс джуджыд на, а водзöсö, катыдланыс, пыр частöджык паныдасьлөнны ляпкыдинъяс. Ю пыдöс кодьян машинаыс сэки эз на уджавны, и лажмыдинъяссö взрывайтлисны дина-

митөн. Татшөм ногөн уналаті джудждөдлісны Керчомья — Джеджим костын. Взрывайтөмыс, дерт, ыджыд лөктор вайліс аслыс Эжвалы. Уна вөлі изведитөмагырысь и посни чери. Взрываитігас кө веськалан пыжөн, ю веркөсын жуйвидзысь черисө позис гумлавны веськыда пельснад. Во-мөд сайын, Джеджимын на олігөн, Виктор да Ваньө вокыс мунісны вуграсьны пыжөн Виль-Эжваө. Веськалісны буретш взрывайтөм шөрад. Недырөн вевъялісны чукөртны пуд кымын дзобалөм чери, вугырсь сөсыя эз и чөвтлины ваас. Взрываитысьясыс катерөн шльвь-ялісны, найө сакөн черисө гумлалісны,гырысьджыкьясө. Колясө визулыс кылөдө, каляяс «пируйтөны», сөсыя, потас гаддыс да, вөйөны.

Виктор лунтыр вермө пукавны киас шатинөн, вугравны кельчи көть йөрщ, а со тай, Вадбөжө лөктөм бөрын эз на кый ни өти чери. Көть эськө и аддзис вугыртьясө, син улас вокыс колбөма да. Эжваыс воськов-мөд сайын, көть быд лун войколав. Вуграсьбөм йывсьыс Виктор вермө висьтавны дугдывтөг. И өні сійө ошйысис, кызди дзобалөм чериясө вокыскөд гумлалөмайсь.

— А ми вотчыны радейтам,— кайтыштіс Лариса.— Татөні гөгөр тшака да вотөса местаяс. Тасьянь верст куим сайын ыджыд, гөгрөс вад. Тыдалө, коркө вөвлөма сәні ты, а сөсыя сійө косьмөма-нюрзөма. Бур воө мырпомыс сәні заваль, быттө вадйыс өзйөма виж рөма биөн. Тайө вад сertiыс и посөлокыслөн нимыс.

— Мырпомыд өні еджыд на, кисьмас вежон кык мысти. Мырпом бөрын кисьмас и мукөд вотөс,— бытөкө велөдана, висьталіс Глеб.— Эстөні, ляпкыдик кыз да бадь быдманінас, ва гобыс сы мында петас, көть косаөн ытшкы.

— Арнас ельдбгла ветльывлам,— сюртчис сөрниө Тоня.— Правда, ылынкодь. Вад саяс на колө мунны. Кымын чөскыд тшакаыс, сымын ылынджык быдмө. Кытчө тэ нуан миянөс, Павлик?!

— Воим нин!— вочавидзис мөдыс, коді шутлялігтырйи муніс ставсьыс водзынджык.

Бөньюка эрдыс вөлі паськыд, дзоридзысь дзоридзө лэбалісны орөм коска мазьяс да гөна пася малямущьяс. Төвруыс мөвкйыштіс ма дукөн. Эрд помас ыжъяс да көзаяс мурчкисны чөскыд, веж турун. Эжва весьтын тивзигтыр лэбалісны еджыд каляяс да сьөд джыджьяс. Эжваын шы ни ру купайтчисны лөз энэжыс да югыд шондыс.

Павлик гөгыльтіс лянөда кызд пу чурка, сувтөдіс джек пыдди. Ондрей пуксис джек вылө, кузь чуньяснас котөртіс гудөк кизьяс кузя:

— Вальс али «яблочко»?

— Вальс!— вочавидзисны Викторысь өприч.

— Коді кодкөд? Ме көсья йөктыны Витякөд.— Зонлөн коскө кутчысис Роза.

— Ме некор на эг танцуйтлы,— яндысис Виктор.

— Кут менө топыдджыка. Со, тадзи...— велөдіс Роза.

Ларисакөд петіс Павлик, а Глеб — Тонякөд.

Некымын скон йөктөм бөрын Ондрейөс шуисны шойччөдны. Глеб корис лыддыны морт өти стихөн Сталин йылысь, рочөн көть комиөн. Виктор лыддис кывбур, коді заводитчис тадзи:

Законьяс Аллахлөн, законьяс Абайлөн,  
Законьяс кровавөй царь Николайлөн.

Лариса да Тоня кывбур лыддбөм пыдди сьылісны Сталин йылысь частушкаяс. Öти частушка юрالیс тадзи:

Югыд коммунизмө талун  
Восьлалам ми сьылігтыр.  
Дона вождь великөй Сталин  
Вайө шуда оландыр.

— А ме лыддя коми поэт Серафим Потаповлысь стихотворение,— өчередь воис Розалы.— Лыддя роч кыв вылын. Сәні висьтавсьө сы йылысь, кызди Эжва бокса лесочастокө вөр пөрөдны волөма ачыс Сталин.

— Збыль али мый?— чуймис Тоня.

— Волёма пö. Ми нарошнö юалим учительницагыс стихотворениесö лыддьöм бöрын. Мый пö печатайтöма книгаас, сэни пö ставыс збыль. А книгагыс таво петöма, «Утро на Вычегде» нимыс.

— Ладнö, лыдды, — корис Лариса.

— Кывзöй, Сталиныд весиг вöр лэдзсыяскöд песняяс сьылöма:

Есть на Вычегде, в низовьях  
Городок глухой.  
Вот оттуда и пришел к нам  
Сталин дорогой.  
Говорил с народом — любо,  
Песни с нами пел;  
Брал топор у лесоруба,  
Топором владел!..

— Тешкодь тай: Сталин волёма Комиö и öнöдз эг тöдлöй, — шензис Павлик. — Радио эз юöртлы ни.

— Эн эскöй тайö сөрöмыслы. Сталин кө вöли Комиын, воліс эськö Керчомьяöдз, сы вöсна мый Керчомьяын колхозыс новлөдлö Сталиныс нимсö, — суйсис сёрниö Öндрей.

— Кулөмдинса колхозлөн нимыс «Сталинец». Эз кө Керчомьяöдз, то Кулөмдинöдзыд эськö лэбзылыс Сталиныд, — ас ногыс жö донйыштіс кывбурсö Глеб. — Менам эм татшöм мөвп: поэтыслы гижны письмö и юавны, кор кушшöм лесочастокö волёма Сталиныс, мый сійö вöчöма чернас, увйысьöма али пес поткөдлöма. Письмöас ставным кырымасям. Коді та вöсна — кора лэптыны кинытö.

Эз лэпты öтнасөн Виктор.

— Сы вылö и поэтыс, мед фантазируютны. Оз öд быд книгаын гижны став збыльсö, — шуис сійö. — Гижисны кө сöмын збыльторсö, то книгагыс эськö гажтöм вöлі.

— Кысь тöдан? — вензискодь Глеб.

— Миян эм учитель, ачыс олöма морт нин, сьлөн гортса библиотекаыс ме лыдди пöшти став книгасö. Сійö и висьталіс: збыль олöмыс пö абу сэтшöм, кушшöмөн петкөдлöны писателыяс. А Нёбдинса Виктор йылыс кывлінныд?

— Кывлім, но нинöм ог тöдöй. Коми литература урок вылын казьтыштлöны сы йылыс: буржуазнöй националист пö, — вочавидзис Лариса.

— А ме лыдди сылыс кык книга, кызь во сайын петавлöмаöсь. Нёбдинса Викторыс пö коми йöзлөн зэв ыджыд поэт. Тюрьмаын пö кулöма.

— Михаил Лебедевасы на ыджыд? — эз инась Павлик.

— Ыджыд пö.

— Комиöн и рочөн лыддысян? — юалис Тоня.

— Да. Школаса библиотекаыс «Войвыв кодзув» журнал босьтывла. Рочнас неважөн лыдди «Цусима» роман. Öні нинöм ог лыдды, некыс книгасö босьтны.

— Вить, он-ö писателöн көсйы лоны? — эз чöv ов и Роза.

— Писательыдлы колö кужны ылöдчыны, а ме ог куж. Таланта йöз сöмын сідзсö кужöны вöчны. Сталин йывсыд со: лыддян да быттьö и эскан, а збыльысö лöж.

— Ме думыс, таланта йöзыд найö честнöйöсь: Пушкин, Лермонтов, Гоголь... Тані, Вить, тэ абу прав, — шуис Öндрей и паськөдіс гудк мехсö. — Вальс «На сопках Маньчжурии».

Эжва берегын гажөдчис томлун.

Ректысянінö верст куим вотөдз Ойнуслөн мериныс, Снайпер, воштіс бөр коксыс подковсö. Шпалыяс вывті восьлалігөн вермас дзикöдз щальдөдны гыжсö. Бөр кокъясыс тöрыт нин коліс вежны подковь-

яссө, а Ойнус, мыйкө вылө надейтчис да, кузнечаё эз кежав, талун асывнас выліс катищеё кайис медводз. Снайпер восьлаліс шодйөн, повозник жалитіс сійёс, эз тэрмөдлы. Бөръя верстыс увлань нывкө-сакодь, и кыз пожом керъяса вагонеткасө кыскыны лоё кокниджык. Кадысь-кадө ковмас на весиг и тормозитыштны. Төдлас кө Кондрат Ольёксан, мый кыскасыёны вөлөс подколавтөг, буртө сысянь эн виччыхь: поводнө жбонкъяс-пиналас. Но Ольёксан төрыт рытнас леспром-хозлөн катерөн лэччис райцентрө зөрла. Вөвьяслы зөрыис вөлі быран выйын. Отшөтш көсийс пыравны больничаё, норасис вөрк висьёмөн и шуис петкөдчывны врачлы.

Ойнус лэдзалис вөвсө, көрталіс дом йылө. Ачыс сөліс вагонетка нырө, личөдіс тормозсө. Сьёкыд вагонетка дзуртгитыр гөгыльтчис чой горув, сэтчө, көні ректөны вөрсө. Сэні керьяссө либө пуръяласны, либө лэдзасны молльөн, либө тэчасны штабельясө. Местасө шуисны уліс складөн. Став техникаыс вөлі пескөн уджалысь өти трактор, ПЭС-12 нейджыд электростанция, өти электролебёдка, сөссия чер, багыр да лом. Пурьясысыяслы отсасис ичөтик, зэв өдйө тувьялысь катер.

Снайперөс көзяиныс нуөдіс кузнечалань, сувтөдіс подколасянінө. Вөлі водз на, өбед бөр, но меринлысь нельнан коксө «көмөдөм» вылө коляс мыйкө мында кад и Ойнус өдвакө нин выльысьсө каяс сөвтчанінө. Июньнас сылөн эз вөв ни өти авария и төлысья плансө сідз на ветыртас.

Кузнечалис ар ветымын вита коми мужик, шуисны Петровичөн. Зэв этша сёрниа, сьёкыда кылө да сы вөсна ли мый ли; ыджыд тушамыгаа, кипода морт. Петровичлөн кык пи асланыс семьясөн олёны Сыктывкарын: өтиыс уджалө авиамеханикөн, мөдыс — вөр пилитан комбинатын. Медічөтыслы, Земфира нылыслы, гашкө и, дас көкъямыс арбө на абу, а нёнпом кага нин эм. Земфира бать-мамыскөд олө, яслиын нянькаён уджалө. Глебьяскөд өтлаын сійө котрالیс школаё, велөдчис шөркодя, көкъямыс класс помалис да пырис Сыктывкарса медицинскөйө. Карас вокыс ордын оліс, авиамеханик ордас. Мөд курсыс төлысь кык велөдчис, казяліс, мый кынөма, и эновтіс училищесө, Вадбөжө бөр локтіс.

— Нылукө, кыз нө сідз? Миян семьяын тай нө эз вөвлы некод шлявушөйыс, — увгис сэки мамыс.

— Мам, ме абу и сэтшөм. Во велөдчи карын да весиг рытпукны эг ветлывлы.

— Енсянь али мый көвъясис рушкуыд?

— Гашкө и, Енсянь да... — нурбыльтас Земфира. Мамыс кө раммас, сэки и батыс миритчас.

— Кагаыдлы өд вич ли овна ли ковмас сетны. Сэки тон тыдовтчас, коді тадзисө пакбститчис.

— А ме ыджыд батьөлысь вичсө сета. Тэнад бательысь.

— Ыджыд батьтө Арсень Глебөн шулісны. Зэв ёна тэнө радейтліс, шонъянөй. Помнитан өд, көнкө?

— Помнита, мам.

— Дивө тай, дивө тэ вөчин. Öні абу карточкаа олом, кагатө эськө и быдтам, а вот ассыд оломтө тшыкөдін.

— Ме киа-кока, синма-пеля, и кага вайөмнад оломтө ог тшыкөд. Аски жө муна удж вылө.

— Кытчө?

— Яслиө. Сёрнитчи нин.

Дількунөма жө эськө аслас, Земфираыслөн, сьөлөмыс, но дзебө майшасьёмсө мамсяныс. Водас да, дыр оз куньсыны синъясыс. Грекө вөйтан рытыс дум вылас локтө.

...Август пом вөлі, аскинас карө коліс лэччыны, училищеё. Гожөмыс сідзи и кольны кутіс, кажитчысь зонмыскөд ас кежаныс аддзысьлытөг. Земфира чөв оласа, ас пытшкас йөршитчөм морт. Йёзысь өт-дортчысь, вөй нылөн весиг позьө шуны. Во-мөд нин, Вадбөжө локтөмсянь, любитчис зон вылас, а шуны-висьтасьнысө оз лысьт. Зонмыс оз

дōгадaйтчы та йылысь, мōд ныв вылō кыйкъялō. Земфиралы коліс збоймōдчыны, а кызди? Карса пōдругаясыс регыдōн и лōсьōдісны кавалерьясōс, медсясō лестехникумса зонъясōс, а Земфира Вадбōжса зон йылысь думайтō. Локтас вот гожōм кежлас, аддзыяс и висъталас сьōлōм нōйтчōмсō. Мисътōмджык али мый мукōд нывъяс серти? Ни ōти абу! Мед кōть и ляпкыдик да кызиник. Мамыс со ичōтик, а батыс кутшōм ън да мича.

Лунтыр зэрис, а рытнас кобыштис, буситис сōмын. Школа дорын и паныдасис Земфира зонмыскōд. Сёрнитчытōг, немвиччысьтōг вочаасисны.

— Кысянь локта? Сплавса зонъяскōд доминон ворсим.

— Мый весиг он юав, кызди велōдча?— вōзйис сёрнисō Земфира.

— Шуштōм мен сьōлōм вылын. Ас арлыдаясысь ъна коля. Со мый кузя нин быдми, а век на школаын велōдча. Правда, ме кодыс класаным абу ōтнам. Торой класс бōрын кык во ме эг велōдчы, тшыг пыким. Пōльō и пōчō война воясас кулісны... А школаад пырлі буретш война сувтан воас...

— Мунін эськō техникумō, училищеō ли?

— Кōсийли, да папō тшōктō помавны среднѳой школасō.

— Кōтасям тані.— Земфира син улō уси школа лōскō каян сера пос. Ачыс эз казавлы, кызди кутчысис зонлōн киō, кыскыштис послань.— Ме кобув аддзи.

— Кысь? Гōгōр пуяс сōмын да, лысваыс киссьō со.

Пуясōн кытшалōм школа вōйтчōма пемыдō, некод некōн эз вуджōрт. Сёр нин, уна ōшиньясын куsisны бияс.

— Лōс ōдзōсыс восьса, лок,— эз лэдзчысь Земфира.

— Тані вōвлін али мый нин?

— Йōй! Ме некор на некодкōд весиг эг колльōдчыв. Лун и вой думайта тэ йылысь. Ачым ог тōд — мыйла?

— Пемыд. Нинōм ог аддзы,— ылōсас кималасасис лōскын зонмыс.

— Бур, мый пемыд, мый ог аддзōй ōта-мōдōс. Сет клятва: некод и некор оз кут тōдны миянлысь тайō аддзысьлōмсō. Сетан?

— Сета.

— Ноко, пернапасась! Кōн кыид?

— Со.

— Вот тадз... Куимысь. Ōні верита. Он кынмы?

— Ог.

— А ме кынма. Тірōдō... Ой, пычōдан...

Вой шōр вотōдз, час куим мысти кымын, лэччисны лōскысь, разнōй ордымъясōд муnisны гортаныс. Земфира поліс ōтиторйысь: воас сёрнōтō да, мед эськō мамыс оз жō видзōдлы сы синъясō, а то яндзи-мысла му пырыс мунас. Кынōм горулыс чōсōдō кылō, да мед. Эз некод невōлит, ачыс аслыс дойсō корис. Восьласыс вежсис, кокъясыс быттьō сьōктаммисны, мед кōть оз жō сунтшикты некытчō. Первойысь-тō да, тыдалō, вывтiasисны; нинōм пōтурайттōг мусукасисны.

Зонмыскōд паныдасисны сэсся ноябрь праздник бōрын нин, сэк, кор посēлокын паськыда кывсис: карас пō Земфиралы кынōм кōвъясьōма, эновтōма пō училищесō.

— Ветлам школа лōскад, гажōй бырōма,— тайкō оз юрбит, бара на корис зонмыс.

— Ōтчыдсō ветлōмысь ме пōт и код.

— А метō чайтлі... Тьпу!

— Эн сьōлась. Клятва тэа-меа сетлім...

Коліс кад, и Земфира чужтис пиōс. Петровичлōн медводдза внук лоис, пиянсянныс нель внучка нин-а. Тайō шуд кузяыс сійō дорис куз-нечаын зэв мича ыджыд подков, внукуыслысь сэтчō чужан лунсō тōдчōдіс, и ōшōдіс кильчō ōдзōс юр йылас. Рытъяснас, рузумō тубыртōмн, Петрович мездорас новлōдлō кагасō Вадбōж кузя.

Виль подковъяс бōрад Снайпер лоис нōшта на джуджыдджык.

Сійо вѳтчис кѳзяиныс бѳрся, кодї веськѳдчис Эжвалань нуѳдыс трѳпа вылѳ. Берегын Ойнус пѳрччысис, келѳдїс меринѳс ваас. Содзнас кояліс вѳвсѳ ѳтарсянь и мѳдарсянь, сѳсся ачыс сывйыштчис ю шѳрланьыс. Визулыс тѳрыба кылѳдїс Ойнусѳ. Гырысь синъяснас Снайпер видзѳдїс кѳзяиныслань, ськѳд ѳтвесьтын восьлалїс берег пѳлѳн. ѳні кѳ Ойнус кутас варччыны мѳдлапѳвлань, тѳдѳмысь, уяс эськѳ сы бѳрысь и Снайпер. Дарѳм кывтѳм пемѳс, гѳгѳрвоѳ тай ѳртасьѳмыдлы донсѳ. Ойнус упкайтїг петїс ваысь, жмитчыштлїс юрнас меринлѳн ныр-вом бердѳ.

Конюшнялѳн йѳр заворыс вѳлї восьса. Пекла сѳмын на вайѳма нѳб турун, чышьян помнас чышкаліс пѳсьсѳ.

— Мый нѳ сѳтшѳм водз талун?— юалїс сійѳ, пуксис потшѳс праслабокса лабичѳ.— Али лоис мыйкѳ?

— Тѳда: тѳ ѳтнад, вот и эг кай мѳдысьсѳ,— висьтасис Ойнус, аслас вирыс пель йылѳдзыс кыптїс орѳс чужѳм вылас.— Аддзылї тѳрыт ѳльѳксаныдлыс катерас сѳлѳмсѳ, мича костюмѳн кытчѳкѳ мунїс.

— Да, Кулѳмдїнѳ зѳрла лѳччис.

— Мыйкѳ вот шуны кѳсья тѳн... Ог кѳ ѳні, сѳсся некор нин ог шу. Прѳстит менѳ, мыйкѳ кѳ не сїдз лѳѳ,— Ойнус пуксис лабичѳ нывбабакѳд орччѳн.

— Шу. Кодысь полан, некод абу да,— нюммунис Пекла.

— Ме тѳнѳ пышйѳда тась. Мунам мѳд лесопунктѳ, ѳзьягѳ мунам. Тадзи жѳ Эжва кыр йылын посѳлокыс, зѳв гажа местаын. Леспромхозыс ѳти, лѳдзасны менѳ. Корала ме тѳнѳ... Ме танї мыжтѳг пукала, пленѳ веськавлї, а шуисны сетчѳмѳн. Мездасны регыд, Литваѳ тѳнѳ нуа, Ларисаыд меным ныв пыдди лѳѳ...

Эз виччысь Пекла татшѳн кывъяссѳ Ойнусянь. Кывзїс и нормис сьѳлѳмыс, дзѳвкмуни синваыс.

— Кутшѳм нин муном, стрѳйтчим со да. Тѳныд ме серти бурджык нывбаба сюрас. Сѳсся и, абу лѳсьыд коймѳдысьтѳ петны верѳс сайѳ, уйла бабаѳн шуасны.

— ѳз ков мен тѳысь бурьыс. Тѳ меным медбурьыс,— Ойнус чунь помнас инмѳдчис Пеклалѳн алѳй банбокѳ, чышкыштїс синвасѳ.— Мѳд баба кѳ колїс мен, важѳн нин эськѳ гѳтраси. Ачым мыжа, мѳдлы мойвиин да. Полї ме тѳысь, эг лысьт мырдѳнсѳ сибѳдчыны, роч шпанаѳн шуѳмысь полї...

— Енмѳй-енмѳй, тѳдїн кѳ, мый вѳчсьѳ менам сьѳлѳмын?.. А тѳ помнитан миянлысь йѳктѳмтѳ?

— Помнита. Сѳксянь и радейта ме тѳнѳ.

— Сійѳ вояс ме войбыд эг узь. Каитчи на весиг, кольѳдчынытѳ эг мун да.

— Тї ѳд, коми нывбабаяс, сѳк нинѳм на эн тѳдѳй миян йылысь, чайтлїнныд медся лѳк йѳзнас.

— Сїдз, сїдз, Ойнус. Лѳк йѳзѳн чайтлїм.

— Дѳзмы кѳть эн-а, вачкасьысь мужикыдкѳд эськѳ эг ов ме. ѳльѳксантѳ тѳд вылын кута.

— Мый сѳсся вѳчан, ѳтласьѳма да быть ов. Сїя кага корѳ, а вирным, тыдалѳ, ѳз лѳсяв. Кага вайтѳмсьыс вот и мыжалѳ менѳ...

Ойнус нѳрыньтчис Пеклалань, мыйкѳ дыр шѳпкѳдїс сылы пеляс. Нывбаба ѳтарѳ гѳрдѳдїс — инмѳд сїумѳд киль, и то ыпнитас.

Пекла нинѳм эз вочавидз, веськѳдчис, разис тїок юр чышьянсѳ, топыдджыка гартовтїс кыз кѳсасѳ баялѳбѳжас и пырис конюшняѳ. Ойнус ѳдзѳс дорсьыс сывйыштїс мѳздор турун, вѳтчис сы бѳрысь. Конюшняын ѳвтїс вѳв ньылѳм дукѳн, чѳскыд турунѳн. Помланьыс сулалїс паськыд рушка кѳбыла, кадъыс-кадѳ сїѳѳ ружтыштлїс, тыдалѳ, регыд чаняяс. Ойнус чѳвтїс турунсѳ лясниас медся пемыдїнас. Матыстчис Пекла дїнѳ, кодї сулалїс стрѳйба пыкѳд дорын, заводитїс шыльѳдны да окавны. Мѳдыс эз жѳ вѳв акань кодъ: вочавидзис нывбаба мелїлунѳн да пѳсьлунѳн. Кыкнанныс ѳзйисны сїдз, мый, суас кѳ, шуам, ѳні Кондрат ѳльѳксан, окасьѳмсьыс эськѳ эз дугдыны. Тѳпѳдчѳмѳн и нѳрисны дука турун вылѳ, кодї лоис налы гѳн перинаысь небыдджик да шоныдджык. Ывлаын, конюшнядорса пуяс вылын, сильгисны-сьылісны лѳбачьяс.

Сьёкыда ружтыштліс тыра кёбыла, быттьо ас ногы шуаліс: мый пö вöчанныд сэн, трасичаяс; утта пö Кондрат Ольöksаныдлы. Лясніö гоз-йöдчöмьяс немтор эз кывны. Уна чöжсьöма мужик выныс Ойнуслөн ба-батöг дыр олöмысла.

— Шойчышт, лолöй сувтас,— тыра кёбыла кылö Пеклалысь шöп-кöдöмсö, пельяссö чoшкöдöмөн виччысьö, мый вочавидзас мöдыс — кык кока Миномётыс. Шы ни ру, немтор эз вочавидз. Тыра кёбылалы тöдса тайö делöсы: аслас кавалерыс, Миномётыс, сійöс некор на жö эз кездзöвтлы.

— Кор сэсса аддзысьлам?— юалис Ойнус сөнъясыс личалöм бöрын.

Пекла эз на вöв ас садяс, сійö куйліс ляснын быттьо потанын. Некор на эз вöвлы ськöд татшöмторйыс: сэтшöма тiпкис-йöктіс сьölöмыс. Правда, кывліс мукöд бабаясянь: мужик улын пö веськыда райö вола. Эз эскивлы тайö шуöмыслы Пекла. А öнi аскöдыс лоліс татшöмторйыс. Ни шонъян усьöм мужикыс, ни Кондрат Ольöksан, тыдалö, абу мелiавлöмайс татшöм пöсясö да ярасö. И со, комын квайт арöса нывбаба медводдзаясь кыліс вир-яйнас, кутшöм сибьдөн, меліөн вермö лоны мужичöй.

— Эг кыв, мый юалин?— чирны удитöма Пеклалөн гөлöсыс.

— Кор, мяся, сэсса аддзысьлам?

— Яндзим мен, Ойнус. Тэ водзын яндзим, кöть и ни öти ог каитчы. Вай лолышта, сэсса вöлисти сёрнитам.

— Ме пышйöда тэнö... Муса тэ мен...

— Кага кö вöчан, ме тэнö кувтöдз ог вунöд, кувтöдз радейтны кута тэнö, кувтöдз кута юрбитны тэнад шуд вöсна.

— Тэтöг ме нэм чöж лоа шудтöм, кöть мыйта эн юрбит.

— Вот мездман, мунан гортад и вунöдан менö.

— Ме тэнö, Фёкла, некор ог вунöд. Ме тэнö сьöрысь нуа...

— Кузь менам бöжöй, тальтчас Ольöksаныд, некытчö оз лэдз. Эн менö жалит, Ойнус. Сайд юрнас вед шань Ольöksаныд.

— Мыйся йöз тi, бабаяс...

— Войнас волан, татчö жö?

— Вола.

— Эстi вöрса трöпаöдыс лок, мед некод эз аддзав.

— А ме сiдз вöча, мед унджыкөн аддзыласны, мед став посёлöкыс кутіс тöдны.

— Радейтан кö, локтан гусьөн.

— Радейта.

Некымынысь на пöсявліс Ойнус да Пекла улын чöскыда öвтысь туруныс.

## 8

«Молодую вдову обнимал, целовал...»— ывлаөдз кыліс Утёсовлөн гөлöсыс. Помаяс тайö пластинкаыс и Иван Наста пуктас мöдöс, Утёсовлөн жö гөлöсөн: «Любовь нечаянно нагрянет, когда ее совсем не ждешь...» Эштöма талун кежлö Насталөн уджыс: ыджыд пу тшанын лойöма, пуктöма ловзьöдны няньшом, войбыдөн уна синъясөн кыпöд-час-ловзяс, асывнас тэчас формаясö и позьö сюявны пач под вылö. Сюрö мудзыс пекарыдлы, öд ковмö кыскавны сылы вылад сьöкыд пызь мешöкьяс, пöсь петтöдзыд лойны кияснад, пу зырийөн сюявны да перьявны тыра формаясö; ломтыны кызд чуркаясөн ыджыд пач, мед сійö бур öда лоис. Öтарö нок, и пыр кок йылад, кöть и кыкөн уджалöны.

Оз удит джынвийö личавны, Наста бара нин элöдö патефон пружинасö. Виктор казяліс, мый мамыс тайö кык пластинкасö и кывзö медсясö: том дöваöс кутлöм-окалöм йылысь, виччысьтöг муслун воём йылысь. Наста кывзö сыланкывьясö и кажитчö, быттьокö Утёсовыс кылö нывбабалысь сьölöм пессьöмсö. Пессяс, дерт: абу на и комын көкьямыс арöс, а дас öти во нин дöваалö да. Мыйся олöм тайö — öтарö шог-печаль. Мыйысь нö тадзисö енмыс ёрö? Оз-ö часовнястö да вичкыастö кисьтöмысь, енув пельöсад Христос да Микöла-угодник öбразяс

пыдди Сталинлысь да Молотовлысь портретясы лепитомысь? Наста эськө и век енмөн оліс, да и ен праздникястө пыдди пуктыліс. Гашкө, Енмыс на и отсаліс куим челядтө дзоньвидзаён быдтыны. Код сэсыя, миян государствоыд морттө бөръя вемөдзис нёнялө да.

Война кадө лои пыкны став тужа-нужасө, сёйны качсө и турунсө, помасис война — и бара кынөмпөт перъян төжд. Чужан грездсыд лои пышыны, вузвотөн помөдз пөдтісны сиктса олысьтө. Локтас районысь чучик гач сітана морт, векджык мужичөй волевліс Джеджимө, лыд-дяс став чипантө и петуктө, ыжтө и көзатө, сэсыя и шняпкас налогтө скөт юр лыд серти. Нинөм дзедбны он вермы, петалас сараяд, гидөдзыд пыралас страминаыд, гөгөр шычкиртас — гижалас бумагаө и кырымасыны тшөктас. Он тай, небось, соссы. Тюрьмаён на весиг повзёдчө. Мөстө видзөмысь уналы лои лэдзчысьны. Йөв да яй поставкатө сы мында колө мынтыны, мый челядыдлы өдва вичмыштө. Мужика семьясыд, дерт, кокниджыка олісны, черитө, зверь-пөткатө верөсыясныс ёна кыйисны.

— Гажыд бырас да кайлан Джеджимад да-й, — шуө Викторлы мамыс.

— Тэ дінын абу гажтөм мен. Выль ёртъясөс нин тани лөсьөді и. Викторлы дышөдіс кывзыны Утёсовлысь гөлөссө. Водіс крөватяк да өттор-мөдтор кутіс юасыны мамыслысь.

— Тэнад дзөлядырйи нө кутшөм вөлі олөмыс, мам?

— Коді эз повлы уджсыд, сійө и озыра овліс, дитя. Некутшөм кулакъяс эз вөвны, көть и уналысь жө мырддисны эмбурсө.

— Мыйла эськө став гырысь керкасө кулак керкаён шуөны?

— Педөр чожыд өмөй кулакөн вөвлі, сыён стрөитөм школаын Джеджимса став челядыс велөдчөны да? Эз, дитя. Кывзан кө, ставсө сьөрсьөн-бөрсьөн висьтала. Тэ ыджыд нин, быдтор гөгөрвоан.

— Кывза, мам.

Наста дугөдіс патефонсө, но вевтнас эз тупкы.

— Шуи тай: мися, коді зіля олөма — сылөн быдтор и вөлөма, а коді дыш вөлөма — сійө и корлөма. А менам мам рөд и бать рөд зэв бурөсь вөлөмась. Мамөлыс батысө шулөмась Трепил Иванөн. Сылөн нылыс, Огашыс, и чужтөма менө дас коймөд воын. Керкаыс сулалөма дзик мир туй бокас. Ветлысь-мунысыдлы, туй йөзыдлы, ырөштө вөлөм пуө тшанөн. Ставнысө вөлөм юкталө и некодлысь деньга абу босьтлөма. Ыджыд мамөс шулөмась Лева Маринөн. Мича гөлөса вөвлөма, уна старинной сыланкыв төдлөма. Ссылөмсө кывзыны волевлөмась весиг мүкөд сиктъясысь.

— Тэнад батылөн нимыс тожө Иван вөлөма?

— Миян көленаын уна вөвлөма Иваныс. Менсым батысө Шупчик Иванөн шулісны. Сы ним кузя и вокыдлы Ваньө нимсө сетім. Ыджыд батытө тэ эн нин төдлы, ыджыд мамтө, көнкө, помнитан.

— Помнита.

— Менам ичөтдырйи вөлі кык вөв видзам: Тшайко да Воронко. Кыкнанныс зэв гажайс да мичайс. Телегаыд нель гөгыляыс и өднө-колкаыс некымын, картаад мөскыд көкъямыс, кык өш, ыжыд кызь душ. Вуруныд мыйта колө, сёян-юаныд пызан пөвтө чегө. Со кызди мамыс быдмылі. Выль властыд тай кисьтіс-жугөдіс став олөмсө. Паськыдөсь, шыльыдөсь му-видзьясыд Джеджимад, вөр-ваыд орччөн, — ставыс, майбыр, вөлі тырмымөн быд семьялы. Мыйкө морла тай өтувтисны колхозад. Кыз ме помнита, колхозыд эз и сувтлы кок йылас. Деревнясө сөмын кисьтісны, код кытчө вермис — йөзыд пышъялісны. Ставсө эндөдісны. Кужлі мөй думыштны коркө, мый татшөм гөль олөмөдз воам.

— Ми Педөр чожөён стрөитөм школаын и велөдчим. Оні на сэни велөдөны.

— Сэні, дитя. Педөр вок аслас киён ставсө вөчис, государстволөн отсөгтөг. Школасө стрөитігөн мен дас өти арөс вөлі, быдтор бура помнита. Сыөдз деревняад школаыд крестьянскөй керкаын вөлі. Вөрсө пурйөн вайисны Лебежнөй дорса медмича ягсыс, Важ-Эжва берегө тшу-

писны. Тшайкоон ме керьяссö кыскалi тшöтш. Педöр вок пуксьöдас вöв вылас, кутчысь пö поводас, веськöдлы, эн пö усь сöмын. Подув кер-йыс мед эз сiсьмы, ниа сюрьяяс вылö лэптiсны керкасö. Ыджыд и кер-ка кыпöдис Педöр чожд: кык судта, дас кык пельöса. Вылiс судтаас школатö восьтiс, улiас магазин. Ачыс жö и вузасыны сэн кутiс, став грузсö райсоюзыс вöли сетöны, роч кöлачтö и. Грузысла Тшайкоос век додьявлiс, менö сьöрсыйс тшöтш босьтлiс, Кулöмдiнöдз лэччöдлiс. Ми куим чоя-вока вöлим, тiян моз жö; Öльöксан чожд медыджыд, а ме медiчöтыс. Педöрлөн эз вöв челядыс, а Öльöксан воклөн кык — Маркс, да-й Софья. Бура быдми мамыс, сöмын ог тöд, кызди пöрысьма-а.

— Ассыд пöль-пöчтö помнитан жö?

— Пöльöс шулiсны Микайлö Веденьевичөн, а прöзвищенас Купчик Микайлöөн. Бöрынджык нин Купчиксыс артмöма Шупчикыс. Джед-жим ю вылад сьлөн аслас мельнича уджалiс. Рьтьяснас аслас жö магазинын вузасьлöма шкальчикөн. Ачыс эз юлы ни эз куритчыв. Се-рам петкöдлöм могысь тöзь турунлысь гум кодзьö вöли корсюрö кури-тö.— Наста ышловзис, тiльыштiс кисьмöм льöм кодзь сьöд синьяссö (колö шуны, Викторлы мамыс козьналöма ассыс син рöмсö), висьта-лiс водзö:— Пöльö шулывлiс: коркö пö лоас еврейскöй закон и му вьвтi пö кутас ветлыны юртöм вöв. А ме кывза сiйöс, нинöм ог гөгөрво. Кыдз, мися, юртöм вöлыс кутас ветлыны? Ми пö кулам нин, а тi пö тöдны кутанныд сылысь котралöмсö. Омöль олöм пö ваяс сiйö юртöм вöлыс. Пöльыд менам зэв сюсь вöвлi, библиятö ёна лыддьылiс, молит-венникьястö да. Миянын кулiс, Шупчик Иван пи дорас. Пöчöй öкмыс-дас куим арöсöдз олiс.

Висьтала-висьтала, а кольö оз мыйкö юрад?

— Кольö, мам. Бур менам паметьöй. Тэ висьталан, а ме быттьö интереснöй книга лыддя.

— Сиднад, водзö на висьтала.

— Висьтав, мам. Батьö саяд кызди верöс саяд петiн?

— Ыджыд козинөн ме мунлi батьыд сайö, дас кöкьямыс арöсөн. Моданы сэк вöли козьнасьöмыд. Ме, кызди невеста, Елим Павел Вась-ка Егорлы жöник дөрём да жöник гач вури, ачым асланым вурсян ма-шинкаөн. Гачсö сьöд роч нойысь, дөрёмсö алöй сатинысь. Сэтшöм öбывайыс вöли. Джеджимсыд вичкотö сотiс кодкö, и венчайтчыны До-нö ковмис лэччыны. Сизим вöла-доддьөн мунiм. Менö вевттисны каше-мир шöвк шалльөн. Став вöлыслөн мегирын тильгуньяс. Менö жöник-көд пуксьöдiсны торья корадоддьö, воддза пуклöс вылас асланым ям-щик — Емель Öльö, Еле вежаньлөн пиыс. Воим Донад и вичко тыр йöз чукөрмис. Сэки Комиад высланнöйястö нин кутiсны вайны. Буретш Немдiлань вöлөм катöдöны этапөн дас öти попöс. Найö вöйысьбөмась и лэдзöмась вичкоад юрбитны да шонтысьны. Ёна и юрбитiсны, коньöрьяс. А миянöс венчайтiс Донса поп: кыкнаннымлы зарни венеч пуктiс, чуняным зарни чунькытшьяс пысалiс. Сэни жö дружкаяс сула-лiсны, ставныс пельпом вомöныс кузьчышьянаöсь, ыджыд дружка пыд-дыс Педöр чожд вöли. Ёна и пируйтiсны: первой Донын, сэсся и Джеджимад... Ставыс тайö, Витюк, коркö вöт кодзь мен ловö...

Да, вунöдi öтитор,— гребёнканас сыныштiс кузь сьöд юрсисö На-ста.— Верöс сайö петiгөн юрсийö тшöтшöдöма вöли, Öльöксан вокöй тшöтшöдлiс. Донад Паладь чожиньö мен век жö кызкö-мыйкö бабаюр кывис. Но гортö бöрсö кайигөн веськалiм шыбельö и пöрис додьяным. Менам бөр киссис бабаюрыд, сэсся эг и вöчлы некер. Ог тöд мыйла, но венчайтчöм бöрын зэв öдйö быдмис менам кузь юрси.

— Мам, мыйла нö попьяссö этапнас нуисны?

— Эз вед сöмын попьясöс вайны, быд пöлöс йöзсö вайисны. Чу-жан мусыйс вöтлöмась коньöрьясöс, татчö сьöд вөр шöрö йөршитiсны. Джеджим Базаад дзик пемыд вөр, медся ошка местаыс, комын öтиöd воын нин сэтчö иналiсны зэв ыджыд партия. Унджыкыс сгинитiс тшыг-йысла да кымöмысла. Деревняса том йöзыд эськö и нуасны вöли кар-тупельтö, но стрелокьясыс вöлөм мырддьöны. Йöзсö кöть и вольнонаём-нöйясөн шулiсны, зонасыс петны эз лэдзлыны. Базаöдыс верст вит-ö-

квайт вóлі. Комынод воясяньыд и пуксис лёк оломыс, сэксаьн и кутіс котравны юртóm вóлыд, код йылысь пóльö-й висьтавлывліс.

— Джеджимсьыд некодöс некытчö эз мөдöдлыны?

— Кыдзи нö эз? Коді оліс ыджыджык керкавы, сійöс и кулакалісны колкозад пыртöмысь. Поштаыд и, колкоз правленньöыд и мырдöм керкаясын, көзяинчяссö нулісны жö кытчöкө. Батьтö öд босьтлісны жö Беломорканал стрöитанінö. Онöдз на көнкө документыс эм. Тэ сэк эн на вöв вöльнöй светас.

— Мыйысь нö?

— Растратаысь. Батьыд Михайлö дядьыдкөд кык судта выль керка стрöитісны. Уліс судтаас пуля-порокөн вузасын да пушнина примитан магазин восьтісны, батыд приёмщикалис. Отчыд асьныс мунісны вöравны, а сы костті и сотчис керканым, вой шöрнас, декаб тöлысьын. Нинöм эгö вермөй спаситны, бийыв ставыс кайис. Жытникад онöдз сулалö вурсян машинканым, көрт ёкмыль кодь, сылöма да. Сійö машинканас и вурлі батыдлы жöник дөрöмсö да жöник гачсö. Ме уліс дөрöм кежысь чепöсийи суседчясö моздорын кагаөн, Текуса чойыд нёнпом кага вóлі. Батьыд да дядьыд сотчöм бöрас куим лун мысти на сöмын воисны кыйсянінсьыд. Дядьылөн гөтырыс, Öгашөн жö шулісны, мельничаö ыджыд додь тыр тусь нуис изны, эз жö вöв öйиғас гортын. Дядьыдчяс эз на вöвны колхозын, а менö да батытö мырдөн пыртісны, вóлі мый обобществуйтнытö да. Вот и лоис растратаыд пöжар бöрад. Батьтö эз дыр видзны Беломорканалад, бура уджалöма ли мый ли, регыд лэдзисны...

Сэсся войнаыд заводитчис да-й, батыыд усис да-й... Бара на юртóm вóлыд котöртіс. Тэ, дитя, ни батытö, ни чöжчястö, ни дядьыстö он бура сö помнит. Томөн нылаліс ставнысö найöс ад рушкауа оломыс...

— Война кадсясыс ме помнита унатор нин. Пöчö босьтывліс сьöрсыс менö Участокö.

— Сизим верет сэтчöдз деревнясяньыд, пöчыд уборщицаөн уджавліс сэні. Участокад ставыс вайöм йöз вóліны, ссылнöйясөн тай шулісны-а. Война чöжыс сэні буритчисны, нинöм, тыдалö, эз адззыны. Участокыслы весиг нимсö эз сетлыны.

— Буритчан вышка дорас менö нуліс пöчö, посёлоксяньыс эз ылын вöв. Канторасö пöчö пелькөдліс. Начальникыс век вóлі виж галип гача, кучик пинжака, менö вóлі гөститөдльвлö сукарөн. Чужöмсö весиг помнита мортыслысь.

— Ыдждыд да мича посёлок вóлі, война кусём бöрад регыд и эновтісны, а йöзсö, коньбрясöс, мөдлаö кытчöкө нуисны. Уна жö и крест сэтчö коли бара. Öтиясöс нуисны, мөдчясöс, кутшöмкө ласовецчясöс, вайисны. Ставыс томöсь да мичаöсь, горт муад жö эськө налы овнытö да.— Наста ышловзис. Виктор казяліс, кызди вежсис мамыслөн чужöмыс и гөлöсыс.— Велөдчы, Витюк, бура, сэсся коркө гиж ставсö тайöс, мамыс унатор на висьтала.

— Квайтöд классын велөдчигөн кык стиктворение да рассказ гижлі нин, мөдөдлі «Войыв кодзулө». Зэв кузь воча кыв воис кутшöмкө Павел Доронинсянь: колö пö ёна велөдчыны, уна лыддысьны, сэсся сөветчяс сетöма, мый колö тöдны стикчяс да рассказчяс гижигөн.

— Мый йылысь нö гижлің?— тайö выльторсыс чуймис мамыс.

— Стикчясыс тэ йылысь да Сталин йылысь вóліны. Дорониныс пасйöма письмөас, Сталин йывсьыд пö медпöсь кывчяссö колö кужны шуны, а тэнад пö сідзсö абу артмөма. Велөдчы пö Сталин вождь йывсьыд гижны коми поэт Серафим Потаповлысь, сылысь стикчяссö пö частö печатайтöны «Войыв кодзулын». А мамыд йылысь стикылөн пö абу общественнöй звучаниеыс.

— Ноко, лыдды мамыслы ме йылысь.

— Лыддя öти куплет, кывзы:

Мөдлапöлын шылыыд ластва,  
Сэні быдмө алöй дзоридз.  
Менам мамöй Иван Наста  
Усьöм батый вöсна дзормө.

— Зэв мичаа шуо́мьд да. Чич нырас тэнад Доронилы, сия ачыс нино́м оз го́гөрво. Некодлысь эн кывзысь, ачыд аслад юро́н век ов. Гиж, дитя, гиж. Кодко́ тшукас го́гөрвоысь морт да печатайтас. А мамыс йылысь зэв ло́сьыда гижо́мьд.

— Мам, сэся гуляйтны ветла.— Викторлы нимкодъ лои, стихсо́ мамыс ошкис да.

— Ветлы, Витюк, ветлы. Рытыс со кутшо́м ло́нь да шоныд.

— Мам, а батьо́ по́другато́ видзліс эз?— нем виччысьто́г юалис Виктор.

— Серам петко́длысь,— вом тырнас нюмъевтіс Наста.— Ладно́, висьтала нин. Мекод го́трасьто́дз во́влі өти. Маврато́ вед то́дан. Мавра-ыдко́д кутчысьліс. Тыдало́, кодко́ кажитчо́ма тэн. Пено́ Пеклалон тай мичаник ныв эм — сійо́, гашко́, да?

— Сійо́. Ларисаон шуоны.

— Нывъясто́ эн өбодит некор. Мелион ло нывъяс дінад. Понъясьны эн велодчы, понъясьомьд атто́ мисьто́м.

Керкасянь ылысмигон Виктор кыліс Утёсовлысь го́лөссө: «Молодую вдову обнимал, целовал...» Мамыс кывзіс радейтана сыланкывсо́.

## 9

Виктор вочасон велалис выль ёртъясыс динө. Но кор өтнас, ёна думайтсьо чужан деревня йывсыс. И верстьо, и челядь петасны видзясыс выло, а Виктор шемела песо, нем вөчто́г шлөньяло́ Вадбо́ж посёлок кузя. Вот сёрнитчас мамыскөд и кайлас почыс динө, воча вокъясыскөд аддзысьлас, видз выло на ветлас и.

Кодколун Лариса ызийдіс зонмос ветлыны Керчомьяо, по́льөс видлыны по́ колө. Кытыдпомас по́ и оло. Вадбо́ж везьтти первой мо́дла-по́лас колө вуджны, сэся то берег по́лоныс, то видзясыс вьвти муно́ туйыс. Верст квайт кымын кывтыдпомөдыс. Асывсянысы шонди жарыс сото. Мо́длапо́лас вуджо́дысыс век эм берег дорас. Каян верст мында и вис воо, абу эсько́ паськыд, метра дас вит пасьта, но джуджыд, келөмон он вудж. Позьо́ и кытшовтны, но став йөзыс веськыда ветло́, пур сьмаөс вөчөма да зибйон йоткасьоны. Тайо́ по́рйө пурйыс эз во́в, тыдало́, кодко́ абу домало́ма и Эжваас кыскөма визулыс.

— Мый кутам вөчны, Вить?— падмыштліс Лариса.— Али кытшовтам?

— Тати ме өти кион уя. А тэ?

— Ми тати унаысь жо́ нин уйөмнад вуджавлім.

— Төбөдыд кокныд, колуйнымос сюям сэтчо́ и ме ки выло лэпто́мон вуджо́да. По́рччысь, уй.

Лариса сувтіс Викторлы мышкөн, чөвтіс платтьөсө кок улас. Зонло́н син водзын руалис: сы водзын пасьто́г сулалис ло́сьыдсьыс-ло́сьыд мыго́ра Лариса. Аддзыліс нин қо́ть Виктор пасьто́м нывбабаясто́ и купайтчигон, и посёлокса пывсянысь, но өни дзикөдз воштіс кывворсо́. Кыліс Ларисалон го́лөсыс:

— Тэ тан но́рбвит, кытчо́дз ме ог во вис мо́дарас. Вис шөрыс гоб-льо́га, видзчысьомон вудж.

Виктор чөв оліс.

Берего́ ыло вотөдз на нывлон судзис кокыс, сувтіс зонлань паны-дөн:

— Лок, ме тэныд воча пета.

Мо́дыс дзикөдз жо́ по́рччысис, мыйкөсө сайөдыштөмон сюль-сяль-келіс вао, водіс веськыд бок вылас. Шуйга киас, ва веркөс везьтны, кутіс төбөдсө. Мыйон өтвесьтасисны, Лариса босьтис Виктор кысыс колуйсо́. Берегын зон те́нькйыштис өти кок йылас, тадзи пырко́діс пель-сьыс васө. Ныв перйис төбөдысь платтьөсө, Викторлысь дөро́м-гачсө.

— Мо́дарө видзөд, яндзим мен,— кисө бо́рвыв чургөдіс зон.

— Ог.

— Мыйла?

— Век тэнад «мыйла!» Ог да и ставыс!

— Сідзкō, синтō кунь.

— Куня кōть ог: сёровно ме лоа тэнад, тэ лоан менам. На... Ад-  
дзылі чеччалігад, мый полан...

— Мый аддзылін?

— Мужик пастō...

— Но и мый?

— Вый! Со мый! Ме тэнō радейта... Муса тэ меным... Чайті, водз-  
джык тэ шуан тайō кывьяссō, зоньясыс пō сьмелджыкōсь овлōны.

— Регыд на дружитам да. А тэ меным глянитчан, быдлаті мен  
тэнад глянитчō.

— Ой, быдлаті пō... Быттьōкō быдлаті нин и тōдан... Сэсса, тэ ног  
кō, мед мусмыны, колō дас во дружитны али мый? Сідзсō весиг мойдъ-  
ясын оз овлы. Быд мойдын медводдза аддзысьōмсяныс геройясыс кō-  
зюкасьōны.

— Кōзюкасьōны?— эз гōгōрво кывсō Виктор.— Мый нō сэк вō-  
чōны?

— Миян оз жō шуны тайō кывсō. Тоня шмонитльвлō, Андрюшасō  
кōзюкōн шульвлō. Кōзюкыс пō мōд ног лōō мусук, Дереваннōйын да  
Помōсдинын пō сідзсō шуōны.

Пасьтасисны, челядь моз кутчысисны ки на ки и триньксōдїсны  
сиктлань. Туй джынсō мунōм бōрын Лариса юалис:

— Вить, тэн Тоня пōдругаōй кажитчō оз?

— Кажитчō.

— А Роза?

— Тожō кажитчō.

— А ме?— кисō дёрнитіс Лариса зонлōн кивсь. Тыдалō, ныв сьō-  
лōмын ьпнитіс вежōглун — сы олōмын медводдзаысь на, нылōс дой-  
дана да гōгōрвотōм. Лариса сувтїс Викторлы воча — пōльтчыштōм вом  
дорьясыс быттьōкō и вōрыштїсны, но нинōм эз шуны; синьясыс весь-  
кыда видзōдїсны зонлōн синьясō... Викторлōн аслас ёвкмуні сьōлōмыс:

— Ларис, тэнō радейтōм йылысь ме висьталі мамōлы.

Ныв нинōм эз вочавидз, бара кутчысис Викторлōн киō и эз нин  
торйōдлыны кияссō сиктō вотōдз.

Бōрсō локтїсны рытнас, шондї на вōлі. Онїя пōрйō сōмын виссō  
ордйōдїсны-кытшовтїсны. Туй чōжыс ныла-зонмаōс отарō-й мōдарō  
кольōдїсны берегпōлōнса бадьяс, пашкыр кызьяс, лежнōг кустьяс  
да льōм пуяс — коми пармалōн веж ныв-пиыс.

Тōрыт да вōйдōрлун Ондрей другыскōд Виктор кайліс Эжва ка-  
тыдлань вуграсьны. Кык шатинōн ветліс, чери велōг весиг босьтліс,  
марляō нянь кōрыш. Воддза лунсō жыганыс самсō ёна тшыккліс, кило  
кымын кельчи да ёкыш шедїс, а тōрыт ьджыдджык сама вугырас и  
ёдї на пысасис. Уна вожа тшапōдыс посни и шольыд черинас тыр вōлі.  
Аслас чужан лун кежлō вомкōр вежантор лоис. Некод оз тōд, мый та-  
лун, июнь 29 лунō, Викторлōн чужан луныс. Гашкō, мамыс и тōдō, но  
важнō нин вунōдїс. Неко́р на эз пасйивны сылысь ангел лунсō, нинōм  
на неко́р эз козынавлыны ни. Вот быдмас, кутас ачыс најōбитны, и  
сэки мōд делō: став матыса ёртьяссō чукōртлōмōн кутас пасйїны.


«Кык тōлысь мысти бара нин школаō мунны колō. Донō, Кулōмдї-  
нō али Керчомьяō? Донас о́д зэв шаньōсь велōдысьясыс. Семен Ива-  
нович, Василий Иванович, Надежда Андреевна... Галина Павловнаыс  
о́д абу жō скōр, кōть и «портянкисьыд» двойка пуктїс. Эг тōд да и пук-  
тїс. Донас кō быттьō муна, Ларисакōд шоча кута аддзысьлыны, Глебыд  
сэки бōр мырдьяс сйїс менсьым. Сйїн и, тыдалō, частō юасьлō Гле-  
быс, кōні пō кōкьямысōд классад кутан велōдчыны. А Ларисакōд кō  
Кулōмдїнō мунам? Оз о́д мун, Керчомьяас со батыслōн батыс, век  
нин корсюрōтō видлыны ветльвлō. Пōчыс кувсьылōма, мōдысь гōтрась-  
лōма пōлыс. Колхозын на мырсьō-уджалō, квайтымын сайō арōса  
нин-а. Прōст стрōкаас чери кыйō, ботанōн медсясō. Меным со китыр  
вугыр — ьджыд крукасō и гут вугыр — сетїс. Позьō весиг некымын ву-  
гыра подольник вōчны. Чериōн миянōс вердїс. Вōвлōм моньяслы, Ла-

## А. В. Мошевлөн гравюра с

Тавося сентябрын тырö 110 во учёной Андрей Журавскийлөн чужан лунсянь. Сылөн олмыс вöли топыда йитчöма Усть-Цильмакöд. Сэтчöс Печорской научной станцияса вöвлöм директор Лев Смоленцев гижлис «Печорские дали» да «Родные гнездовья» романьяс, кöни висьтавис буретш Андрей Журавский йылысь. Тайö гижöдьясыс пырöны выль книгаб, кодöс юбилей кежлö дасьтöны йöздöны «Полярная звезда» издательство да «Иркаб» кооператив. Книгаö мичмöдö художник Аркадий Мошев. Сетам сылысь некымын гравюра.



▲ Том Андрей Журавский шензьö войвывса му-  
лөн мичлун вылö.




▲ Сотчисны святой книгаяс, сотисны асьнысö йöз,  
но эз сетчыны.

Адак-Тальбей хребет дорын. Сійбс восьтіс А. Жу-  
равский. ▶




◀ Печораса муяс озырбсь мупытшса быд пблбс  
дивбнас.



◀ «Ме — Печоралён пи. И нинём мянбс оз тор-йбд». А. Журавский.



Төвбыд татчө кыссисны вёла-доддяяс, вайисны ▶  
сёян-юан.



◀ «Со югиди́нõ бшиньыс» — нимкодя шуис Андрейлõн тестыс, кор тувьяли́с ббрья кõрт тувсõ.



Журавский шуис, мый сийõ оз пов войвывлõн аския лун вõсна. Но сõмын полис важсõ вош-тõмысь. ▶

рисалон мамлы, сола черитор пуктис и...» Пукалө керкадорса лабичын и думайтө Виктор, бытгө ачыс аскөдыс сёрнитыштө.

Пөжө ывлаыс. Ю дорын посни челядь кылө сюльзьоны, гөлөсныс посёлок пасытаыс разалө. «Медся кузь да медся шондіа лунас тэ, Витюк, чужин. Сідзкө, кузь нэма лоан...»— помнитө тайө кывъяссө мамыслыс Виктор, дзюладырсяныс помнитө. Мамыс, көнкө, вунөдіс жө нин шүөмсө. Мед, вунөдіс кө. Мамыс и сідз тойтмытөдзыс уджалө, лунтыр покойсө оз аддзыв. Аттө пиө, сэтшөм на дыр Викторлы ас нажөткаөдыс. Отсаліс эськө мамыслы, мича көм-пась эськө сылы ньобис, тшай-сакар йылыс эськө и сёрни эз вөв. А вербө сайө кө петас, нелямын на өд абу? Но и мед, Виктор оз ло мамыслы паныд. Быдөн өд өтчыл олө вольной светас, нинөм сэн абу дивитанаыс.

Виктор некымыныс довгыліс вөр ді дорөдз, гашкө, Ларисаөс кыскө казялас. Но гортас, тыдалө, мыйкө вөчө. Гашкө и, конюшняас дядыслы да мамыслы отасьө, вөвъяссө щөткаөн сыналө. Сэтчө кө муніс, мыйла эськө эз чукөст? Тшөтш эськө шыльөдіс чибөяссө. Талун шойччан лун и став вөлыс, көнкө, йөрас шодлө.

Ларисакөд пыдди Виктор паныдасис Ондрейкөд.

— Нывьяс дінө ветлі. Найө веськуда ю дорө лэччисны, а ме тэнө нуөдны локта,— висьтасис другыс.— Гожйөдчыны шуим.

Ва дорас йөзыс чукөръясөн поздысьөмаөсь, быдөн аскөддьөмыскөд. Медічөтъяс лыа пын пуртिकासьоны, кикольыс ворсьоны; наыс ыджыдджыкъяс бипур пестөмаөсь, шактар-лөпсө сотоны; куйм чоя-вока некөн на эз тыдавы; Лариса да Тоня берегын нин вөліны. Накөд орччөмоз верстөджыкъяс — найө, кодъясө Виктор первойыс аддзис пывсянын. И нывбабаяс, и мужичөйяс кульсисны кушөдз, котөрөн пырисны ваө. Виктор на вылө видзөдіс өні эз нин тешкодъпырыс. Синъяснас корсис Нюраөс, ыджыдджык вокыслыс аньпусө, но некыс эз казав.

Гашкө, өта-мөдөс пасьтөг аддзөмас нинөм дивитанаыс и абу? Тайө пасьтөм нывбабаясыс да мужичөйясыс сьөлөмсяныс радейтисны өта-мөдсө, некор эз вөвлыны кырсаысысөсөн, бөрынджык гөтрасялісны и лоисны бур семьясөн. Налы томсяныс ковмис мыркны сьөкыд удж. И медым шудтөм, гөль олөмыс помөдз эз нюкырт сьөлөмнысө, кужлісны пөся радейтны да гажөдчыны. Радейтөмыс налөн вөлі дзик өти лача, медым «коммунизм стрөйтисьяслөн обществөын» кольны Мортөн, а не лоны кывтөм пемөсьясөн.

Регыд Викторъяс дінө воисны Глеб, Павлик да Роза. Көтөдчисны, сэсся пуркнитчисны лыа пиө. Глеб нюжгөдчис куйлысыяслөн кытшө.

— Сувтөдөй син водзад: ми, бытгөкө, ставөн помалім шөр школа, кийн зрелостьлөн аттестатъяс,— босьтчис фантазируютны Глеб.— Висталөй: коді көн көсйө велөдчыны водзө? Павлик, ме думыс, көсйө пырны военнөйө.

— Ог! Ме көсья лоны сыщикөн!

— Ме муна велөдчыны сэтчө, кытчө и Витя,— вочавидзис Лариса, и ыджыд руд синъяснас кыйис Викторлыс видзөдлассө.

— А ме сэтчө, кытчө и Лариса,— эз падмы воча кывнас Виктор.

— Кыкнанныдлы пукта два! Пөра нин төдны, мыйөн көсьянынды лоны.

— Ме муна театральнөйө, кута ворсны спектакъясын, сывны да йөктыны,— висьтасис Роза,— гажөдны тьянөс.

— Но, а кутшөмөсь планъясыс Антониналөн?

— Андрюша бөрыс ме вөтча.

— А мый думайтө Андрюша?

— Кыдзи шуас Тоня, сідзи и ме.

— Два, кыкнанныдлы!— и Глеб ыджыда гижтис лыдпассө лыа вылө.— Ачым мыйөн көсья лоны? Папө моз офицерөн. Война вылас сйө вөлөма майорөн. А ме лоа,— аслас пельпомө тапнитис Глеб,— зарни погонъяса генералөн!

— Дрист! Акпаш морт тэ кутшөмкө,— эльтыштис воксө Павлик и өдөбтөмөн суніс ваө.

Неылөдз орччөн варчылысны и Виктор да Лариса. Юр весьтын шондыс оз и саявлы, ымралө ывлаис, өтарө пөжө — кыскө зэр чуксалө. Асыввылын энкөлаис рудодыштіс, сэсянь и кыпөдчас, тыдалө, сьөд кымөрыс. Шыльыд Эжва веркөсыс посни гысөн серөктіс, сідзкө, төвру котөртіс сэт. Колыштө зэрыс и град выв пуктаслы, и видз выв турунлы, и ягъясын гөрддзасысь вотөслы.

— Андре-е-й! — кыліс кыр йывсянь горөдөм. — Мамыд корө! Мед пө пыр локтас!

Өндрей трусиксө пыздирттөг кватитіс гачсө да майкасө, кузиник, вөсни кохьяснас гөнечөн муніс гортланьыс. Ме пө бөр на локта, — шуис өртъясыслы.

Вөлі лун шөр. Поселокса улича вылын пыр частөджык паныдасылісны гажа юраяс. Кодсюрө абу нин воөма магазинсянь гортөдзис, тінбыльтчөма туйбокса конөд пуяс дөрө. Ассыс верөссө сойбордйөдыс кутөмөн гортланьыс кыскө Пенө Пекла. Кондрат Ольөксан ырьян уж моз пыксө, барьелалө коксө, корсюрө вөв моз гөрөктылө — конюкалігад босьтөма вөвъясыслысь пөвадоксө; ырыштчылө вартны гөтырыслы, но выныс оз тырмы, лигышмунөмадьс киясыс.

— Матын нин, Олюк, матын. Эн ямзы, бур йөзыс кыласны, — өтарө лөньөдө верөссө Пенө Пекла.

— Меным аслам кага колө! Аслам, мися, е. т. м.! — мисьтөма матькыштлө Ольөксан.

— Лоө, Олюк, лоө. Сөмын эн чушкылясь. Ен отсөгөн чужта ме тэныд багатырөс, Ольөксанөн жө и шум.

— Пеклук, збыль али мый? — нузөдө Ольөксан, дульсөм синъяссө куньтыралігтыр.

— Збыль, Олюк, збыль.

И Ольөксан бара гөрөктылө, өні нин нимкодысла. Өдва воськовтіс порөгсө, вомөн ног и пөрис крөватяс, вөлисти тшөкланьтіс. Пекла пөрччөдіс көмсө, личөдіс дөрөм көлыссө, мед көть оз джагав, лөсьыда водтөдіс вольпасяс. Сэся сувтіс стенин өшалысь зеркалө водзө, аддзис лөзөдөм сингорувьяссө, пыктөм син куд вывсө, и тюрөбтіс синваис. «Енмөй, сьөкті жө өд...» — пернапасасис Пекла и зеркалөын аскөдыс орччөн син водзас сувтөдіс Ойнусөс.

Буретш тайө жө здукас, кор Кондрат Ольөксан чөскыда шкоргис вольпасяс, гортас посводз дждожас кулөма нисьө ловья нюжвидзис Лева Митрей — тошөс вывлань чургөдөма, синъяссө куньөма.

— Олөм пас оз сет, шоньд на зськө да, — морөсас кутчысьөмөн ойзіс Өндрейлөн мамыс — Игө Марья. — Мун, пиө, өні жө корсь пельшерөс. Спаситны колө батьтө.

Фельдшерөс дыр корсьны Өндрейлы эз ков, медпункт помас и олө сійө. Ачыс лоддя кодь кыз, но шурөб нывбаба. Ошкөны поселоксаяс, киподтуя медичка пө, и зэв шань пө. Босьтіс воыса аптечкасө и гөнечөн Лева Митрейясө.

— Токлө тай! Токлө тай! Мый и лонс, вом тыр вина весиг эз ю-а... — инас эз өшйы Игө Марья.

Фельдшер пидзөсчаняис, Лева Митрейлысь өтилаті мулыш-малышкерис, мөдлаті; кывзіс пульссө, сьөлөмсө, шуис:

— Мыйыськө өна майшасьөма, сьөлөмыс чеччө...

— Оз паралезуйт?

— Оз. Мед куйлыштас тані ыркыдінас.

— Ветымын куим арөсөн на кага вөчис да мыйысь талы майшасьнысө. Аслым нелямын сизимөд ар, а кагаөс чужтөмсянь во на абу, — лыдьөдліс Игө Марья. Сэк кості восьса өдзөсөд посводзө намөдчигтыр сітан көкөн кыссис кагаис, пуксис батыс бөкө и кутіс пегравны тошөс.

— Вешйөй ме дорысь... Энө педзөй, ен могысь, син водзын, — сөдзөдіс сэк пуктөм қөрт пиньяс пырыс Лева Митрей. — Ок, ок, ок, мый ме вөчи... Мый ме вөчи... Қөть пекляө пыр...

Өндрей да фельдшер вөліны нин пос помын, кор бөръя кывъяссө шуаліс Лева Митрей.

— Висьтав, бласлё Кростос, кутшом сэтшом шог нё тальяліс. Ме друг ог видз, нылыд лосьодчө верос сайо, нимкодясьны тэн колө,— босьтчис лөньодны гөтырыс.

— Гижиткежланьс, мяся, мича платтьо мед ньобас, деньгатор көсйн сетны, да ставсө крысаяс сөймась, сумканас сөймась. Аттө да-й дивө...

— Көн нө эськө вөлі сумкайд? Кутшом сумка?

— Кучик сумка! Душу мать! Эн ошав лов вылын! Кильчө пос улө гуавлі... вит тысьоча.

— Нетужиловыд и эм тэ,— вежсис гөлөсыс Игө Марьялөн, вот-вот мужиксө либө нырас-талялас, либө ырөстөмөн бөрддзас. Петіс да гур-йысис пос улас, но сумка волысыс да көрт торъяс сөмын сюрины. Став деньгасө крысайд пызьөдз крөшитөма.

Кор Ондрей бөр вонс берегө, сэні ёртъясыс эз нин вөвны, өтносөн руньяліс Павлик.

— Разөдчалісны,— өвтыштис кинас сійө.— Мыйла чукөстлісны?

— Да, сідз.

Викторөс Лариса нуөдіс думсьыс көза йөв юны. Но керка дорас вотөдз на казяліс, мый гортас абу ставыс лючки. Со, ылын, мамыслөн мышкыс тыдалө, волөма мыйлакө и бөр нин конюшнялань ордымөд вөсьлалө. Эм некымын тыра көбыла, вот-вот чанясясны. Со и дежури-тө Пенө Пекла на дінын. Комилес вөвъясыд донаөсь, мыйкө кө нелючки лоө, юрад он судзсьы.

— Пырам, эн пов,— корис Лариса.

Ортсыладор жырйын, коді вөлі и кухня ныдди, шкоргөмөн узис дядыс.

— Бара юсьөма, бара, көнкө, кокниасис. Воськовт пыді жыръяс. Ме нуръясян вая.

— Дядьыд оз кедзовт?

— Менөтө оз. Төдіс өд, мый эм ме мамөлөн.

— Миян мамө кодөскө лосьөдөма жө. Ачыс оз висьтав, но төда. Ондрей вомсянь кывлі, да и ачым казялі.

Чеччөга пызан дөраа пызан сайын ныла-зонма юисны выльлөв. Сэсся петісны ывлаө. Кытчө он видзөдлы — гөгөр мичасьыс-мича, ловъя мусер. Ларисаяслөн гид дорсянь и заводитчө гулыд, гойта вөр. Öвтыштө сир дукөн, лунтыръя жарыс сывдөма сирсө, молльөн визувтө коз пу гум кузя. Тэрыба мырксьоны кодзувкотъяс, видзөдлан сюсь-джыка и казялан — унджыкыс котөртөны кодзувкоткарлань. Тадзи овлө зэрөм водзвылын.

— Тасянь неылын кос ялаа яг. Еджыд гоб сэсь вотлывла. Ветлам сылань.

— Миян деревняын тшак-вотөсыд матын жө, кывтыдпомсянь верет кык сайын. Вөзйысь мамыдлысь, кайлам өтлаын менсьым пөчөс видлыны. Не кө тэ, ме эськө Джеджимын нин вөлі. Гажа мен тэкөд, да и чужан лун менам талун.

Лариса бергөдчис зонлань чужөмөн, чупнитіс бан боксө:

— Поздравляйта!

Аттө кыв пыдди Виктор видзөдліс сьөд кымөрөн нөйкмөм енэжлань:

— Зэрмас, бергөдчам.

Петіс төв ныр, өтилаын чардыштис, мөдлаын гымыштіс, и сявкнитіс гырысь, шоньыд зэр. Пуяс костөд водзынджык котөртис Лариса. Көть и пырисны вөрас эз ылөдз, кыкнанныс көтасисны бөръя сунисөдз. Палича поскөд кайисны гид йирк вылө. Сійө өдзөса и өшина. Бокъясас кос корөсь, шөрас вон. Öдзөсас пытшкөсладорсянныс бовьяліс ыджыд калич.

— Тані ми Тонякөд узьывлам. Öні ковмас пөрччысьны, косътысьны. Со гезйыс, өшлы көлуйтө и пыр вонъяс. Виччысям тані көбөмсө. Ныла-зонма пырисны шебрас улө.

— Ме первойысь куйла вот тадзисө... нывкөд...

- Ме зонмыдкөд первойысь жö. Окасьныд кужан?
- Ог.
- Ме ог жö. Некор на эн окасьлы?
- Окасьлі. Дзöля дырйи здöвöльысь ворсігөн. Эм сэтшöм окасяна ворсöм.
- Ми ворслім жö. Топöдчышт мелань.
- Морöс бердад нин да.
- Мед. Эн яндысь, мед турвидзö кө...
- Гашкö, гачася?
- Ва трусыкыд. Мед косьмас.
- Гашкö, шебрастöг?
- Пöсялін?
- Жар мен.
- Вештышта мыйкötö, но?
- Но.
- Ой, кутшöм зэлыд... Оз кывзысь.
- Ме öд ыджыд нин. Юр бурлак нин.
- Юр бурлак, а окасьнытö он куж.
- Со, тадз сöмын кужа...
- Вай прамöй ног велöдчам.
- Вай.
- Дзикöдз пыкис гөг улöс... Вештышта.
- Вештышт. Сэтшöм мичаник морöсыд... Сэтi еджыд, сэсся быдлатi ыргөн кодь.
- Гожйисла. Тэнад гөгөр жö ыргөнмöма.
- Шыльöдышта?
- Шыльöд. Кыт көсьян, сэтi-й шыльöд... Ой, сьöлөмöй чеччö. Мыйкö быттö вöрзис пытшкöсам.
- Менам чеччö жö. Кылан?
- Кыла. Чеччö тай. Мый нö кутам вöчны?
- Ог тöд... Менам доймыңы кутiс.
- Мыйла сыметь чорзьöдiн? Гашкö, огö терпитöй, гашкö...
- Ог ме куж. Тэнад доймас и...
- Ме ыджыд нин, терпита. Кагасö нö кызди чужтöны, терпитöны тай. Али киняулöдыс вайöны?.. Сöмын ньöжйöник... Но?
- Но.
- Уф! Ёна доймö, ог вермы... Пöсьö шыбитiс... Вить, эн сэсся. Коль сэтшöмөн, кутшöмөн чужлі. Аслыд жö öд мойвиас. Вить, вай огöй. Тэныд ме кута видзны... Али ёна көсьян? Ёна кө көсьян — босьт, терпита... Радейта ме тэнö... Муса тэ меным...
- Тэ мен муса жö...
- А сьöкта кө? Со нин öд кутшöм ыджыдöсь кыкнанным. Кыкнанным сэк серам туйын лоам. Вод сой вылö, пöсьыд со киссьö. Видзны тэн кута... Аслыд коркö мойвиас... Рытнас носöвик вышивайта, чужан луня козин пыдди тэн.

Вöлі вöскресенньö — меджар да медкузь луньясысь öти. Пашнин да Öдя чукöртiсны гöстьясöс, медым морт ногөн пасйыны öтувтчöмнысö. Свадба сямäс вöчисны. Локтiсны медматыса рöдвужныс да тöдсаясныс, сэсся унасö öти жыръяд он на и кор. Вöр участкас войтыр кө шойччисны, то кылöдчысьяс уджалiсны, абуджык пö тырöма пурьясян кварталса планыс. Öдяс бригадаса ёртьясыс лэдзисны: кызди нö, öд верöс сайö петан лун. Мед, мöдысь кө петö. Век жö шуда луныс Öдялы. Некымын вой нин сiйö Пашнин морöс бердö йöжгыльтчöмөн узис. Ёна, тыдалö, кажитчöмаöсь öта-мöдыслы, йöзöс кө весиг со чукöртiсны.

Гашкӧ и, «горько» на кутасны горзыны, йӧз син вӧдзын ковмас окасыны.

Эжва вылын дӧвьялісны пыжаяс, окотасӧ тешитісны чери кыйысыяс. Ӧти пыжсянь, кузь бона бердӧ домасьӧмӧн, вуграсис Зиновий Никодимович. Эжва озыр на вӧлі черинад, кыснаннад кыйлісны эз сӧмын сир, но и черлядь весиг кутчысыліс.

Школадорса пашкыр пожӧмьяс дорын, вуджӧр саяс, кагасӧ киас довкӧдлліс Земфира. Посӧлоксаяс эз тӧдны, да и эз кужны весиг думыштны, кага вӧчысысӧ. Этша сӧрниа, топыд вома Земфира эз висьтав мамыслы ни. Том мам дінӧ некымынысь волісны Лариса да Тоня. Тӧлысыс кагатӧ сьӧкыд шуны, код рӧдӧ мунӧма, но Ларисалӧн ас тӧдлытӧгыс артмис:

— Ой, Зем, пельыс тай дзик Глеблӧн кодь. Мый нӧ тайӧ?

Земфира ыпмунліс, но ӧдйӧ бӧр лӧнис:

— Кагаясыд ставныс гырысь пеляӧсь.

Кырйывса кузь пызан сайын эз вӧв прӧст места: йӧз ворсісны картӧн, венласисны доминоӧн. Рытӧдзыс унаӧн гажмасны, гашкӧ и, бодйысьӧмӧдз на воласны. Лыа кӧса вылын сулалӧ Саня Румянцева, частӧ видзӧдлывлӧ ю горув: оз-ӧ тыдовтчы мотора пыжыс Пошта Емельлӧн. Гашкӧ, брезент мешӧкас Емель вайӧ Санялы верӧссяныс кутшӧмкӧ юӧртор. Ичӧт посӧлокад став йӧзыс ӧта-мӧдыслӧн син водзын. Кодлӧн кутшӧм радлун, кодлӧн кутшӧм шог — нывбабаыд некод оз видз дзебасын. Вадбӧжсаяс тӧдӧны Санялысь майшасьӧмсӧ, но немторйӧн отсавны оз вермыны. Гашкӧ и, ловъя на, гашкӧ и, лыыс нин сісьмӧ кӧнкӧ Роман Субботинлӧн?

Горт гӧгӧрыс ноксьӧ Кондрат Ӧльӧксан, ӧтитор тувйыштас, мӧдтор лӧсьӧдыштас. Вомгорулас ассьыс радейтана «Три танкистасӧ» нузӧдыштӧ. Пенӧ Пекла стӧчасӧ эз на тӧд, мый вӧчсьӧ сылӧн гырк пытшкӧсын, но кодкӧлун верӧсыслы век жӧ сетіс тӧдны:

— Солатор вылӧ кыскӧ, дука чери кӧ эськӧ ӧнӧ.

— Еремакань, он-ӧ номсась? Чери вылӧ кӧ номсӧдлӧ, пи чужтан. Вӧлӧма на, Пекла, тӧа-меалӧн зараваным...

Та бӧрти быттьӧ вежисны Ӧльӧксанӧс: лун шӧр сайӧ нин, а водка йылысь эз на гарыштлы. Пекла олӧ сӧмын Ен вылӧ лачаӧн: мед эськӧ оз жӧ во тӧлысыяс. А воас кӧ? Бара на сӧк Ӧльӧксан вина кутас пычкыны гӧтырыслысь, вӧлясӧ чорыд кулакыслы сетас. Водӧ и чеччӧ ӧнӧ Пекла пернапасӧн, Богородицалысь ныв ли пи ли корӧ. Прӧща тшӧтш корӧ Енсянь Ойнускӧд мусукасьӧмысь. Гашкӧ и, сьӧлӧмсӧ на жүгӧд Ойнус ылысь думайтӧмыс. Позис ӧд сӧки, вит во саяс, колльӧдчыны тайӧ мужикыскӧд, ӧтлаын йӧктісны и быдтор да. Талун эськӧ Ойнускӧд олісны, сылӧн сой вылын эськӧ узыліс. Кутшӧм эськӧ лӧсьыд вӧлі олӧмыс вина ютӧм мортыдкӧд. А воясыс эськӧ кутшӧмӧсь вӧліны: ой-ой-ой! Некымынысь водлӧмӧн Ойнус шыльӧдіс-окаліс сы мында, мыйта эз меліав Ӧльӧксаныс вояс чӧж ӧтлаын олігӧн. Али коми мужикьясыд сэтшӧмӧсь и эмӧсь: йӧрикайтчыштасны здук-мӧд и пешкыльтчасны гӧтырланьыс мышкӧн? Ойнусыс дарӧм литовеч, со кызди коралӧ Пеклаӧс, коми бабаӧс: радейта пӧ, пышйӧда пӧ тась. Пышъян кӧть эськӧ да, йӧзыс ӧд мый шуасын, Лариса да. Қыт бара-й медьӧна радейтӧ Ойнусыс Пеклаыслысь-а?

Дор жирьяс Пекла пеласьӧ, аддзӧ асьсӧ стенин ӧшалысь зеркалӧысь, частӧ видзӧдлывлӧ ас вылас. Пыркнитіс ворьяс кысыс нӧгыль быгсӧ, веськӧдчис и матыстчис зеркалӧлань. Алӧймӧмаӧсь банбокьясыс, шылькнитіс голісӧ: абу на чуқырӧсь, вом дорьясыс кызінікӧсь, абу на косьмӧмаӧсь. Разис ковта кизьясӧ, шыбитіс ковтасӧ пеласян ворйӧ. Дӧрӧмтӧг коли. Оз нин и помнит, кор тадзисӧ нимкодьясыліс аснас. Енсыкӧд кодьсӧ морӧсъясыс: йӧвсаян нин, йӧвсаян. Татшӧм нӧньясысьыд Вадбӧжса яслиысь став кагасӧ позьӧ пӧтмӧныс нӧньӧдны. Бырӧма гажыс Пеклалӧн нӧньӧдчӧмсыс.

Пекла шылькнитіс ассьыс еджыд кынӧмсӧ: сьӧктін жӧ ӧд, та ради этатшӧм мыж вӧчин Ӧльӧксан водзад да. И нывбабалӧн друг ӧвкмуні сьӧлӧмыс. Син водзас сувтіс Ойнус: быттьӧ сы мыш сайын сулалӧ, дзи-

гѳдны ас бердас кѳсийѳ, нѳрѳдны орчча крѳватяс. «Ойнус!»— гораа шу-сис Пеклалѳн, кутчысис юрас: «Мый тайѳ мекѳд? Йѳйман ѳд тадзнад... Мый вѳчны? Збыльыс мѳй мунны Ѳльѳксан дѳнсыс? Ойнус саяс петны...» Пекла пуксис крѳвать дорышас. Кѳватѳтѳм. Юбка бѳжсѳ вѳнъ костас водзсянныс павгыртѳма. Пукалѳ и думайтѳ, эз кывлы Ѳльѳксанлыс пырѳмсѳ.

— Мый нѳ пасьтѳм? Пермаыд дѳввидзѳ,— шуис сѳйѳ.

— Кутшѳм перма?— эз гѳгѳрво гѳтырыс.— Юбкаа да.

— Йѳв пермаыд! Кутшѳм перма пѳ...— коса чѳвтѳс Ѳльѳксан, и «Три танкистаѳ» нуздѳдѳгтыр кутѳс лукѳйсыны тумбочкаын.— Стрезуб кѳнкѳ тан вѳлѳ.

Тув йылыс Пекла судзѳдѳс мѳд ковта, чѳвтѳс вылас. «Кос кондаыд и эм!— броткыштѳс верѳсыслѳн петѳм бѳрын.— Оз, небось, шу, кѳтъ нин личемеритчѳм ради: кутшѳм пѳ мѳча тѳ, Пекла. Ойнус кѳ тадзнад суис, колѳкѳ, гѳгѳр окалис-а... Ничево, ме мынта на тѳн водзѳс став нѳйтѳмьясыс...» Пекла пырис пыдѳ жырѳяс, корсис Ѳльѳксанлыс бумагаяс, кодѳясѳс вайис сѳѳрсыс Кулѳмдѳнса больничаяс. Сѳйѳ кѳс-йис видзѳдлыны, кор вылысысѳ колѳ петкѳдчывны врачыслы. Аддзис ѳд: вежон мысти тай. Тадзнад кѳ, вежон мысти Ойнускѳд бара на вер-мас аддзысылыны, сѳдзкѳ и, райѳ волены. Ньюмы петѳс Пеклалѳн. Кѳпыртчис вор весьтѳ и кутѳс водзѳ зыртны-пеславны кѳлуйсѳ.

— Тьпу! Тьпу! Мый нѳ татшѳм нимкодѳ лои? Бур водзѳ-ѳ, лѳк водзѳ-ѳ?— майышмунѳс Пекла, гораа шуис кывѳясысѳ.

...Тайѳ здукѳясае баракса неыджыд жырѳын, кѳнѳ олѳсны кыкѳн, крѳватяс куйлис Ойнус, картѳясны мыйлакѳ эз кыскы. Сѳйѳ бергалѳс ѳт-мѳдар бок вылас, чегѳялис юрлѳссѳ, эз аддзы сѳѳлѳмыслы инсѳ. Гашкѳ, татшѳм чорыдасѳ думайтѳс аслас муса Литва йылыс; гашкѳ и, Пекла йылыс. Сѳѳкыд, кор став дойсѳ видзан сѳмын ас сѳѳлѳмад. А висьталан кодлыкѳ — вермас и не эскыны, серам выв лѳптыны ли. Бур кѳтъ, асыѳяснас аддзывлѳ Пеклаѳс, конюшнясыс вѳв босьтѳгѳн. Здравствуйтчасны да и ставыс. Унджыкѳс оз позь, ѳд Пеклакѳд пыр-джык орччѳн Кондрат Ѳльѳксан. Кѳтъ мый, но Ойнуслѳн эм кутшѳмкѳ гуся надея: Пекла мунас Ѳльѳксан дѳныс, Пекла бытъ петас сы сайѳ — Ойнус сайѳ. Збыльмас-ѳ вот тайѳ эскѳмыс?

Талун посѳлокын эз вѳвны Глеб, Павлик да Роза. Бать-мамыскѳд найѳ лѳччисны Вомынѳ — кодкѳ матысса рѳдня кувсыѳма Фалалеевичлѳн. А Виктор да Ѳндрей сплавпосѳлок сайѳ вуграсыны мунѳсны. Нуѳдѳсны тшѳтш и Ларисаѳс да Тоняѳс. Прамѳй вуграсѳмыс эсыкѳ и эз ло. Самалѳм вугырѳясысѳ чѳвтѳсны ваас, асыныс кыр йылас нюжгѳдчисны. Аддзѳны: табѳыс тѳрѳдчѳ ва веркѳсас, котѳртасны, лѳптыштасны шатинсѳ, а сѳр нин. Посни чери дѳбѳдѳ, кельчи ли мык ли. Шѳндѳ гож-йыс зато шедѳ, нѳльнанныс гѳрдѳдѳмабсь. Пыраласны ваѳ, ыркѳдчасны и бара кымынь ли гатш водасны луд вылѳ.

Насынь горулынджык катище, кодзувкотѳяс моз жуѳны сѳн йѳзыс, уджалѳны. Вѳр запасысѳ уна дасыѳма ваас быглѳдлѳм да пурѳялѳм вылѳ. Вѳр кыскан стальнѳй туй помас неумын вагонетка ректыѳм на. Сѳнѳ жѳ пурѳясысыслы керѳясысѳ багырѳясѳн йѳткалѳны Нюра да сылѳн пѳдругаясыс. Тѳвнас пурѳялѳмѳясысѳ, йи кылалѳм бѳрас, ытванас, катерѳясѳн лѳччѳдѳсны гырыс запаньясѳ. Тулыснас, катищеыс увтасѳнын да, юыс ойдлѳ кѳрт туй дорѳдыс. Гожѳмбыд ю пасьта кывтѳ моль. Кывтѳ Эжва катыдса лесопункѳясысѳ. Эжвасынь ылѳса вѳр участокѳясын керѳясысѳ первой йѳткаласны посни юяс вылѳ, лѳдзасны сы мында, мый оз тѳрны берег костѳясас, артмылѳны весиг порѳмѳяс, багырѳясѳн лѳѳ разявны мытшѳдѳясысѳ. Коньѳрѳй да-й коми пармаѳй! Кымын кѳлена коми мортлы тѳ тырман, быд тулыс-гожѳм кѳ лун и вой кутан кывтны посни и гырыс юяс кузя?!

— Ѳндрей, тѳдан мый? Аски ми Джеджимѳ мунам, пѳчѳс колѳ видлыны. И видз вылѳ тшѳтш ветлам, юр кутам кыскавны вѳлѳн, куртны ли,— висьтасыс Виктор.

— Кодкѳд мунан?

— Тод. Вот он тод.  
 — Ларисакод али мый?  
 — Мекод, Ондрюша.  
 — Подон али кыздз?  
 — Подон. Тасянь верст комын и эм. Донсянь ме часто кайлывла.  
 Гашко и, Шорьяглон машина сесянь веськалас.  
 — Дыр кезло?  
 — Ог. Другьясыс гажой бырома, воча вокьясыс и. Лун нель-овит олам и бор татчо.  
 — Мырдьясны ко другьясыд Ларисато?— шмонитис Тоня.  
 — Мырдьясны ко, борсо отнам локта.  
 — Этша али мый сени нывьясыс?— юалис Ондрей.  
 — Этша. Ми коддөмыс унджыкыс зоньяс. Донсакод готрасялоны бурлакьясыс, кор ас деревнясыс невестаыс оз вичмы.  
 — Нылыс ко ачыс оз косьы, сийос некод мырддыны оз вермы,— шуис Лариса.— А ме кося сөмын Витяос.  
 — А ме Ондрюшаос.  
 — А ме Тоняос.  
 — А ме Ларисаос.— Шуалисны ота-мод вежымсыныс и ставныс гажаа серөктисны.

Пражитмон кельчи да ёкыш век жө пысасис. Шуисны ставсө юкны Ларисалы да Тонялы. Шондыс вөли вылын на, кор моддочисны посёлклянь.

— Вөтөдой!— ылісянь нин горөдісны нывьяс. Виктор да Ондрей кольчылісны, купайтчисны да трустикьяссө пыздралісны. Нюдз шатиньяссө пуктисны пельпом вылас и моддочисны сий жө ордымөдыс, кыти и мунісны Лариса да Тоня.

Сплавпосёлок весьтын нывьяс казялісны: чой горув шурөдө вагонетка, кытчо пуксялөмадьс посни челядь. Көрт туй помын ректытөм вагонетка, здук-мөд и найө пасьмунасны. Лариса шыбитис кисьыс туплисө, заводитис котөртны воча, ылісянь на горзыны:

— Чеччыштөй дзик жө пыр! Чеччыштөй, мися!

Нывкаяс да зонкаяс, морт вит-өквайт, шашаритчөмадьс ота-мөд бердас, нимкодысла чилзöны, нинөм оз кывны. И со, вагонетка регыд отвьстася Ларисакөд. Сийө воча өдөбтөмон чеччыштіс вагонетка вылө, босьтчис топодны тормозсө, но тормоз воропыс бергаліс шырилльон. Сідзкө, оз кут. Отарө содө вагонеткалөн өдыс. Мый вөчны? Шыблавны челядьсө туйбокса мудөд вылө? Лариса ставнысө йөткаліс вагонетка вылысь, и, медбөрти, кор нин вөр тыра вагонеткаөдз коліс некымын метр, чеччыштіс ачыс. Но платтьө бөжыс гартөвтчис вагонетка көлесаө и кыкис ас бөрсяыс, швачөбтіс нылөс еджыд вундаса кер помьясө.

Мый вынсьыс котөртисны Виктор да Ондрей. Лариса куйліс косясьлөм платтьөа вир да коль. Куйліс синьяссө куньбөмн, эз сет кыв ни джын. Виктор пидзөсчанысис, суйис кисө Ларисалөн юр улө. Косясьсөм зеп дорсьыс казяліс носөвик, шамыртіс кабырас. Ондрей да Тоня чуксалісны йөзөс, вайөдісны фельдшерөс. Повзьбөмысла сы ни садь, отарө бөрдіс Пенө Пекла. Недыр мысти, садяс вольтөг, Ларисаос нуисны катер вылө.

Катер ыджыд өдөн веськөдчис Эжва горув. Сы бөрысь кыптисны еджыд каля бордьяс кодь дзор гыяс. Виктор сулаліс берегын синвасө чышкаліг, сулаліс сэтчөдз, кытчөдз Эжва чукулыыс эз сайөд катерсө. Сэся дөрөм морбө зепсьыс періис доралөм носөвиксө, кодөс босьтіс доймалөм Лариса дінысь, и лыддис өти пельөсысь гөрд сунисөн вышивайтөм гижөд: «В. Ме тэнө радейта. Л.»

**БӨРҚЫВ ПЫДДИ.** Гижөдысь ті казялінныд сиктыяслысь да посёлкьяслысь, а сідз жө өткымын персонажлысь збыль нимьяс. Но төдчөда: повестьыс абу документальнөй, а художествоа гижөд.

Важөн нин абу Вадбөж посёлок, но сийө сулалө менам синьяс водзын Эжвалөн югыд рөмьясөн да паськыд сывья пожөмьясөн. Коліс-

ны паметьо да съолөмө сэтчөс войтырыс. А мый жө вөлі водзө? Гөтра-  
сисны Лева Митрейлөн медыджыд пиыс да Иван Наста. Вайис-ө тайо  
өтувтчөмыс шудсө аслыс Насталы, сылөн челядьлы? Висьтавын съо-  
кыд. Эз-ө сийө ло Наста олөмын медыджыд трагедияөн? Шулөны тай:  
шудыд да шогыд пө — торйөдчывтөм кык вок. Гашкө и, Наста олөмын  
кыкнаыс вөлі юр выв тыр. Иван Наста кувсис 1990 вося октябрь  
9 лунө.

1953 вося мартын, Сталинөс Мавзолейө дзебан лунө, Пенө Пекла  
чужтис звөнняөс: ныла-пияөс. Куим во мысти Ойнус мунис горт муас —  
Литваас. Эштылис мырддыны Пеклаөс Кондрат Ольөксанлысь, некы-  
мынысь воліс Литвасянь, воліс Пеклала да челядьысла, но нинөм эз  
путьмы. Пекла ассыс чужан мусө, көні куйліс став рөдвужыс, эз веж  
мөд муөн.

Бөръяысь Пеклаөс ме аддзылі Сыктывкарса Юбилейнөй площадь  
вылын 1986 вося гөжөмын. Не кө Кондрат Ольөксаныс, эг эськө төд  
лым еджыдөдз дөзмөм-быгалөм Пеклаөс. Найө пукалісны лабичын,  
видзөдісны на гөбөр котралысь нывка бөрся. Төдөмысь, сийө вөлі Ой-  
нуслөн внучкаөн.

Сыктывкарын паныдасьлывлa Фалалеевичкөд. Кисө мыш саяс  
кресталөмөн руньялө карса улич кузя. Пөрысиник. Пөльыштас кө ён  
төв, пөжалуй, пөрас нин. Милицияса следовательөн лоис Павлик, слу-  
житө Москваын. Ичөтдырся мөвпъясыс збыльмисны Розалөн: олө рес-  
публикаса өти карын, уджалө культура юкөнын. Эз ло зарни погонъ-  
яса генералөн Глеб. Арөс бөрын кутіс төдчыны, мый Земфира кагалөн  
чужөмыс збыльысь Глеблөн. Земфира, дерт жө, стөча төдіс пиыслысь  
батьсө: Глебысь өтдор сылөн некод эз вөвлы. Зон чорыда кутіс школа  
лөскын сетлөм клятвасө, Земфиракөд мусукасьөм йылысь эз висъта-  
вы некодлы кыв ни джын. Ветымын нельөд воын, Ухтаын кутшөмкө  
курсъяс помалөм бөрын, Глеб гөтрасис — воліс Вадбөжө и нуис съөр-  
сыс Земфира эня-пияөс, мунісны Ухтинскөй районө.

Виктор лоис журналистөн. Томөн энөвтис таладор югыдсө Öндрей.  
Эз артмы олөмыс Тонялөн. Нельысь петавлөма верөс сайө, нель баты-  
сянь вайөма нель кага. Юсьөма мортыд. Аддзывлa сийөс винаөн вуза-  
сян карса магазин дорысь.

Саня Румянцевалысь туй помсө вошти. Ловъя-ө?

А Лариса?

Лариса колис Викторлөн съөлөмө июль төлысья югыд шондїөн да  
Эжвалөн дзор гыясөн.

Февраль — апрель,

1991 во.

## И чөтик роман...

Бара арыс со мянӧс эновтӧ...  
 Абу мам, абу чой, абу рӧд.  
 Ӧткодь мӧвпьясӧн ськӧд тэ  
 эн ов кӧ,  
 Тэ и збыль, сідзкӧ, немтор  
 он тӧд...

Ставсьыс сьӧлӧмыд сьӧкыда  
 торъялӧ,

Сэсса кокньӧдас.  
 Лов вылад — сӧдз...  
 Бытьӧ пу —  
 Коді койыштис корьяссӧ —  
 Мыйкӧ вылыссьыд шыбитан  
 тшӧтш.

Сӧмын кызди став вежсьӧмсӧ  
 висьтавы,  
 Медым эскана вӧлі да збыль,  
 Мед эз ло сӧмын ас пыткад  
 висьӧм моз,  
 Петіс йӧз д'нӧ — сӧстӧм да  
 выль.

Лунтыр югзыштӧм расьясӧд  
 келала,

Песся,  
 Колана кывйыс оз сюр.  
 Но ӧд ньӧжйӧник быдторйӧ  
 велалан,  
 Лоӧ ставыс на, колӧкӧ, бур...

\* \* \*

Раскын гылалӧм кыз пу корйыс  
 Регыд чукӧрмис быдса содз.  
 Сьӧлӧм тӧдлытӧг кызкӧ  
 нормис,  
 Бытьӧ чуймыштис — кутшӧм  
 водз...

Кутшӧм водз, кутшӧм водз —  
 Тайӧ мӧвпыс

Юрын бергалӧ лунысь-лун.  
 Талун сёрниын тӧдсаӧй чӧвтис:  
 — Збыль кӧ радейтлін — некор  
 оз вун...

Сідзкӧ, мыйла ме ачымӧс песа,  
 Дзикӧдз пӧдтыны кӧсья лов.  
 Эн кӧ кӧсйысь тэ тӧрыт ме сайӧ,  
 Сыысь мустьӧмӧн эн ӧд ло...

\* \* \*

Косьмӧм дзоридзьяс керкаыс  
 петкӧда,  
 Вая розаяс — куим чаль.  
 Ставсӧ мыськала гӧгӧр,  
 пелькӧда,  
 Сэсса шонтыны пукта чай.

И — быд торкнитӧм кыйӧны  
 пельясӧй,  
 И — быд вуджӧртор аддзӧ син.

Ветла-восьлала пельӧсысь-  
 пельӧсӧ,  
 Сьӧлӧм чеччалӧ, абу ин.

Выль во рытӧ — тэ шуин —  
 вола ме.

Лок, эн ылав но...

Енмӧй, видз!

Гашкӧ, талунсянь вежсяс  
 олӧмӧй,

Гашкӧ, бара на кольӧ сідз...

# Сава баты

## ВИСЪТ

ВОЙНА помасьомсянь коли кѡкьямыс во. Оти гожся лунѡ Сюзь Аликкѡд вуграсим Омидз ю вомѡн пос вывсянь, кор вѡр дорсянь мыччысис ар нелямын вита мужичѡй.

— Здоровеньки, хлопчики!— матыстчѡм бѡрын чолѡмасис сійѡ. Сапѡгъясис да паськѡмыс бусѡссьѡма. Дерт, подѡн воис районсянь, миян грездѡ некутшѡм машина оз ветлы, пѡпутнѡй вѡлаяс кѡ оз веськавны. Пос помѡ пуктис нопсѡ, тубрассѡ, содзнас юис бурпѡт, мыссис ыркыд ванас, вѡлись юалис:

— Это деревня Кырйив?

— Да,— вочавидзим ми.

— А к кому ты идешь?— смелмѡдчис юавны Алик.

— В Кырйив, к матери Александр Федоровича.

Ми вель дыр тунъясим, кутшѡм мам дорѡ воѡ тѡдтѡм мортые. Сэссия гѡгѡрвоим жѡ: верстыѡ мужичѡйяс пиысь Олъѡксаныс грездын ѡти и эм, Педѡр Олъѡксан. Алик бара суйсис сѡрнийѡ.

— Александр Федорович... Это Педѡр Олъѡксан. Он раненый, без одной ноги и руки. Вот его дом, видны два окна,— индис юасысьлы грезд помлань.

— Александр дома?.. Живой?..— тѡдтѡм морт кватитис кѡлуйсѡ, котѡрѡн уськѡдчис кырйивлань.

— А ме шпанаѡн думайтѡ, повзьышти быдѡн,— Алик вель ыджыд ѡкышѡс лѡптис.— Мися, мода вылас юасьѡ, мед не вузавны асьѡ.

— Шпана кѡ,— шуа сылы,— вѡссяинѡ эз пет, вѡръясѡд пышьялис.

Пышьысьяс йылысь сѡрניים збыль паськавлис; тѡдтѡм йѡз пѡ узьлѡмабсь бокусса пывсяньясын, зорѡд увьясын. Оперъяс ветласисны грезд гѡгѡр, некодѡс тай эз кутны-а.

Кыдзи ваѡ из шыбитѡм бѡрын разалѡны кытщьяс, паськалис

выль юѡр: «Грездѡ пленнѡй воѡма». А Педѡр Олъѡксан ордын бисѡ асылѡдз эз кусѡдлыны.

Вѡлѡмкѡ, Олъѡксан дорѡ воѡма войнадырся другые. Фронт вылын кык во вокъяс моз олѡмабсь Украинаса да коми зоньяс, Саватий да Олъѡксан. Педѡр Олъѡксан миянлы висьтасылис нин та йылысь школаын, олѡмѡн пѡ уджйѡза ѡрт водзын. Пасьмунѡм снаряжсянь падера тѡлѡн моз Олъѡксанѡс шыбитас гуранѡ, тыртас муѡн, кулѡмѡн нин лыддясны. Сава другые кималасѡн корсьѡма войнас, кыскѡма мыш вылас...

Аръяыв пиньѡн-гыжйѡн врагылысь мырдьѡм мылык йылын кутчысысны кык лун, сѡдзи и оз воны отсѡг вылѡ, веськаласны пленѡ. Тѡлысь чѡж пленнѡйясѡс видзѡмабсь сутшкасысь сугаѡн потшѡм йѡрын. Ъвляын шляка, йѡз тшыгѡс, гожся ротйысьѡм паськѡмыс муртса ѡшйѡ выланьс, унджыкыс кѡмтѡм. Мед шоныджык вѡлѡ, вой кежлас водавлѡмабсь ѡти чукѡрѡ. Асывьяснас асьныс жѡ кыскавлѡмабсь кулѡмаясѡс, сусьджыкъяс пѡрчѡдлѡмабсь налысь туянаджык кѡм-паськѡмсѡ.

— Пом, Олъѡксан, ме водѡ огвермы...— унаыс норасьлѡма Саватий татшѡм здукьясѡ.

— Мыйла пом?— пыр ѡлѡдлѡма ѡртыс,— ловьяѡсь на да.

Лым сора зѡра вой отсалас петны вѡля вылѡ, воштѡдчыны матысса вѡрѡ.

— Кысь нѡ тэныд сымда выныс, лы-кучыкыд и эм а?— шензьѡма ѡртыс бѡрся вѡтчигѡн Сава.

Мѡдыс, ловсѡ ѡлѡдыштѡм бѡрын, тойлѡма сійѡс водѡ, кыдз позьѡ ылѡджык мунны: тѡдисны, дерт, мый суѡдасыны кѡ, балябѡжад пуля веськалас, либѡ поньяс ловья йывсьыс косявласны.

Тшыг нисѡ пѡтѡсь, кык друг вежон чѡж лѡкинъясѡд келалѡн дзикѡдз укшальмасны, сійѡн и

шуасны кежавлыны восьсаинны тыдовтчём отка керка дорё. Водзджык на ота-модныслы косьясыны: кодыслы кё мойвиас ловйён кольны, юёртны семьяыслы. Сувтовкерасны шойччыштны, Ольёксан друг юалас:

— Кула кё, Сава, кытчё гижан-юёртан либё волан победа бёрын?

— Коми, Кырйив. Это я не забуду. А ты?

— Отруби, Полтавской, Савушке.

Нюмунасны ота-модныслы и бара кырсясны водзё.

— Кодысь нё дзбсяянный?! — кутшёмкё сиктын житник дорсянь шысяс мужичой гёлёс.

Вот и сибёдчисны гусьён; вёлёмкё, найёс казялёмаёсь нин. Горёдысьыс, нопя и ружьеа, мёдодчёма мёскыслы турунла. Сёрнитчасны. Висьталас: сылы пё веськодъ немечьяс и партизаньяс, верманнעד пё шойччыны, плита пач вылын пё пёсь чай эм.

Вёлёмаёсь на тай и асланым йёз пиын гадьясыд. Вой шёр гёгёр Ольёксан кылас кильчё ёдзёсён гольсенитём. Тувкнитас ёртсё, уськёдчасны сарай пыр. Би нёвьясён мёдас сёласыны автомат. Пышйиганыс, войса пемьдас, и торъяласны кык друг... Сэсянь Сава кутас лыддыны Ольёксанёс виёмаён.

Кык лун чож вёръясын гёгра-лём бёрын киас ранитчём Педёр Ольёксан веськалас партизаньяс дорё. Тышкасяс война помёдз, йёз муё коляс кисё да коксё. Саваёс жё немечьяс төлөдасны рытывывлань. Мукасё ас вывти-ыс вуджодас, лыддыны кё, некутшём дозйё оз тёр. Война помлань, лагерысь мездём бёрын, виль гёснеч виччысьома: пленё веськавлёмысь гольгөдасны асыв-ылё. Кёкьямыс во ковмас уджавны шахтаын.

Кёкьямыс во быттьё вошём морт: удж вылё да баракё — оти туй, весиг письмё гижны абу позьёма. Но оти лунё чушкан поз моз шыязс-гыязс лагерыс, удж вылё некод оз пет. Кывяс: кувсьёма медыджыд мортыс, кодёс нимтисны Вождён да Батён, код вёсна нёти думышттөг лыдтём-тшёттём морт воськовтліс враг-

лён пуля улё, тшыгъявліс да кадысь водз пуктывліс ловсё. Мыш саяс нейджыд нопторйён Саватий, Иванчук воськовтас дзуртысь кёрт ёдзёс пыр, мед кымын-кё лун бёрын аслас чужан муас лэдзчысьны пидзёс вылас, бёрдны сир курыд синваён.

— Сиктын ловъя морт эз коль. Юр сюянин абу жё. Морт вит-ёквайт волісны тані чужлёмьяс пиысь, бёр муналісны, — татшём юёрён вочаалас Саваёс тёдса пёль. Вёлёмкё, сиктыс некымынысь вуджлёма киыс-киё; мед-бёръяыс бёрынтчигён немечьяс виёмаёсь став ловъя ловсё, сотёмаёсь, мый вермё сотчыны.

— Со эсийё мыльк йылас салдатыс чукёртисны да гуалісны йёзлысь колясяссё. Мам-батыд да чойыд, пёди, сәні жё. Колё пальёдчыштны тәныд, тёдсаяс дорын олыштны, эмёсь кё, — шуаліс дед дзикөдз нюкыртчём, измём сёлёма Савалы.

Сәки и усяс тёд вылас Педёр Ольёксанлы сетлём кывйыс. Шуас ветлыны Комиё.

...— Кольчы, уджыд тай быдлаын удж, — мёд ли коймёд луннас Ольёксан өлөдас шогё усьём другсё. — Йёз мян бурёс, видзөдлан, кажитчас кё и... Вывсяныд тай, ме серти кё, морт кодён петкөдчан. Велалан мян ног сёрнитны, гётыр аддзам, ас мортён лоан.

— Александр, муса друг, отчуд мездылін нин смертысь, бара на... — Савалён гёрддзасис горшыс.

— Кыкнанным ми мездім ота-моднымёс, бара со отлаын. Ловъяось.

— Сідз эськё да... Морт сямасё талялісны менсьым, овны оз косьясысы.

— Ловъяяслы колё овны, Саватий, водзё олёмсё пыкны. Мужикүловыс мян пошти эз жё бергөдчы, а гач новлысьястөг ок сьёкыд сиктад. Томьяслы мый, гаж налы колё, бордсялыштасны, энөвтёны чужан позсё. Бөръя кадё кывсьё: дзикөдз пё бырёдасны грезнымёс, ичөт колхозсьыд пё грёш дон пёльзаыс. Ми кутчысям на. Тэ со воин, быдсяма уджө велалёмыд. Нёти ог пёръясь, Саватий, видз-му мян

вына, уджтö водзöсөн оз коль. Война воясö танi йöзыс абу сэтшöма виньгыртöмаöсь, тшыгла некод абу кулöма. «Чарла» колхоз, мамö шуö, поставкаясөн районкодьсö мездывлöма. Ачыл думышт, рöд-вуж тэнад абу, а тэкöд ми коть абу öти нень помесьсь, вокысь вокьяс.

— Сидз, Александр, вокысь вокьяс...— Сава куньöма синьяссö, юрсö мыджöма кияс вылас.

— Колö жö, Савушка, Комиöдз воин, Кырийлöдз. Ме öд тiянö некымынысь гижли, военкоматад и. Вошöмөн лыддьöны, сиктсьяс пö пöим чукöрьяс кольöмны.

Нель-ö-вит лун Кырийлын олөм бöрын измөм сьölöмыс Савалөн небзыштас. Öльöksан счётоводалö, колхоз правленньö кык керка кост сайын и эм. Гöтырыс и мамыс зэв бур йöз. Узьлыны гöстылы неыджыд жыртор лöсьöдасны, посводзянь торья öдзöсөн. Воём бöрас, мөд луннас жö, колхозса пред Опонь Васька пыралас. Кутшöмкö пö зимöгор воёма миян царствоö, оз пö и петкöдчыв. Воласны и районсян погона йöз.

— Аски удж вылö пета,— юртас öтчыл Сава чай юны пуксигөн.— Дыр-ö кута дась нянь сейны, а, Александр?

— Ланьт, нем абусö эн баит. Эн на пуксьыв да...

Öльöksан кö контораын, Сава уджтöг оз пукав. Пес поткöдлис төвиймөн, пывсянысь джоджсö вежис, дзоньталис вевтсö.

— Конюкö корö преыд. Висьысь нывбаба пö сэнi. А вöвьяс дорö ме сибала, ичöt дырйи ас коддьöмкөд гожöмьясын би дорын и коллявлiм вояссö.

— Но, ачыл тöдан,— Öльöksанлы ёртыслөн юöрыс лоас виччысьтöмөн.— Сöмын тэ сыкөд виччысьöмөнджык, мукöддырйи нем абусьыс крукасяс-пестысяс, кокни киа и. Грездын Лука пöльöс и пуктö пыдди, мукöдыс сылы эм коть абу. Гöтырыс сэтшöм жö, мый колö и оз сы пельöдз вайöдö.

— Оз кö мөд ладмыны делöыс, менö некод татчö эз көртав. Зэв нин окота, Саша, ас шодысь уджалыштны, мед эськö мышся-

ндыд беддьөн некод эз тойлав, мед эськö морт туйö тэнö пуктiсны.

Удж вылö петтöдз, кор мамыяс гортын на ноксьöны, миянös, зонкаясös, ыстасны конюшняö вöвла. Водзтi вöли бурпöt мырддысям, кодлы бурджык вöжжи ли мегыр сюрас чукöрысь, а öни став доддясян көлуйсö öшлöма стенö дорөм тувьясö, сийös деревчöясö гижöма вöвьяслысь нимьяссö. Конюшня помö пöвьясөн торйöдöма Мор нима ужös, кодös кыськö ылысь вайлисны чибöөн, машина дон пö сувтöма колхозлы. Тайö Опонь Васькалөн вöлзы, чуньөн чуткыны сийös некодлы оз позь. Морös Сава вердö да быд лун чышкалö кузь воропа роскөн. Конюк водзвыв юалас миянлысь, кутшöм удж вылö чойыд либö мамыд лöсьöдчö, сы серти и вöв вöзьяс. Ичötджыкьясы отсалас сийösавны, доддявны, зэлöдны супоньтö.

Верстьöяслы сьölөм вылас жö воёма Сава дядь (сидз сийös кутiсны нимтыны грездын), велöдöны сийös комиөн баитны. Босьт пö менö ас саяд, шмонитöны мукöддырйи. Опонь Агни тай дивитыштас пöдругаяссö: көнкö пö пышьялис-ветлис, ловйөн кольöма, бур йöзис пö ловьяснысö пуктiсны-а. Ещö пö сыкөд ворсöдчанныд, пленнöйыскöд. Пöди пö ас йöз дорас оз лысьт мунны да татчö кольччис.

— Öвсьы, Агни,— öлөдöны сийös,— бур олöмысь эз лок татчö, сьöд вөр шөрö. Öльöksаныд öд тöдö, ставсö висьтавлiс сы йылысь.

Öти лунö казяли: Сава дядь гöгралö миянкöд орчөн сулалысь нель пельöса важиник керка гөгөр, мыйкö докйöдлö юрнас, муртасьö. Сэнi некод эз овлы, ворсiгьясö ми, челядьпосни, дзесбсьывлiм сэтчö, а төвнас чеччавлiм вевт вывсяныс. Регыд сэсся и тотшкöдчыны мөдiс пытшкас. Сувтöдiс виль куриच्याс, вöчис посводзтор—овтөм керка ловзис, чача кодь лои. Сэсся мыйкö и шордорса кузнечайн клёнöдчыны кутiс. Сюзь Аликкөд ми кежавлiм сэтчö, пöльтчан мекнас пушкыны.

Грездын миян öти улич и эм,

керкаяс óta-модныслы паныдөн видзодчоны. Отчуд Алик пырис мянө, ньылөдөма. Педөр Олюксан тшөктөма колхоз правленньоө йёзөс чукөртны рыт кежлө. Уськөдчим конюшня дорсян. Кын майөг кызта бөдь, камөдам керка стенъясө, весиг өшинь стеклөясыс зильмунлөны. Асьным мый вынысь горзам: «Собранньö! Скод вылө!» Шаръялам ыжъяс моз, гашкө, дасөн нин чукөрмим, понъяс тшөтш гузьялөны мянкөд. Аликкөд ми кежим Сава керка дорө. Сийө кильчө помас пукалө. Видзөдлис мянкокъяс вылө, шпыньмунис. Аликлы мый, ыж ку пасьта кө муыс кушалас, сийө көмтөг нин ветлө, кокъясыс сьөдөсь, потласьөмабсь. Ачыс некор оз вись. Сава дядь казялис менсьым киссьөм көмкөтөс, юалө:

— Это что?

— Башмак,— шуа.

— Я вижу, башмак. Чего он просит?

— Рок, кашу,— бара шуа сылы.

— Сейчас же сымай! Рок!— стрөга видзөдлис ме вылө.

Кильчө лабич увсьес перйис паличө пысалөм кок лапа модаа көрт, регыд и тувъялис. Ачыс дугдывтөг сёрнитө роча-комиа кывъяс сорлалөмөн. Аликкөд сэралам гораа, ачыс тшөтш васьялө. Öтырышъя юалө, кызди пө тайөс шуны комиөн.

Мукөддырйи и дөсадитчывлим сылы, грездө воөм выль мортлы, но Сава дядь лөк кыв эз шулы, непөштө уськөдчыны. Көритана видзөдлас синмад, мыйкө шуас негораа — аслыд жө и оз ло лөсьыд. Гөгөрвоө челядьдыртө. Дырджык кө ог пыралөй сы ордө либө ог волөй конюшняй, пыр и юалас: кытчө пө бара вошавлинныд, молодечьяс, вунөдинныд пө Сава дядьөс. Зонкаяс пиысь сийө мыйлакө торйөдис менө, гашкө, сы понда, мый тшөтшъяясысь вөли вийөрджык, тушаөн ичөтджык и...

Колхозъяс бырөдөм бөрын мян грезд лөсьөдисны совхозысь торъя бригада. Опонь Васька бригадир пыдди. Собранный вылө чукөртчөм йөзлы ыджыд гөлөснас юөртис: өни пө ми рабо-

чөйяс, трудодень пыдди кутасны мынтысьны сьөмөн. Сөян-юан юкны оз модны, ставсө ньөбны ковмас. Мед пө жель эз вөв босьтөма юасьтөг-висьтасьтөг. Но киссьыны мөдөм колхозлысь нимсө вежөм бөрын олөм эз бурмы. Öмидз ю йылө вөрпункт восьсөм бөрын кыз уджсө мыркысь йөзсыс кутисны вуджны сэтчө. Пөлясөн-пөчьясөн вотчинаыс кутис чинны. Гортеянь ылынджык видзьяс вунөдисны, найөс леторосөн кыкис. Неважөн на вөдитөм муяс вылысь кутим тшак вотны. Унаөн мөсьяссө сдайтисны яй вылө. Бригадир ещө на скөрмис (вывсянь индөм плантө колө тыртны), лун-лун войлөдлө томъясөс да пөрысьясөс, гөгралө Мор вылас. Ме унаысь казявли, кызди рытгорувьясын Васька кыйөдө удж вылысь воысьясөс, оз-ө мыйкө киняулас ли моздорас вайыштны. Мый эськө и ваян, турунторйысь кызди. Суөдас кө асьтө жө тшөктас нөбавны скөт картаө. Либө домалас седлө дорас көрталөм вөжжи-гез помө, вөвсө лэдзас скачөн. Сылы мый, медтыкө мырддьөма вөли, турун нөбсьес көть өти сi оз коль. Штрапөн да судөн пыр грөзитчө. «На, виньды!.. Вир юысь!— Отчуд горөдис Опонь Васькалы Сюзь Аликлөн мамыс, мынтөдис ташкасө да сьөвзис ныр-вомас вөлыслы.— Мөд синмыд мед тшыкас». Татшөм сёрниад Васькаөс он повзөбд, эз этшаысь кывлы.

Томджыкнас Опонь Васька висьлөма төлысь висянөн (луна-тикъясөн пө тай сэтшөмъяссө шуөны). Төлыся войясө пө найө вөтын моз ветлөдлөны, а асывнас нем оз помнитны. Сидз отчуд войпукысь ныв-зон казяласны Васькаөс вой шөр войө шөйтысьсөн улыс дөрөм-гач кежсьес да повзөбдасны, а оз, вөлөм, позь. Васькаыд сунгысяс-усьө ытшкөм турун вылас да чорыд турун занас бытшкас веськыд синсө. Син пөлатө сөсся армияө ни война вылө оз босьтны. Агни вылө гөтрасяс. Öни Мишка өтка писө быдтөны.

Аликкөд көть чорыда лөгасьлам Опонь Мишка вылө, кымынкө лун бөрын бара нин мян дорө зыртчө. Мишка кык арөсөн

ыджыджык мянысь, кык воён  
оти класс вуджō. Некодысь оз  
пов, школаō ветлō кōсийōм серти-  
ыс. Батыслы тай шуōма: он кō  
пō сетōй пицальōн вōдитчыны,  
школасō дзикōдз энювта. Миш-  
ка шоча пукавліс бōръя урокъяс  
вылын, водзджык петас да мый-  
кō пыр нин лѣктор вōчас: му во-  
мōн туйсō пасъялан лыс лапъяс  
мōдлаō сувтōдлас, вōр туй вылō  
вōчалас конъясянъяс. Отчыд «бе-  
лōйōн» да «краснōйōн» ворсīgōн  
менō разведкаō ыстисны. Кысся  
вōлї кодлōнкō град йōрын бōрōз-  
дабд, эг и казавлы, «пленō» ачым  
сюри: гид вывсянь Мишка чеч-  
чыштіс вылō, мусō лōдō ныр-во-  
мō, тайкō пōдтас. Сэсся йōрши-  
тіс тыртōм кōбрегō, пукав пō,  
кытчōдз допрос вылō ог корбї.  
Трустыд, каличалōма ывласянь,  
сэсся и вунōдōма ме йылысь. Вой  
шōр кадō мамō корсьны петōма.

Онї Мишка тар койт вылō ну-  
ōдчō, пашня сайын пō и ворсōны  
мича лѣбачьясыс. Вой шōр бō-  
рын лысьясысь вōчōм чомйō пы-  
рим. Таръяс регыд и воисны, мō-  
дїсны пелкйисьны петукъяс моз.  
Отчыд лыйōмōн Мишка кыкōс  
чергōдїс. Та бōрын меным окота  
жō лои вōравны, пон лōсьōдны.  
Йирк дорын мян ошало пица-  
лыс, война вылō мунигōн батьō  
сэтчō пунктōма, ствол помсō туп-  
кыштōма рузум торйōн, но мамō  
оз на тшōкты вōрзѣдны. Мишка  
вылō пō ыстысян, кузь мужик  
вылō.

Но, вōлōмкō, пицальтō вōчны  
аслыд позьō. Мишка жō велōдїс.  
Пуысь лōсалїм приклад, дорим  
сэтчō ыргōн трубка, оти помсō  
лямōдōмōн. Шуим видлыны гум-  
ла вылын, кōнї лун-мōд вартōм  
шы эз кыв. Вōвзōр, тōвбōж да  
тōрича вōрōкъяс вылō велалō-  
маōсь вōр гулюяс. Куим зонка  
дзесим рынышō, кыйкъялам  
кольчатяс пыралан розьōд, кор  
гулюяс сѣрōм потшъяс вылысь  
лѣчасны пōткōдчыны муō. Топō-  
дї ружье помōс пельпомō, син-  
мōс куньмōн витї лѣбач чукōрō.  
Алик чиркнитїс кōрōбнас топō-  
дōм истōг тувйō. Пельпомō дзе-  
нōбтїс, ружьейї рузь-разь лои,  
киō ошōлєк тор кольōма. Миш-  
ка, тыдалō, пороксō вывтї пук-  
тōма. Веськыд певйōй лыōдзыс

чашнитчōма. Ниртышті зōлитысь  
чужмōс, ки пыдōсōй вирōссис  
жō. Вартан машина сайысь мыч-  
чысис Сава дядь (сйō дзоньта-  
сьōма бокынджык), болничаō  
тшōктїс котōртны. Певйōс кардъ-  
ялісны, а чужмō нэм кежлō ко-  
лины сьбд чутъяс. Енымс вōлō-  
ма на, синьяс дзоньōсь колисны.

Мамōлы удж вывсьыс воигōн  
висьталōмаōсь, пōпуттьō льōм пу  
ньōр бертōма. Пешалис кок кост-  
тас, лōсьыда и швичйōдлїс куш  
ййō. Мыжа да нем ог шыась,  
сōмын синва шорōн лѣччō. Мамō  
бōрдїгтыр шуалō: «Калекаō вō-  
чан асьтō, кодлы колан сэтшō-  
мыс... Вōля босьтōмныд...» Кыла:  
горт дорсянныс Сава дядь ма-  
тыстчис.

— Онї, Андреевна (сїдзи ма-  
мōс шуō), вōралысьыдлы быть  
нин ковмас збыль ружье дōве-  
ритны, асьнысō и йōзōс вермас-  
ны кувтōдз дойдны ас вōчōм пи-  
щальяснад.

— Сава дядь,— мамō шыбитїс  
ньōрсō, ачыс пыр на сыркъялō-  
бōрдō.— Сава дядь, тэ кōтъ мед  
чиршōдлыштің этатшōм бать-  
тōмъяссō, тэнō став зонкаыс грез-  
дын кывзысьō. Мый кōсьясны, сй-  
йōс и вōчōны. Этййō гачтōмыс  
сōмын лѣк вылō велōдō ичōт-  
джыкъясōс, батыс кодь жō.  
Кодкō лунō Лука чожлысь гим-  
гасō пыркōдмаōсь.

Гачтōмыс — сйō Опонь Миш-  
ка. Школаō пыртōдз, тōв и гожōм  
гачтōг ветліс. Пидзōс улōдзыс  
дōрōма, вывтїыс кок под йылō-  
дзыс шабур вōнялōма гезторйōн.  
Кымынысь абу гачōдлōмаōсь,  
пыр пōрччōма, отчыд весиг че-  
рōн тшытшōма. Ыджыдъяс пы-  
ысь онї на кодсюрō гачтōмōн  
нимтōны, а ми огō лысьтōй: Миш-  
ка лы-сьōмтō пыркōдас. Кыв-  
зысьтōмысь да асныралōмысь ас-  
лыс Мишкалы батысянныс чоры-  
да жō сюрлō. Мамыслы мезды-  
сигас и.

Шойччан лунō кильчō помōс  
шуи дзоньталыштны — содъясыс  
люги-леги вōрōны, ва гоийōн по-  
лан кайны. Косявны косялі, а  
бōрсō лепсавны некызд ог вер-  
мы: содъяссō кутан бокысса кыз  
пōвьясыс дзикōдз сйсьмōмаōсь,  
кōрт тувсō оз кутны.

— Дзоньтасян?— эг и казявлы Сава дядьлысь матыстчөмсö.

Сусед водзын пыр на яндзим коркöя лунсянь, кор мамö «буссö» пыркöдис.

— Со сисьмöма ставыс,— син-мöс лэптывтöг вочавидзи сылы.

— Вежны колö пöлöса кыз пöвъяссö,— Сава дядь дзик нин комион сёрнитö.— Көнкө вöліны пес вевт улын.

Кык мужикыд регыд и пома-лим уджсö.

— Но,— мамö нюмъевтіс кык-нанымлы,— зэв тай бура да мичаа вöчöмныд. Час, пывсян ме лонта тiянылы.

Водзджык ми васö зэв ылысь новлім. Сава дядь öні öшмöс гарйис; потшöсас, миянладорö, дзирья сувтöдис. Ас йöзөн мия-нöс лыддьö. Мамöлы вöвла вет-ла конюшняйö, öтлаын и доддя-лам, öтлаын жö воам горт до-рöдз. Мамö пасьтасьöма нин, вич-чысьö кильчö помын: «Сэні, пы-зан вылад, сёйыштö öтлаын, пач трубатö тупкыны эн вунöдöй».

Ме повзи Сава дядьöс пывся-нас пасьтöмөн аддзöм бöрын. Адöй-адöй, пöлöса рубечьяс крес-тасьöмөн водзас и мышкас, öти задас яйыс ньöти абу, вöсни гөрд кучикөн эжöма лысы, шуйга гырлдза дортыс прöйдитлöма пуля, чорыд йöг артмöма.

— Ставыс тайö кольöма, Ви-талей,— казяліс менсьым шен-зьöмс, шыясис вылын джоджын корöсьөн öвтчигөн.— Öнитö лö-сьыд нин, ов да ов, а кольöм дас кык воис менам олöмын сьöд вой, страшнöй сьöд вой. Көсьян да он вушты паметьсьыд. Кино видзöдны ог вермы, көні петкөд-лöны сэтшöм страксö, тiрзян ви-сьöмö уськөдö.

Тöv шöрын Сава дядьлөн пач сводис усьöма-киссьöма, Пыри сы ордö, керка тырсы тшын, ачыс сьöд чужöма, жöчысь вö-чöм ящик кодь пач йитö труба дорас.

— Мед локтас миянö,— вись-талöм бöрын тшöктіс корны мамö.

Ме и ачим абу паныд, оліс кө öтлаын. Нинöмла öтнаслы торья керка ломтыны, ньöти миянöс оз дзескөд. Но сійö челядь моз ро-дö. Мамö тай пеласигөн корас

сьöдасьöм новлан көлуйсö, öти сайын пö пыдзырта, Сава пыр öтмоза вочавидзö: неважөн на мыськалі. И йöзыс грездын, мөв-пала, лөксö оз адзыны сысы, гашкö, Опонь Агниысь кындзи. Тшöкыда тай юасьлöны менсьым: кытчö пö Саваыдкөд талун вет-ліңныд, мыйкө пö бара лунтыр тотшкөдчинныд.

...Мамөн лöсьöдöм вольпасьö Сава дядь эз вод, ме дорö, пöла-тьö, кайис. Садьми войнас, орч-чөн куйлысь пессьö-нөйтчö, чужъ-ясьö, тувкөдö менö бокö, ачыс брөд ваөдз пöсялöма. Сывйышти голядыс, гораа чукөсті нимнас. Вöлісь садяс воис.

— Уф, Виталей, тэ тайö. Бара этійö лөкъясыс мөдлісны талая-ны. Понъяс и... Кор нин ме мын-тöдча найöбьсь... Вай узямö; мам-тö дай, көнкö, садьмөді.

— Öтнасöс коркө сідзи и лич-кас висьöмыс,— асывнас вочави-дзис мамö, кор висьтаси войся вöвлөмтор йылысь.— Висьтав, мед узылас миянын, олас көть, сэтшöма артманныд да.

Аслас керкаын вöчасьöм бö-рын Сава дядьöс мырдөн колö нуöдны чай юны, узьмөдчыны. Пачсö эськө лөсьöдис, шонтіс оланінсö да уль ру гөвкъялö кер-каас. Джаджъяс вöчалöма стенъ-ясас, мыйсö сэтчö абу пырталö-ма косьтыны: куран пинь вөр, чер воропьяс, лжөм пу майгөгьяс письяс вылö, джодж шöрас па-нöма додь, прöйдитны некыті. Öти рытö дыр игөдчөм бöрын (дивитас пö мамыд, йöзянь пö абу лөсьыд) синмас висьталі, мися, мамö корö, мися, йöзас сідз нин кывсьö — Сава пö олөм вылö пырöма Палаш ордö.

Уна-ö öтка мортыдлы колö! Сава дядьöс бытьö вежисны öт-лаын овмөдчөм бöрын, нюмсера чужöмас вирпас чепөсйис, басни-джыка лон. Тулысын Чалкоөн град йöрсö гөрис, ми мамөкөд картофель пуктім.

— Вай, Виталей, тiянылыс тшöтш гөрыштам,— шыясис ме дорö, ачыс мамö вылö видзöдö.

— Тiянылыс пö...— серам со-рөн вочавидзис мамö.

Рытнас жö и вомалис Опонь Агни. Буретш лук град лөсьöдім,

Агни аняби моз шалсйӧ улич кузя, тайкӧ сойясыс мынасны пельпомсыс ӧвчигас. Сувтовкерис потшӧс дорӧ.

— Но, гӧрӧмаӧсь нин кодакості, град лэптаннӧд. Пӧди, пленнӧйыд гӧрис? Мый сӧсся тӧянлы, вӧвъяс ас кыиӧсь, кор ковмас, босътаннӧд дай.

— Мый сӧсся миянлы,— коссӧ веськӧдтӧг вочавидзис мамӧ.— Сава дядь тай отсыштис.

— Сава дядь...— Агнилӧн пиньясыс лудӧны, окота зыксыны. Но тайӧ пӧрйӧ сйӧ регыд броткис, тӧдис, мый мамӧ оз пырӧдчы зык-шумӧ, а ӧтнаслы, некод кӧ оз лӧдсав, абу жӧ окота. Бытьӧ Агни оз тӧд, мый Сава дядь ӧткӧн олысь уна нывбабалы нин гӧрис град йӧрсӧ.

Отчыд Сава дядьӧс казялі карта сайысь, кер чукӧр дорысь.

— Зӧв бур вӧр пӧрӧдлӧмаӧсь, конӧд. Нем на и абу лӧма,— картузсӧ лэптыштис плеш вывсыс, видзӧдис ме вылӧ.

Вӧрсӧ бать на дасътылӧма, чукӧрсӧ вевтъылӧма тьӧскӧн. Кӧсйылӧма пӧдлӧжитны керканымӧс да войнаыд таялӧма. Сӧксян керьясыс пыр на виччысьӧны. Мамӧ нӧти пу пес вылӧ эз пилит, кӧть сьӧкыд воясӧ ас вылас даддӧн кыскалӧма.

— Со мый юрӧ воис, Андреевна,— рыгнас пызан сайын шыасис Сава дядь, лабутнӧя пуктис паньсӧ, пызан вылӧ жӧ челядь моз лӧсьӧдис кияссӧ.— Кӧн на олӧм помыс. Виталейным быдмӧ, колӧ, буди, вильмӧдыштны керкатӧ, вӧрыс сідзжӧ сисьмас. Ӑні, дерт, ог на, град йӧрыд пуктӧма, арнас позяс. Гожӧмсӧ кык мужичӧй (мӧднас менӧ лыддӧ) став коланасӧ дасътам. Недыр кадтӧ позяс вӧчасян керкаын олыштны.

— Ме ог тӧд,— мамӧ пуктис жӧ паньсӧ, видзӧдліс кыкнанным вылӧ.— Судзсям-ӧ, вермӧдчам-ӧ. Важтӧ косялан, сибдан сэтчӧ...

— Ме нин артышти, кыті да мый колӧ вежны.

Кыдзи шуис Сава дядь, сідзи и лои. Град йӧрӧс идралӧм бӧрын квайт мужик ӧти луӧ ризисны керканымӧс. Мӧд луӧ пӧтшвасӧ лӧсьӧдисны. Қоймӧд луӧ помеч чукӧртім. Шонді лӧч-

чытӧдз на выль нитш вылӧ тӧчисны стенъяссӧ, сигӧртисны, вевттисны. Йӧз разӧдчӧм бӧрын вель дыр на пукалім куимӧн. Сйӧ рытӧ йӧз сорыс мамӧ кылдыштис жӧ корыдтортӧ, бандзбьясыс гӧрдӧдыштӧмаӧсь, томджыкӧн петкӧдчӧ. Чеччис пызан сайысь, мышсянь кутыштліс пельпомъясӧд кыкнаннымӧс. «Не кӧ Сава батыд, лысьтім ӧмӧй кутчысьны татшӧм ыджыд уджӧ? Шойчӧй бура да вӧлись кутчысям пытшӧ лӧсьӧдны»,— мамлӧн синъясыс вазьӧмаӧсь, сьӧлӧмыс небзӧма, но сӧрнитӧ кыпыда, лов вылас кыпыд и.

Ноябрь кежлӧ мыським да шонтім вильмӧдӧм керканымӧс. Уджыс, дерт, сюри, Сава бать мукӧд войсӧ, буди, эз и водлы-а. Ывласянь видзӧдлан, керкай тӧдтӧм лӧма, вылын да кыпыд, вичкоын моз гора пытшкӧсас. Пидзӧсьяс вылын гӧбӧчын кысьясьлім, ӧні копыртчытӧг позьӧ ветлыны.

Суседкӧд мӧс лӧсьӧдім шӧриӧн. Қӧрымнад сьӧкыд да ӧні унаӧн кык семья вылӧ ӧти пемӧс видзисны.

— Шӧринад шӧриа жӧ и эм,— Сава бать зумыш пырис ывлаысь, пуксис лабичӧ.— Ог гӧгӧрво, мый понда сусед кырласьӧ-потласьӧ: то сылы картасӧ зыртны ог куж, то не сэтчӧ куйӧдтӧ шыблалӧмыд. Ӑтнанымлы лӧсьӧдам,— пукыштис да содтис.— Виталейлӧн — пон, Андреевнаны — мӧс, Савалы — ыж.

— Ой-я, дӧза уна тай кӧсьяныд чукӧртны,— мамӧ шыасис пач дорсянь.— Пон да кань миянлы тырмас.

— Оз! Йӧвла ветлан, сусед пыр нин тӧнӧ дойдыштас: то турунтӧ омӧльӧс вайӧмыд, то ӧти воӧ кукань чужӧ, мӧд воӧ — бычӧ.

Мӧскӧн сьӧкыд, мӧстӧгыд омӧль жӧ. Мӧснад йӧлыд пыр аслад, а сйӧ Сава батылы зӧв ӧна колӧ, кыиӧмнас нӧрпалӧ да. Шуим лӧсьӧдны мӧс. Сава бать тулысын, пышйӧм вӧвъяс корсигӧн, Ӑмидз ю дорыс прамӧй ыджыд кушин аддзӧма, гӧгӧр кералӧма летороссӧ, весалӧма лӧпӧгысь, арнас додь-мӧд пурйӧн кылӧдис. Турун и пес. Васька

эськӧ воліс жӧ, но эз крукась: совхоз граница сайысь да влас-тыыс эз тырмы.

...Ружьетӧ гумла вылын вӧра-лӧм бӧрын мӧд арӧдз на лои виччысны. А понтӧ, Серко ни-маӧс, Лука пӧльлысь, мамлӧн чожлысь, вайӧді. Серко мекӧд жӧ, чиркъясӧс, визяордаясӧс во-йӧдлӧ.

— Нем, тыдалӧ, тӧлкыс оз ло,— норася Серко вылӧ бипур дорын ноксысь Лука пӧльлы. Быд гожӧм тані сійӧ пусьӧ, ко-саяс тӧчитӧ, уськӧдчылӧ на и куртны, и чӧвтны.

— Лоас. Ай понйыд дырджык оз кутчысь аслас ремеслӧ. Уна ме найӧс видзлі, бурыс и омӧ-лыыс веськавліс.

Ӧти асылӧ дырджык узим; зэръяс понда куртаныс уна чу-кӧрмис да ытшкыны эг петӧй. Пӧльӧ менӧ чукӧстіс вольпась вылысь.

— Сэтӧр увьясла кежавлі. Понйыд кӧндозмӧр камгӧ-увтӧ, шулі, тӧлк пӧ оз ло. Лэбачыс котсыны мӧдіс да Серкоыд пыр жӧ эновтіс. Эн-ӧ чиршӧдлы мы-йыськӧ?

Юрӧ воис понлӧн тулысын ду-рӧмыс. Шондӧыштӧм бӧрын су-сед ывла вылӧ лэдзис чипанъ-яссӧ. Сійӧ жӧ лунӧ пон тепыр-тӧма ӧтиӧс, вайӧма кильчӧ помӧ.

— Гортӧ тай прӧмыстӧ вая-лӧ!— скӧрысь сэки шуис мамӧ.

Сава бать эськӧ пыр жӧ нуӧ-ма вежӧдсӧ, но Серко бара на мунӧма тӧдса туйӧд, бара на мӧдӧма войӧдлыны котсысь-вид-чысь чипанъясӧс. Сусед колскӧ-ма бедӧн кык пель костас. Сы бӧрын кылас котсӧм шы Серко, бӧжсӧ лэдзӧ да уньыртӧ-пышйӧ. Бедь-шатӧтӧ пӧ найӧ дыр оз ву-нӧдны, вермас пӧ понйыд дзи-кӧдз торксыны — висътасьӧм бӧ-рын шуис Лука пӧль. Вот мый-ла, вӧлӧм, Серко эновтӧма кӧн-дозмӧртӧ.

Сава батьӧс вӧрад оз ӧна кы-кы, петалас кӧ, ӧнджыка пуяс вылӧ гоньялӧ, вӧчасыны бӧрйӧ. Коркӧ пырмунігмоз съӧла лыяс; тулысын ойӧдм видзьяс вылысь кымынкӧ жыдач кыйліс. Да и некор сылы: то конюшняын гартчӧ, то кузнечаӧ нуӧдласны, прӧст кад сюрыштас,— горт гӧ-

гӧрын ноксьӧ. А выльсӧ кыпӧд-ны да важсӧ дзоньтавны сиктын некодлы. Пӧрысь йӧз асьныс ӧд-ва ляшмасьӧны, асьнысӧ бедӧн пыкӧны, томъяс велӧдчыны му-насны, а бӧрсӧ оз бергӧдчыны, кӧть и съӧмтортӧ сетӧны удж-сьыд.

Пес керавны грездын олысьяс бӧрйылӧмаӧс орчча сиктӧ му-нысь туйбокса козъя вӧр, вель ыджыд нин кушин артмӧма. Шӧ-рас пашкыр пожӧм кольӧмаӧсь. Татысь ӧтчыд Серко кыпӧдіс меж кодъ ыджыд дозмӧрӧс. Абу на йӧй вӧлӧма чукчиыд, ӧтка пожӧ-мӧ сапкыис-пуксис, небось, он сибӧдчы, выльсянь гӧгӧр сылы тыдалӧ. Куимысь понкӧд тыртӧг бергӧдчим. А кыйны быть кӧйи мудерӧс. Нельӧдысь муні да по-жӧм улӧ ланьтӧдчи, мися, бара татчӧ пуксяс. Сюри ӧд! Петі туй вылӧ, радӧй морӧс кудйӧ оз тӧр. Опнь Мишка буретш тшак вот-ны велтӧма. Аддзис кыйдӧсӧс, ю дорӧ нуӧдӧ, пражитам пӧ прӧ-мыстӧ. Мишкакӧд ӧти кывйӧ эг воӧ. Сэсся ӧд менам тайӧ вӧлі шудасьыс-шуда луныс. Сава бать мый дыра и любуйчис, абу на аддзылӧма татшӧм ыджыд лэ-бачсӧ...

Коркӧ тулысын миян ордын узис сельпоысь заготовитель, Сава батьӧс вӧйпӧдіс бадь кырсь кульны. Ыж куяс дубитӧм вылӧ пӧ сійӧ мунӧ, и плансӧ пӧ зэв ыджыдӧс сетӧмаӧсь, нажӧткаӧн пӧ ог дойд. Луньяс кузьбӧсь, рыт-асывъясын позьӧ пӧсь петтӧдз уджавны. Да и паськыд коръя баддыс грезд гӧгӧр, Ӧмидз ю пӧлӧн вель уна вӧлӧма, мукӧд-лаас чукӧрӧн быдмӧ, керка кер кызтаӧсь. Му дорсянь кыртӧдан ки пыдӧс пасьта, зӧлӧдан бӧ-рыньтчигтыр, йылӧдзыс лышт-сьӧ. Кӧртім кольтаясӧ, дзонь чи-пас чукӧрмис керка дорӧ. Заго-товитель воис тележкаа тракто-рӧн, Сава батьлы шуӧ, тэно пӧ военкоматӧ корисны. Мамӧ пов-зис да и ачыс Сава бать вежсис чужӧм вылас. Вӧліс кӧ телепон, юалін, мыйла корӧны, кутшӧм паськӧмӧн петны гортысь. Век жӧ ноптор лӧсьӧдісны мамӧкӧд, колльӧдім Ӧмидз ю дорӧдз. Ас-кинас ӧшинь улӧ сувтіс зэв збо-дер вӧла, кокныдик кык кӧле-

саа доддын Сава баты барин моз пукалө. Наперво пызан вылө пуктис сьом папуша, сэсся зеп-сьыс перйис дзирдалысь орден. Шуө: «Савалы «Слава» орден сетисны». Вот мортыс, орден сетмабсь, а сийө зептас вайис. Йөзсяныс пө, гашкө, абу лө-сьыд. «Ольөксан пөди гижасис, өтлаын өд сийө тышас вөлим, корлыны колө мортсө». Асылөдз кык друг пукалисны, казътылисны важсө...

Вой узьом бөрын Сава батылы бара выльтор воөма юрас.

— Огө ми Виталейкөд... либө куимнаным мыйкө дыра кежлө эновтлө Қырылбс, петавлө пась-кыдинас. Йөзлысь олөмсө видзөдлам. Виталей во бөрын школа помалас, некөни на жө эз вөвлы. Андреевна дай. Турун пуктөма, картофель босьттөдз позьө шутөвтлыны, меным туйысь оз ков мынтысьны ни,— Сава баты өтарө-мөдарө ветлө джодж кузя, лов вылас кыпид.

Сэтшөм виччысьтөмөн лои Сава батылөн шуөмыс, мамөкөд чөв пукалам. Первойөн сэсся шыасис мамө:

— Коді нө миянөс виччысьсө? Төдм кө Матвейлысь дзеванінсө, тальыштм гусө-а. Без вести-ыдлысь... Виталейкөд, буди. Кутшөм нин ме ветлысь, пөрысьөнэмө. Сэсся өд скөт, овмөсыд, код ки вылө колям.

— Мөскыд буретш сулалө, өна тай сьөкыд рит-асылын лэдзны да йөртны, суседкаөс медавлам.

Мамө зөв меліа видзөдліс Сава баты вылө, малыштис пельпомөдыс.

— Ветлө-ветлө. Ме кута виччысьны тиянөс...

Кык вежон чөж Сава батыкөд төдмасим Москваөн, кежавлім Ленинградө, удитм волыны Украинаөдз. Қвайт во бөрын, воддза вөлөмяныс, чужан сикт местаыс вежсьөма, кыпөдөмны скөт видзан кузь фермаяс, йөзлы оланін. Сиктас волөдз зөв ыджыд обелиск, кытчө гижөма война воясө усьөм-виөм йөзлысь нимъяссө.

— Со, видзөдлы,— Сава баты чуткис чуньнас өти гижөдө,— водзджык гуалөмны.

Ме лыдди: «Иванчук Саватий Петрович. 1908—1943».

— Турун моз ытшкисны йөзтө, код төдас, кытөнъя кодлөн лыясыс туплясьөны,— сөмын и шуис ассьыс нимсө киритігмоз.

...Вежон кымын кадыс коли лөктөм бөрын, семьянымөс бара ускөттө сусис. Со кыдзи ставыс пансьөма. Кольөм кадө Мишка ветлөма школаө арся экзамень-яс вылө, юасьтөг-висьтасьтөг вайөма гортас микроскоп. Керкаас пыртны оз лысьт, пывсянас кутасын видзөдчыны посниджык челядькөд. Қывсяс-паськалас, дерт, сэтшөмторйыд. Школаса велөдысь висьталас батысылы, вермасны пө судитны тиянөс пи вөснаыд. А батыс, шома юрнас, бедь чегъясьтөдз вартас писө, кык лун чөж кок йылас оз сувт мөдыс, қрөшки гыркас оз кылөд. А коймөд луннас өшөдчас сара-яс. Опөнь Васька писө дзевөм бөрын регыд кежас шойна вылө, казялас: крестас дрөбийөн лыйөмаөсь. Явитас милицияө. Отчыд рытгоров погона куим мужичөй пырисны миянө. Вөлөмкө, Сава баты вылө грекуйтөны. Босьтисны ружьесө. Грездын, дерт, эз эскыны мыж лөптөмө, но сэтшөм эз ло лөсьыд куимнанымлы, көть керкаысь эн пет. Қывсьыліс: Агни пө вөрөжитчөма, картыс усьөма казеннөй домысь петөм морт вылө. А коді сэтшөмыс, миян Савасыс кындзи? Узьом ни олөм, сэтчө жө Опөнь Агни луннас некымынысь прөйдитө миян керка дорті, гөлчитө мисьтөм кывъясьөн. Сава баты куимысь нин подөн ветліс допрос вылө. Коджурө бабаяс пиысь эновтны Савалы грезднымөс тшөктасын. Водзджык кө пө эг мун, өни пө некытчө ог вөрзы, нем абусыс ас вылө мыжсө ог өшөд. Пөдөр Ольөксан сэтшөм слава лөптөмысь тшөктө вөлі Васька вылө судө сетны, но кутшөм начальник Сава кодьтө доръяс, а Васька жө коммунист, депутат. Ок, вылө нырсө чатөртөмөн ветлө.

— Со өд кыдзи, Виталей, олөмад овлө,— Сава баты жугыла шыасис ме дорө кильчө вылын пукалігөн.— Ме өд и гусө Опөнь Мишкаыдлысь ог төд, да и шойна вылас эг на кежавлы, көть

дінтыс прѡйдитла. Туйыс эсѣ мунѡ да, вѡрас ог пыр...

...Карын нин велѡдчи, юѡртисны Опонь Васькалѡн кулѡм йылысь. Пи бырѡм бѡрас Васька эщѡ на ѣнджыка мѡдѡма юны, став лѣксѡ гѡтыр вылас веськѡдѡма. Агни шоча и узьлѡма гортас. Оти рытѡ, районысь воигѡн, Васька, грездѡ кежѡм пыдди, кольмѡм юрѡн вѡвсѡ мырдѡн кежѡдѡма турун кыскалан туйѡ. Веж мороз дырйи верст кызь кайѡма Омидз ю пѡлѡн. Қора доддяс и чорзьѡма, асьявив вѡлыс вайѡма конюшня дорѡ. «Мый корсис, сійѡс и аддзис»,— нѡти повтѡг шудѡма бабаяслы Сюзь Аликлѡн мамыс. Қоркѡ пѡ пыравла ѡграда пытшкас крестас кудзавны.

...Бѡрѣя во велѡдчи карын. Думѣяс: велѡдчѡм помалѡм бѡрын кутчысьлыны Қырйивса видз-му овмѡсѡ. Зѣв нин сѣни местаясыс гажабсь. Оз вермы лоны, медым эновтѡм видз-му местаясын коркѡ ковмис тыла ректыны!

Қоркѡ рытсѣрѡ общежитиеѡ пырис нопѣя мужичѡй, порог дорын пѡрччис шапкасѡ, копыртчылѡмѡн чолѡмасис.

— Ѳдва и аддзи оланінтѡ, Виталей. Лолѡй тыри посѣяссѡ кайгѡн.

— Сава баты!.. Тѣ!..— уськѡдчи пызан сайсянь, отсалі мынтѡдны ноп волысѡ.

Вѡлѡмкѡ, гортсянь лѣнзаводѡ вит вѡла доддѡн вайѡмаѡсь арнас тыѡдѡм шабдѣ, кунм вой узьѡмаѡсь вѡлѡкын.

— Аски бѡр вѡрзямѡ. Пызь вѡйѡны, но унасѡ ог босьтѡй, вѡвѣяс сувтѡмаѡсь, и туруныс этша. Қызкѡ, гашкѡ, гортѡдз вѡбдчам,— Сава баты сѣрнитѡ и нопсыс пызан вылѡ гѡснеч ректѡ.— Чѡсмасьѡй, мый шедас пиньыдлы, тѡвнад да ставыс кын.

Пув и солалѡм тшак, кынтѡм пѡжѡм йѡв кѡрышьяс, пѡжалѡм сьѡла клупѣяс, шанѣга и пирѡг — быдтор пуктѡма мамѡ.

— Кѡнкѡ пѡ тшыгѡсь, майшасьѡ мамыд.

— Сюра-тошка мужикѣяс,— шуа сылы,— тшыглы ог жѡ кулѡй. Стипендия босьтам, гортѣясянь отсалѡны, мыйтакѡ ась-

ным најѡвитам: шойччан лунѣясѡ роддомѡ пес пилитны меда-сим, кыкыс вердѡны, сьѡм сѣтыштѡны и. Асьныд,— юала,— кызди оланныс? Мамѡ?

— Мый эсся миянлы, олам. Пес-ва вермам вайны-пыртны. Туруныд мѡслы эм жѡ, тырмас. Лункосмѡсѡн нянь вайѡны лавкаѡ. Ме кузнечаѡ ветлася. Мамыд бабаяскѡд мѡсьяслы лыс пызь вылѡ коз лапѣяс кералѡ.

— Арнас нѡ Серкокод петавлінныд вѡрас?— юала Сава батылыс тѡварышьяс водѡм бѡрын, ачым синмѡс ог вештыв сы вылысь. Чужѡмыс сьѡдѡдѡма, кайлы кокышtmѡн яйыс абу кольѡма, амысь кодь нырыс да чусмѡм лѡзоват синѣясыс и петкѡдчѡны.

— Гортсянь ветлыштѣм, кокѣясным кыкнаннымлѡн дженьдамисны, Виталей. Сѣ джын ур да сымда кымын жѡ сьѡла сюрлі. Куяссѡ тѣныд вайи, вѡчи и быдѡн,— ныра гезйѡ пысавлѡм ур куяс лѣптис пызан вылѡ.— Шапка вур, бур шапка. Қѡнѣя-мыйя эсся кыйсьѡмыс... Велѡдчѡм бѡрад кытчѡ и ыстасны тѣнѡ. Армия на дай...

Войбыд пукалім пызан дорын вѡча, но сѣрнинымѡс эг помалѡй, мыйкѡ сідзи и коли ѡта-мѡдлы висьтавтѡм.

Водзвыв тай он тѡд, кызди бергѡдчас олѡмыд. Сѣки пукавсьѡма Сава батыкѡд медбѡрѣясыс, кык тѡлыс бѡрын воис телеграмма сьлѡн сьѡкыда висьмѡм йылысь, и ловѣянас эг нин сулы...

Шог юѡр воѡм бѡрын котѡрти аэропортѡ, петкѡдла телеграммаѡс, а сѣни миян вѡжѡ мунысьяс сѣ сайѡ морт чукѡрмѡма. Васѡд ру вѡсна енѣжыс бытѣѡ мулань лѣчѡма, ѡйшѡма вѡр йылѡ, прамѡя оз и югдыв ывлаыс. Пажынѡдз аэропортын бергалі, эсся машинаяс юаси кар сайын. Джын туйсѡ эськѡ кокниа вуджи, а мѡд джынсѡ... Думыштла да юрсйѡй сувтѡ. Коді вуджліс Пѡѣл да Палазь вѡлѡкѣяс, венліс Керѣль да Грива чѡйяс — нѣмсѡ оз вунѡд.

Гортѡ вон кѡкѣямысѡд луннас. Мамѡ паныдасис кильчѡ помѡ, буретш вала мѡдѡма.

— Виталей... Сава батыд...

эновтіс мянӧс,— ведраясыс гуль-  
голь усини муӧ, юрыс лёткысис  
менам морӧс вылӧ. Мамӧлӧн  
синъясыс вӧйӧмаӧсь, кажитчӧ,  
быттӧ ачыс чинӧма тшӧтш,  
пельпомӧдз и лоӧма меным.—  
Рытнас дыр эз лок вӧчасян кер-  
касыс, пызан вылын сӧян лӧ-  
сьӧдӧма, ойбыртлі и быдӧн, сӧс-  
ся Серкоыд мӧдіс омлявны. Пе-  
тавны шуи. Биыс сотчӧ, а неку-  
тшӧм шыяс оз кывны. Сійӧ вер-  
стак дорас нӧрӧма, сэтчӧ и кӧ-  
дзалӧма, коньӧрушко. Аски ӧк-  
мысӧд лун, кодравны ветлам...

Вӧлӧмкӧ, апрельын ӧна шон-  
дӧдлӧма, сылӧма кыз лымйыс,  
вӧр юяс вӧсьӧмаӧсь. Сӧсся бӧр  
кӧдздӧдӧма. Вежӧд абу на, бу-  
ретш заптылӧм турун бырӧма.  
Уськӧдчасны зорӧд пыдӧсьяс  
куравны, тшытшны да пуны  
эновтлӧм идзас. Додь кымын  
турун Сава батылӧн кольлӧма  
Ӧмидз ю дорӧ. Сэтчӧ и мунас,  
кӧсьяс кылӧдны пурйӧн. Тувсов  
ва вылын абу вермӧма пурсӧ  
веськӧдны, визулыс нӧрӧм пу  
улӧ сюяс, путкыльтас пурсӧ,  
ачыс йиа ваас бузгыяс-уяс.  
Эновтны эськӧ сылы турунсӧ,  
асьсӧ видзны да уджыс тай жаль  
лоӧма, косьтысьӧм бӧрын бара  
на пырӧма мездысьны. Дӧбӧль-  
киӧдз кӧтасьӧм паськӧмыс дорӧ-  
ма, вылас пӧ чегӧ, ӧдва и воӧма  
гортӧдз. Неуна личӧдыштӧм бӧ-  
рын Педӧр Ӧльӧксан мӧдлӧма  
корсьысьны, мед Сава батыӧс  
мӧдӧдлыны бурдӧдчыны лунвы-  
лӧ, но нинӧм абу артмӧма...

Дасӧн кымын аскинас воим  
шойна вылӧ. Кымынкӧ сьӧд кыр-  
ныш курскигтыр лыбӧдчисны  
муыс, пуксялісны матысса пу-  
ясӧ.

— Серкоыд тані жӧ, Вита-  
лей,— нюркӧдлігтыр кӧрт ӧгра-  
да пытшынь шыясис мамӧ.

Тӧлка пон батыӧс дзебысьяс  
мунӧм бӧрын выльӧн лӧптӧм му  
вылӧ гаровтчӧма кӧлачӧ, абу и  
вӧрзылӧма шогысла, кырнышъ-  
яс кокалӧмаӧсь нин синъяссӧ.

Гортын нин мамӧ висьтасис:

— Лӧсьӧдчӧма нин кувны,  
шонъянӧй, кылӧма пытшкӧснас,  
кӧть некор эз гаравлы. Ачыс  
вӧйысис карӧдз шабді лӧтчӧд-  
ны: Виталейӧс пӧ окота аддзыв-  
ны. Горт пӧвьяс водзвыв дасьтӧ-  
ма, сӧмын дор кӧрт тувьясӧн.  
Ӧтчыд пыралі кузнечаас, ку-  
тшӧмкӧ кӧртъяс нюклялӧ, сусед  
пӧ коколюка тшӧктіс дорны.  
Ӧградасӧ нин дасьтӧма, мед не-  
кодӧс не дӧсадитны. Со мый  
ыдждаӧс вӧчӧма, менам вылӧ  
дай.

— Но, мамӧ,— горшӧй гӧрд-  
дзасис аслам, доршасьӧ син-  
ваӧй,— ставӧн сӧсся другӧн ӧг  
кулӧй.

— Сідз эськӧ да,— мамӧ пыді-  
сянь ышловзис.

Педӧр Ӧльӧксан сой пӧвнас  
чышкалӧ жӧ синвасӧ.

— Зӧв бура батыӧ дзевим,  
Виталей,— юрсӧ лӧптывтӧг шы-  
сис сійӧ.— Сикт кодъыс колльӧ-  
діс. Районсянь ворсысьяс воліс-  
ны и...

# Чума

## ВИСЬТ

Нате съыліс. Съылан шыыс вöлі öти пöлöс, быттö олöмыслөн надзмöм öдыс. Съылö Нате, и син водзын ворсöны кольöм кадлөн серпасъяс. Сійö сьöкыд вoыс вайис уна лёк, ичöтмисны и сідз нин дзoля рöдъяс, тундра кузя ветлаліс сьöд, пеж висьöм — чума. Частöкодъ аргыш туй вылын петкöдчывлісны хальмеръяс — разьöм чомъяс улын куйлöны шойяс.

Со и öни тыдалö хальмер-чом. Öдйö бокланьö лёк местасъыс тэрыба чепсöдлöны-вöтлöны дадювъяссö. Но хальмер дорын ясыда тöдчисны кок туйяс.

— Э-э-эй! — кыліс Нате. Малича юрсö чошкöдіс — збыль кодкö горзіс. Горзöмыс кыліс хальмер чом дорыс. Нате казяліс — кодкö котрö на дорö. Сувтöдіс кöръяссö. Нателөн жальлунён ойдіс сьöлöмыс, кытчöкö вошис чума висьöмысь полöмыс. Паныд котöртысьыс вöлöма детинка, бöрдіс и сераліс сійö лёк серамён, легис-веглясис омöльтчöм тушаторнас, кыкис Натeöс хальмер чом дорö. «Колöкö, сэтөн нöшта на кодкö выйим ловъяыс?» — думыштіс Нате, веськöдчис сэтчö. Збыль, лым вылын ливзіс-уяліс арöса кага. Пидзöсъясыс да ки пыдöсъясыс кымалöмаöсь, сьöдасьöмаöсь. Нате босьтіс ки вылас кагасö да суйис питшöгас, малича пытшкас.

Сэрöдэтта, Нателөн кöзяиныс, повзьöмсьыс мунöма ылö водзö. Натeöс вичъысöма сöмын аслас гöтырыс — Санэ.

Санэ босьтіс верöс кыыс арöса нывкасö, гартіс сійöс шоньд пасьö, кодöс пöрчис вылысьыс. Ачыс перйис доддысь няр малича. Детинкаöс суйисны гöна паркаö, пытшкö.

Воедö \* Нате да думайтö: «Мый öни сьлөн доддяс — шуд али шог семьяыслы? Енмыс абу босьтöма кык кагалысь ловсö, буракö, сідзи шуöма вылісяньыс. Медым Сэрöдэтта кöзяиныс скöралас, мыйта вермö. Сы вылö и кöзяин, но öд батракыс медводдзавыс на аснырөн вoськов вöчис, кызд сьöлöмыс тшöктіс. Медым скöралас Сэрöдэтта. Но босьтас сійöс бöр семьянас али оз, мый семьяскöд лöб? — сійö думыс эз мун юрсъыс сэтчöдз, кытчöдз Нате эз кыв Сэрöдэтталысь горöдöм. Кöзяиныс сулаліс мыш \*\* вылын пищальён киас. Лыйöм шы косяліс сынöдсö — пищаль вoмыс видзöдіс енэжö.

— Висьтала тiян, матö эн локтöй! Тi ваянныд висьöм! Чомныдтö пунктö сэтчö, кöні сулаланныд!

Сы бөрвывті кыв ни джын эз керышт, бергöдчис мышкүйөн да муніс вöрзыны водзö, бöкланьö висьöмсьыс. Коловöнö ёна повзьöма, чомсö сувтöдöма абу мыш вылын, кызд вöліс водз, а горулын, морт синмысь бокланьö.

Сьöдз и янасын олісны кымынкö тöлысь. Кöзяин эз тшöктыв матыстчыны чом дорö да стада дорö, сёрнитісны ёрта-ёртныскöд дöза ылісянь, кытысянь позис кывны öта-мöдтö горзöмөн. Көр яй батракыслы сетліс жö, тшыгсьыс мед оз жö кувны. Куласны кö, мед нин висьöмысь.

Нате оліс сідз, быттö сыладорö видзöдіс пищаль вом, коді вермас коркö пезьдыны. Нате, кызд вермис, гажöдіс семьясö. Съыліс налы мойдъяс, кытөн бурыс пыр вермыліс лёксö. Воддзасыс частöджык кыліс кыв «ен», сылы юрбитлісны: «Енмöй, Енмöй, бурдöд кагажстö, висьöмсö татчö эн вай!» Мыйта эз вичыны, а висьöмыс пыр эз лок, челядыс вöлісны дзоньвидзаöсь. Полöмыс вöлян ямис. Нателөн бöр пуксис лад вылö олöмыс.

\* Воедö — котрöтö.

\*\* Мыш — кушин, мыльк.

## Поэзиялы овны...

«Көни йөз, сәни и поэзия» — та йө латинскөй шушьөг. А нөшта поэбө шуны тадзи: «Кытчөдз оласны коми йөз, сэтчөдз и овны да сөвмыны коми поэзиялы». Буретш та йылысь висьталöны 1991 вося «Войвыв кодзув» журналын йөзөдөм поэтической гижөдьяс. Лыддян и аддзан: поэтьяс төдöны-гөгөрвооны, мый коми поэзиялы водзö овны, коть кутшөм төв мян юр весьтын эз шутяляв, кутшөм коть бушков мян му вывтi эз мун. И сьылöмыс поэтьяслөн кывмөн на юргö: долыд-мөдлө и жугыльмөдлө, ызьёдлө и нормөдлө.

Кольөм вося «Войвыв кодзув» журналын йөзөдөм поэтической гижөдьясысь тыдалö поэтьяслөн ёна паськалым да джудждаммөм видзөдласыс. И йөзөдöма уна сэтшөм гижөд, кодьясөс йөзөдөм йылысь воддза воясö эз вермы лоны некутшөм сёрни. Со и Геннадий Юшков пасйö «Вежа Степан» да «Питирим Сорокин» кывбурьяс динö, мый «найöс вöли гижöма 60-өд воясö на, но некөн абу йөзөдлöма тема сертиыс поэтьомысла».

И збыльысь, сизимдас во гөгөр властьяс зилисны топöдны искусствосö классөвöй да материалистической границаяс костö. Вöли кад, кор Павел Доронинлы лои сотны ассыс пöшти эштöдөм романсö. А В. Савин, В. Чисталев, А. Маегов, кодьясөс власть сисьтис тюрмаын, ассыныс мөвпьяссö видзисны пыдö лов пиас дзебөмөн. Тшөтш со и Илля Васьлөн 1936—38 воясö гижөм кывбурьяссö лои йөзөдöма «Войвыв кодзув» журналын 1990 воын.

Искусстволы ковтөм мытшөдьяссö, кодьясөс шулисны важ олөмсö мичмөдөмөн (идеализацияөн), аполитичностьөн, буржуазной национализмөн, öтик визуал-люзгём теорияөн (теория единого потока), лои пөрөдöма.

И öни ми выль синъясөн аддзам да донъялам олөмсö пöч-пöляслысь, мянлы туй индысьяслысь, сьөлөм сетясьяслысь. «Вежа Степан» кывбурын Г. Юшков пыдди пунктö Степанöс сысысь, мый ми эг бырöй кольөм нэмьяс костас. Квайтсё нэм сайын на вежа Степан петкөдис комиясöс югыдджыкинö, йитис найöс мукөд йөзкөд. Сийö вайис ассыс велөдөмсö коми кыв вылын, коми анбуркөд да коми небөгкөд, вöчис, мый вермис, сы могысь, медым дзөньвидзäөн колис коми культура, мед водзö сөвмисны комияслөн мывкыд да сям.

Велөдысь туйö пунктö Геннадий Юшков и Питирим Сорокинöс, кодi, сы ногөн, абу «Ленин, ырьян большевик».

Водзö кö сёрнитны сьлөн поэзия йылысь, шуа, мый 1991 вося «Войвыв кодзув» йөзөдис сылысь унакодь кывбур нравственно-этической проблематика вылö. Талы сиöма «Важөн и öни», «Бөрйысьöm бöрын», «Ловья юрөн мынтөмтор» кывбурьяс. Поэт мунö паныд ставнысö öткодьялөмлы, сэтшөм социализмлы, көни, баксöны кö, ставныс öтпырйөн, да «некод чöскыда оз узь». Юшков олö поэзияс ёнджыкасö сийөн, мый сылы аслыс лөб вöчны да венны:

Чужан мулысь кылi шог,

Панi «Кöми котыр».

Поэтлөн ёсьлуныс, экспрессияыс ёна содис «Войвыв кодзувлөн» дас кыкөд номерын йөзөдөм кывбурьясын. Тайö нин лолыслөн горзöм:

Бытьтö сiгалыштiс кöч

Кöми йөзсö татчö.

Бытьтö нинөм нин он вöч,

Ог нин помсö аддзöй.

Юшковлысь «Адзылан кодзувкоткар...» кывбурсö лыддьöм бöрын мөвпалан, эз-ö и коми йөзыс тадзи ланьтыны кулөм кодзувкотьяс мозыс да сөсся коть мый накөд вöч:



батьсё Сталин дырйи мыждылө-  
маось сысысь, мый вёлёма попён,  
да лыйлөмаось. И кор ставён  
бёрдисны Сталин кулём понда,  
ётнас Пиля эз бёрд:

Петас пос помас зіля,  
Шковгас пищальысь кушас.  
Шонъян батыслён лолыс  
Мед пё лыйёмсё кылас.  
Гашкё, кылас да волас  
Вичкодорса кыр йылас.

А сэсса лыддян, мый олөмыс  
бара кутіс гажтөма рөдтыны во-  
дзё. Но Пиля век жё мыйкө мын-  
да ловзьё. Весиг радейтана вөр  
керка йывсыс казътылө:

Кувтөдз нөшта көть өтчыд  
Муса банькаын узя.

Гижөма мича коми кывйён, и  
кывбур техникаыс вылын, но век  
жө виччысян мөрччанаджык сю-  
жет да конфликт. Чайта, мый  
авторлы, коді уджалө поэма  
вылас, водзё удайтчас мыйкө  
мында мездысьны тайё тырмы-  
төмторсыс.

Бура артмөмаось В. Напал-  
ковлөн «Пелысь» да «Важ лөсас  
вылын» кывбуръяс. Пулысь, вөр-  
лысь та мында рөмъяссө вермө  
аддзыны да на йылысь висьта-  
вны войвыв муын олысь шань да  
вежөра морт.

Ёся, экспрессивнөя гижө Вла-  
димир Тимин, кодлөн поэзия пыр  
мунө мортсё уна боксянь кылө-  
мыс да аддзөмыс:

Талун ставыс кисьям  
усьё —  
Абу аслам ки ни юр.

Гижөдъясыс Тиминлөн быттё  
мынөм пружинаяс, аслас вынөн  
ловьяось. Татшөмөсь сылөн  
«Пөчлөн кыв», «Овлө, скөр-  
ман...», «Но и сёлөмөс тэ кось-  
тин» кывбуръяс. Мелілунон өвтө  
сылөн «Оліс-выліс гажа колип»  
кывбурсянь, кодөс сійма Лидия  
Логиновалы:

Паськыд парма вөрыс  
ловзис —  
Выль шы кывны эз нин  
чайт...  
Сьыв да нинөмысь эн  
повзвы,  
Тэкөд долыджыка овсьё,  
Мелі коми колипкай.

Но и скөрлун йывсыд Тимин  
кужө жө висьтавны:

Овлө:  
Скөрман, пузян, кусьыд  
петан  
Сы выйөдз, мый нинөмтор  
оз кут...  
Омөлясыс вежөмаось  
быттё...

Ме татшөмнас Васё Володътө  
некор на эг аддзыв. Öтитор сө-  
мын и думыштан: ачыс өнія олө-  
мыс та выйөдз вермө вайөдны  
морттө.

Со и олөмсө бура кылысь-ад-  
дзысь Василий Лодыгин, кодлөн,  
чайта, бура артмөмаось «Рай»  
да «Эжва бара арся ваяс нуб»  
кывбуръяс, өтилаын гижө:

Корсюрө ме овла вель жө  
скөрөн,  
Торйөн сэк, кор пыравласны  
йөрө.  
Гөгөрвоа: челядь эськө тайё,  
Но ог вермы прөститны  
и найөс.

Тайё, ме ногөн, чорыдджык  
нин принципъяс. Кызкө вот оз  
жө ков чорыдлунтө чөжны, мед  
сэсса ачыд матө эн во. Да и  
морт сёлөмыд сы вылө и эм,  
мед прөститны.

И со тані веськыд туй визьсө  
индө война пыр мунлөм морт,  
коми поэт Иван Михайлович Ва-  
вилин, кодлысь кывбуръяссө йө-  
зөдөма 1991 вося «Войвыв ко-  
дзувлөн» дас өтиөд номерын:

Дерт, овлө сёлөм дөзмылө,  
Кор мырьсөм вошө весь,  
Но лөклунөс ме йөз вылө  
Эг пелсы и ог пес.

Томьяс лыдысь бур киподту-  
йөн торъялө Александр Лужи-  
ков. Сылөн кывбуръясыс фило-  
софскөйөсь, выль ногөн мортлысь  
ловсө востанаось. Поэт көсийө  
төдны, мыйысь тэчсё йөз костса  
өтсөгласа олөмыс, мыйысь зы-  
кыс, лөглуныс, этш төдтөмыс,  
мортөс мортөн пыдди пуктытө-  
мыс.

Сылөн кывбурын мортыс мунө  
пемыд вөрті, а лолыс сылөн лэ-  
бө югыд енэж шөрті. Көть эськө  
и лыддылан, мый лолыс пө ка-  
чө вылө сөмын мортыслөн кулём  
бөрас. Та йылысь, шуны кө, эм  
Александра Мишариналөн кыв-  
бур:



кывбурьяссё лыддигөн ме казя-  
лі, мый тайё «лирической мелан-  
холия», кызди шуліс нин ас кадё  
Олег Уляшев Елькинлөн воддза  
кывбурьяс йывсыс: унакодь сэні  
сёрниыс узьём да унзіль йылысь.  
Воисджык сьёлём вылө сылөн  
«Кокниа овлі и сьёкыда овлі...»  
кывбур. Олі эськё и Александр  
Некрасовлөн (Гамса) корсюрё  
паныдасьлысь косіник гижөдьяс-  
төг. Оз на төдчы аслас туй вылө  
петёмыс Лукерья Валеялөн. Да  
и нималана коми поэтъяслөн жу-  
гыд паныдасьлө.

И мед көть мый эз чужты коми  
поэзияёс, но мед сійё вөлі збыль  
поэзия, а абу қыв песём либё  
кывйён печласьём, мед вөр? ёдіс  
лыддысьсысьлысь сьёлёмсө да  
озырмөдіс сылысь ловсө, мед  
поэзияыс вөлі ловъя, а абу кос  
да гажтём лыддьөдлём, и мед  
эз доль пыр өтисө, нинём выльсө  
сы динё содтытөг.

Кутшөмсюрё аддзёмъяс, чай-  
та, эмбсь и Иван Тарабукинлөн,  
Эдуард Тимушевлөн, Леонид Га-  
митинлөн, Александр Некрасов-  
лөн (Гамса), Леонид Елисеев-  
лөн, Тамара Кочановалөн, Ольга  
Кутькиналөн кывбурьясын. Ме  
тані ог сёрнит челядьлы лыд-  
дём вылө гижөдьяс йылысь.

Дерт, бура эськё вөчис «Вой-  
выв кодзувлөн» редакция, кутіс

кө сетны журналлөн бөрья лист  
бокьяс вылө дженьыдик справ-  
ка «Миян авторьяс», мед тыда-  
лісджык, кысянь, кутшөм сикт-  
карьяссянь вооны гижөдьясыс.  
Да и лыддысьсысьясыс эськё ви-  
дзөдісны гижысьяс вылас сюсь-  
джык синъясөн.

А поэтъяслы колё сөвмөдны  
унджык жанр, тшөтш и сатири-  
ческойясөс. Тайё жанрын 1991  
воын «Войвыв кодзув» йөзөдіс  
сөмын өти гижөд — Александр  
Некрасов кывбур вылө Олег  
Уляшевлысь пародия.

Кызди лыддысьсысьлы, меным  
тыдовтчис, мый во заводитчигас  
кывбурьясыс вөліны ёнджыкасө  
небыдджыкбсь. Эпикаыс да эле-  
гияыс вөлі унджык. Сэсся ты-  
довтчис и зумышлун да ёсьлун,  
весиг скөрлун. Буретш сідзи кы-  
мын, кызди Г. Юшковлөн төдса  
кывбурын:

Ми — комияс!

Ми — парма шөрсә вөрыс!

И овлам меліось, и  
зумышось,

И скөрөсь!

Мыйкө ме гөгөрвоа коми поэ-  
зияс ас ног, мыйкө ас видзөд-  
ласөн пукта пыдди, а мыйкө и  
ог. И кадыс, дерт, стрөгджык  
суддя. Буретш сійё сетас став  
гижөмторьясыслы збыль донсө.

## Войвывса вөр-ваті ветлігөн

ЧУЖАН МУ тӧдмалӧм могысь котыртӧм экспедициялӧн туйяс йылысь висьталӧ ачыс юяс, кыті ми кутам кывтны. Илыч (Ыльдз) стӧча кӧ вежӧртны, лоӧ «ылӧдз». Абу и дженьыд тайӧ туйяс, 400 сайӧ километр. Унджык туйсӧ юяс визувтӧ Войвыв Из пӧлӧн, кытчӧ усьӧны уна посни ю да шор. Из мӧдар бокас усьыс юясыс да шоръясыс нуӧны васӧ Сибирса ыджыд Обь юӧ. Тан, сідз шусяна Европаӧс Азияысь торйӧданіныс, а мӧд ногӧн кӧ, ӧтлаасяніныс. 1930 воын Илыч юлысь ыджыдкодь юкӧн вӧлі сюйӧма сӧмын на котыртчӧм Печоро-Илычскӧй заповедник улӧ индӧм территория.

Троицко-Печорскӧй районӧс тӧдмалӧм могысь ме видзӧдалі ӧткымын материалъяс, ӧд миян экспедицияным буретш кутас прӧйдитны татчӧс местаясті. Колӧ шуны, мый Илыч бассейн йылысь гижӧма зэв на этша, сідзкӧ миянлы, туристъяслы, буретш и колӧ пуктыны мог, мед тӧдны унджык асланым му йылысь.

Шӊр нэмъясӧ тані вӧвлӧма югралӧн му, тайӧ йӧзыс культура сертияс матынӧсь комилӧн, хантылӧн да мансийлӧн культуракӧд, XIV—XV нэмьясын найӧс, вӧлӧмкӧ, зырӧмабсь Из сайӧ. Эмӧсь гижӧдъяс, кӧні висьтавсьӧ, мый югра муяс вылӧ волӧмаӧсь походъясӧн ыджыд княжескӧй воеводаяс.

XIX нэмлӧн мӧд джынйын купеч А. М. Сибираков Войвыв тӧдмалысь В. Н. Латкинлысь могъяссӧ олӧмӧ пӧртӧм могысь прӧйдитіс Из вомӧн, вӧрсӧ кералӧмӧн писькӧдіс туй, вуджис нюръяс вомӧн Печорасянь Сибирӧ и воис Ляпин пристаньӧдз, коді сулалӧ Обь ю вылын. Сибираковлӧн востӧм туйясыс артмӧдӧны кык купеческӧй туй: ӧтияс — Шугор пӧлӧн, мӧдыс — Илыч пӧлӧн. Буретш тайӧ туйяс кузяыс позис петкӧдны Сибирса

донтӧм нянь Архангельскӧй да Вологодскӧй губерниясыӧ, тайӧ губерниясыс пырлывліс и Коми муным...

Шугор пӧлӧн туйсӧ миян экспедиция прӧйдитіс 1989 воын... Ми вӧлі тӧдам, мый 1923 воын профессор А. А. Черновлӧн Войвывса научнӧй экспедицияыс прӧйдитліс Илыч пӧлӧн йывсянныс да ю вомӧдзыс, но сэк налӧн вӧлі мог, медым стӧчмӧдны география... Вӧвліны, дерт, и вакузя кывтысь туристъяс. Налӧн гижӧдъясӧн ме тӧдмасылі Сыктывкарын, но налӧн ветлан-мунан могъясыс вӧліны сэтшӧмсь, медым тӧдмавны, кӧні джуджыд-ӧ юяс, кӧні кутшӧм перекатъяс, ӧшалысь из скалаяс да мукӧдтор. Мукӧд местаяс тӧдмалӧм йылысь некутшӧм пасйӧдъяс абуӧсь. Сӧмын, гашкӧ, Печоро-Илычскӧй заповедник йылысь унджык гижӧма, но тайӧ гижӧдъясыс торъялӧны асланыс тематиканас миянӧн сувтӧдӧм могъясысь.

Миянлы жӧ колӧ тӧдмасыны сійӧ местаяснас, кытчӧ, шуам, эз на тувчывлы мортлӧн кокыс, а сӧсся висьтавны та йылысь, а сы вылӧ позянлунъясыс лоины — миян туристъяслы сетӧма Коми республиканскӧй смотр-конкурс вылын чужан му тӧдмалысь клубъяс пиысь лауреатъяслысь ним. Такӧд тшӧтш миян Сосногорск карысь 9 номера СПТУ-ын велӧдчысыс ветлісны Ставроксияса смотр-конкурс вылӧ, коді муніс Хабаровск карын. Чужан му тӧдмалӧм йылысь докладнымӧс донъялӧма зэв вылӧ, Сибирь, Дальнӧй Восток да Крайнӧй Север зона пасьтаын миян туристъяс босьтісны первой места, наградитісны I степеня Дипломӧн. Таысь ӧтдор миянлы сетісны позянлун ветлыны Ставроксияса слӧт вылӧ Севастополь карӧ.

1990 вося июнь 15 луно водз

асылын 9 номера СПТУ-ысь чужан му тӧдмалысь экспедиция петіс ылі туйӧ. Экспедицияӧ пырисны Андрей Науман, Костя Щерба, Митя Рудат, Наталья Казакова, Анастасия Ладанова, Андрей Мусорин, Виталий Жолтиков, Павел Новоселов да ме. Петім Сосногорскянь да веськӧдчим Печоралань, а сэсса Вуктылланы. Вуктылса 3 номера газокмпрессорной станциясянь мияны колӧ мунны газопровод пӧлӧн Сибирлань Из дорӧдз, а Тима-из пӧлӧн петны Илыч а вылӧ. Сэсянь пӧльтӧм пыжъяс вылын лӧччыны Илыч кузя Печора ю вылӧ, сэсянь нин — Троицко-Печорскӧдз. Тайӧ ва туйыслӧн кузьтаыс 450 километр. Колӧ пасйыны, мый тайӧ местаясас гежӧда паныдасьлӧны оланінъяс, эмӧсь кӧ, олысьясыс сэн этшаӧнӧсь. Тайӧ туйсӧ ми шум прӧйдитны тӧлысьӧн. Нопъясын кыскалам туристъяслы колана кӧлуй-паськӧм, киноаппаратура и куим вежон кежлӧ сёян-юан. Надейтчам, мый Илыч кузя кывтӧгӧн ми вермам сувтлыны кутшӧмкӧ грездӧ да сәні ньӧбны содтӧд сёянсӧ...

### ӦТА-МӦДНЫСӦ РАДЕЙТӦМӦН

Уна во чӧж Войвывса да Сибирса йӧз йылысь шулісны, мый найӧ кольӧмаӧсь цивилизациясь, мый найӧ олӧны сӧмын асланыс интересъясӧн и оз кӧсйыны некодӧс вӧтӧдны. Кутшӧмкӧ ногӧн кӧ, тайӧ таdzi и эм. Ӧд ыджыд культурной центръяс миянсянь ылынӧсь да и бур туйяс абуӧсь на быдлаын. Но ме ог вермы воны ӧти кывйӧ, мый найӧ кольӧмаӧсь культураысь, ӧта-мӧд дорас сибыдлунысь да ӧта-мӧдӧс пыдди пуктӧмысь.

Войвыв йӧз век торьявлісны сійӧн, мый ёна отсасьлісны ёрта-ёртыслы. И кымын ылынджык найӧ олісны районлӧн центръясысь, сымын тайӧ ёртасӧмыс вӧлі крепыдджык. Войвыв йӧз некод эз ӧтдортлыны мӧд кывъя войтырӧс. Миянлы, СПТУ-ын велӧдчысьяслы, ковмыліс волыны Печора бердса сиктъясӧ и Из сайса олысьяс ор-

дӧ, кӧні ӧтсӧгласӧн олӧны коми-яс и рочьяс. Ачыс нин войвывса вӧр-ваыс тшӧктіс йӧзыслы овны бура, отсавны ӧта-мӧдлы, ӧд татӧг тані некыдз оз позь. Тэ вӧчан бур, тэныд кык мында бур вӧчасны. И некод некод оз артась, ёрта-ёртлы отсасьӧм некыдз он вермы донъявны сӧмӧн.

16—17 арӧса зонъяслӧн да нывъяслӧн мыш саяныс 40—50 килограмм сӧкта нуанторъяс. (Вот сэсса и гиж удж йывсьыд законъястӧ, кодлы уна-ӧ позьӧ пуны!) Надзӧникӧн восьлалам тракторъясӧн жугӧдӧм туйяс кузя, овлӧ, помся зэрӧ и зэрӧ, туйяс дзикӧдз тшыкӧны, гӧгӧр гӧпьяс, колӧ вуджны ойдӧм шоръяс да ёльяс. Муртса дугдыштлас зэрыс и миян вылӧ уськӧдчӧны номъяслӧн дзонь кымӧръяс: найӧ тані торйӧн нин скӧрӧсь. Овлывліс, мый кодкӧ зоньяс пиысь ку пытшкӧсьясыс нин петӧ: «Колӧ жӧ ас кӧсйӧм серти петны тайӧ мука вылас». Но кор аддзӧны, мый миян нывъяс Наташа да Настя пыдди оз пуктыны нинӧм, мунӧны да кос нянь йирӧны, и нӧшта сералӧны, зонъяслы быть ковмас лоны «рыцарьясӧн».

Мӧд луннас, июнь 16 лунӧ, миянӧс босьтӧны ас вылас трелюйтчан кык трактор. Матын тані эм вӧрпункт. Трактор вылын уджалысьясыс — ас кадӧ дзескыдінӧ веськавлӧм йӧз, ӧні найӧ олӧны тані, некытчӧ петавтӧг (мунан кадыс абу на воӧма), пӧрӧдӧны вӧр. Тані разной арлыда йӧз, 20 арӧссян 50-ӧдз. Быдладорысь. Найӧ отсалӧны миянлы новлыны кӧлуйнымӧс тракторъяс вылӧ, пуксьӧдӧны миянӧс. Кык час да джынийӧн ми мунім 15 километр, сёрнитім олӧм-вылӧм йылысь: кӧть и сӧкыд налӧн уджыс и овнысӧ баракъясын абу кокни, некод на пиысь оз норась, ми весиг эг кывлӧй, мед кодкӧ матыкыштіс либӧ шуис лӧк кыв код йылысь кӧ. Та вӧсна и сёрниным миян кыпыд да интересной...

Медбӧръясысь тракторъяс вуджисны ыджыд няйт гуран да кыпӧдчисны джуджыд мыльк вылӧ. Тані ми и янсӧдчим выль тӧдсеаяскӧд, сним ӧта-мӧднымлы быд бурсӧ...

Лун мысти мянлысь туйны-мёс потшис Светлэй нима ю. Мёдар берегдзис метр 25. Юыс визув, уна коскъяса. Орчён тыдаліс пос, кодёс босьтчёмаёсь вёчны, но абу на помалёмаёсь.

Июнь 18 лунё асывнас мян бипур дорё матыстчис геологъяслён вездеход. Корам найёс мянкөд завтракайтны. Тайё газопроводлөн Вуктылса управлениеын уджалысьяс Н. И. Родионов да А. Н. Александров. Найё радпырысь пуксьёны мянкөд юны чай и ксьйысьёны нуодны дзик Илыч заводитчаниндз, көні Тима-Излөн веркёсыс, тайё туйёс мянлы ковмис эськё восьлавны кык лун чөж. 23 километр мунім прамой баринъяс моз. Бура ёртасим Николай Ивановичкөд да Александр Николаевичкөд. Локтан во найё корисны мянёс ветлыны Ыджид Из дорё: «Лоо кө позялун, отсалам вертолётөн и вездеходён, ми өд тшөкыда лэбзывлам газопровод пөлөн, коді вуджө Из гөрасё». Ас йөзөн ми лоим и Николай Ивановичлөн лайка понлы.

Вуджим Тима-Из, сылөн веркөссян бура тыдалө Войвыв Ураллөн мича серпасыс. Лэччим горув, көні заводитчө нюр, сійө зэв ва, ичөтик шоръяссян да юяссян тані и заводитчө Илыч юыс. Дасьтім пөлтөм пыжъяс. Геологъяс прөщайтчөны мянкөд да водзё мунёны асланыс туйөд. И мян заводитчө ыджид ва туй...

Кывтам мөд вой. Ставыс төдтөм. Туйнымёс потшөны ваё пөрласьём пуяс, ми кыпөдалам берегө пыжъяс, ректам нопъяс, сэк кості заводитіс чорыда зерны. Ковмис кымыньтны пыжъяснымёс да пырны улысас. Тадзи и ковмис коллявны войсё. Берег вылас быдмөны гырысь козьяс, пожмөъяс да ньывъяс, водзын, пуяс сайын, тыдалө ыджид нюр. Бур ещө, мый веськалім вывтас местаө. Кыпаліс ыджид төв, кутіс катлөдлыны пуяссө, мый весиг кылө, кызди орласьёны пуяслөн вужъясыс. Дерт, татшөм пуяс улад узьнытө абу ёна лөсьыд, но ми такодам асьнымёс, мый көбь и усясны пуясыс, найө оз лямөдны мянёс, сөмын вужь-

яснас вермасны кыпөдны вывлань. Вөчны нинөм, мунны водзё оз позь. Мөд асывнас мян дорё сувтіс мотора пыж, вөлөмкө, Вуктылса чери кыйысь. Гашкө, сійөс вайөмаёсь татчө вертолётөн либө вездеходён. Төдмасим, шуөны сійөс Николай Егоровичён. «Вуктыл — Сибирь газопровод стрөиттөдз тайё местаясас чериыс пүөмөн-пуис, — висьталіс Николай Егорович. — А өні, газопроводсө стрөитөм бөрын, а сійөс ставсө мавтөма битумөн, сійөс мыськалө ваыс, нййтсьөдө юсө, и йөзыс кутісны унджыкөн веськавны татчө. Сэсся нөшта и эз кут вермыны кыпөдчыны чериыс: уналаті вөчалісны туйяс, юсө потшалісны, вот и бырө чериыс». Отвылысь Николай Егоровичкөд юим чай, сійө стөчмөдіс мян карта вылын өткымын местаяс. А сэсся пөрөм пуяс дорті кыскасьөм бөрын кывтіс увлань Илыч кузя. Мянлы вөлі зэв нимкодь, мый тані аддзсым бур морткөд, вердім и юкталім сійөс. Жаль, мый овсө эг юалөй сылысь. Унаысь на ми аддзсылім татшөм өтка чери кыйысьяскөд, промысловикъяскөд да прөстө ветлысь-мунысьяскөд, и быд пөрийө найө волісны мянлы отсөг вылө, и ми, мыйөн вермим, отсавлім пикө воөм мортлы. А кызд нө мөд ногыс? Абу өд прөстө Евангелиеө гижөма: «Радейт асьсыд матыссатө асьтө моз».

## ПРОМЫШЛЯЙТЫСЬЯС

«Көкө-чойө, дыр-ө на мянлы кывтны?» — Наташа бергөдөма асьсыс гождьялөм чужөмсө вөрлань. Дыр на лыддьөдлө көкө-чойө...

Илыч гөгөрса вөр-ва, позьё шуны, дзик на вөрзөдлытөм, та вөсна сійө кыскө ас дорас. Тшөкыда позьө аддзывны, кызди дзик ныр улад уялөны пулюшиттөм уткаяс, дзодзөгъяс, мян син водзын юсө вуджөны йөра да сылөн пиыс, берег пөлөн ньөти повтөг котралөны көчьяс, оз дзесьясьны мянысь и ошьяс... Да и енэжас кымөръясыс кажитчөны уна рөмаёсь, сөстөмөсь, найө өд-йө вежлалөны асьсыныс рөмъяссө. Ю весьтө өшөдчөмаёсь гы-

рысь скала-изъяс, ылын тыдалысь гора йывъясас куйлө лым, сійö кажитчö кельыдлөзöн. А кутшöм сөстөм да мича тані вöрыс. Друг, пыж ныр водзын чечыштас ыджыд ком, коді ва веркөссыс куталö бобувъясöс. А вöрас сэтшöм мичаа сьылöны быдсяма лэбачыс. Войясыс тані югыдöсь, көть пуксы да книга лыдды! А век жö медся донаыс сійö, мый Илыч пöлөн олöны бур сьөлöма коми йöз. Найö некор тэнö оз öтдортны, вердасны и юкталасны, сетасны медбöрья няньнысö...

Витöд лун нин ми кывтам Илыч кузя, и со тыдовтчис Войвыв Ураллөн Қожим-из. Тані ми паныдасим кык прöмышляйтиськөд. Налөн пу пыжаныс вöлі тыр чери. Матыстчисны ми дорö буретш сэк, кор мыччым узьлан мешöкъясыс. Найö тэрмасисны кыпöдчыны вывлань, а ми босьтчим лөсьöдны сөян-юан. Та вöсна уна сёрнитны эз удайтчы. Кыкнан чери кыйысыс Еремей грездысьöсь. А сэтчöдз миянлы кывтны да кывтны. Сэн, Еремейас, эм промхоз, сылы найö и кыйöны черисö. Медсясö шедöма ком да сир. Тöвнас найö прöмышляйтöны зверöс: тулан, ур, руч да мукöдöс. Найö миянлы вöзйисны чери, но ми эг босьтöй, öд асьным кывтам ю кузя. Найö стöчмөдисны миян карта ылын мунан туйнымöс да катисны вывлань. А ми ещö дыр на дивуйтчым, мый кыпöдчöны слабиник «Ветерок» моторöн, а туйыс öд абу дженьыд, сё сайö километр. Оз öмöй позь прöмышляйтись йöзыслы сетны вынаджык техника?..

Июнь 24 лунö ми прöйдитим некымын ыджыд ва усянінъяс, буракодь ставөн көтасим, но век жö воөдчим Қожим юлөн вомö, коді заводитчö Қожим-изсянь. Гöраыслөн веркөсыс абу на мездысьöма лымъя «шапкаясыс». Гөгөр чурвидзöны гырысь скалаяс, на ылын быдмöны лыска пуяс. Илыч юлөн веськыдларас, дзик Қожим ю усянiнас, сулалö керка, матын пывсян да джуджыд сюръяяс ылын вöралысь мортлөн тшамъяыс. Лэб улын косьмö чери. Важ обычай

серти кө — керкаысь ми нинöм эг вөрзөдöй, сөян-юаныс эм асланым. Тайö овмөсыс Василий Кузнецовлөн, ачыс көзяиныс эз вöв гортас. Босьтчим юква пуны. Сэк кості и воисны прöмышляйтисьяс: Неофит Александрович Попов, ачыс чужлöма Еремейын (сэтчöдз миянлы кывтны нöшта 220 километр) и Савелий Иванович Камбалов, сійö Приуральскöй посёлокыс (Еремейсянь небылн). Кыкнанныслы нин ветымын гөгөр арöс. Ён мужичöйяс. Заптöны черисö Еремей промхозлы. «Водзын сезон чöжбн, а сійö кысьö öти тöлысь — июнь 5 лунсянь июль 5 лунöдз, позьö вöлі кык вылö кыйны тонна чери, а öнi та мындаыс оз нин шедыв... Тöвнас «буранъясөн» ветлөдлам, кыйсям, но зверыс тшöтш кутис этшаммыны. Нажöтка воö иналöм прöмыс серти. Омöля миянöс могмөдö кыйсян көлуйөн Троицко-Печорск. Ог öд бур олөм вöсна ветлөдлöй «Ветерок» моторъясөн. «Вихряс» абуöсь. Да и тайö моторъясыс кө жугаласны, частьясö босьтны некытыс. Сидз жö и «Буранъясөн». Некымын моторыс лөч чукөртны öтиöс. Сувант кө көнкö ылi вöрын, көть пропадит. Та вöсна и век ветлөдлам кыкөн. Бокыс воөм морт тані оз вермы лоны прöмышляйтисьöн.

Унатор йылысь ми сёрнитим тайö смел йöзыскөд. «Важөн нин ми эг аддзысьлөй тi кодь, асланым туристъяскөд. Овлöны, мый паныдасьлöны байдаркаясөн кывтысьяс, но тайö Москваыс либö Ленинградыс воөм йöз. А сійö, медым гижны мыйкö асланым чужан му йылысь — татшöмторсö ми весиг ог помнитöй... Ас коми йöз, буракö, дышöдчöны, гежöда воывлөны миянладорö, а бокыс воөм йöз сöмын кыйöдöны вөр керкаясыс гусявлыны зверь куяс либö кутшöмкө көлуй... «сувенир» вылö.

— Местаясыс тані гажаöсь, — водзö сёрнитö Попов, и Камбалов мыйкö содгыштас, — тасянь увланынджык заводитчö Сибиряковлөн туйыс, а талань матынджык эм Шантым места, сэн коркө вöвлөмаöсь свинеч перья-

нинъяс, миян пӧльяс да батыас  
на сывдлӧмаӧсь свинечсӧ да вӧ-  
чавлӧмаӧсь пуляяс.

Попов корис миянӧс ветлыны  
сылӧн вӧр керкаӧ, сэтчӧдз 17 ки-  
лометр, тайӧ Улыс Вачжига ю  
бокын, эм сылӧн сэнӧ и пывсян.  
Ми аттьӧбалӧм вӧралысьӧс, но эг  
нин кӧсйӧй воштыны кадсӧ. Та-  
дзи ми и янсӧдчим, найӧ кыпӧд-  
чисны ю вывлань...

Кажим юсян Илычлӧн шуйга  
берегыс пырӧ нин заповедник  
территорияӧ. Кӧть эськӧ миянлы  
и сетлисны документ, мый вер-  
мам сэтчӧ пыравны, но сувтлы-  
ны шойччӧм могысь сийӧ мести-  
ясас эз позь, та вӧсна ми сувтим  
юлӧн веськыдладор берегас. Вет-  
лим Неофит Поповлӧн овмӧсӧ, но  
узыны эг кольччӧй. Вермис торк-  
сьыны водзвыв сёрнитчӧм гра-  
фикным. Мӧд лун рытланьыс  
воим прӧмышляйтись Андрей  
Владимирович Богдановлӧн ов-  
мӧсӧ. Тайӧ мортыс том на, мурт-  
са 30 арӧс тырӧма. Овмӧсыс сы-  
лӧн бур, батыс на лӧсьӧдлӧма,  
ставыс аслас местиын: керка,  
тшамья, пывсян, ставыс на выль.  
Наташа Казакова да Дима Ру-  
дат вӧдитисны пывсян. Первойыс  
ми пывсим сьӧд пывсянын, став-  
лы сийӧ воис сьӧлӧм выланым.  
Узим Богданов керкаын, ачыс  
кӧзяиныс вой кежлас мунис кый-  
ны чери, воис сӧмын асывнас.  
Ми аттьӧбалӧм сийӧс да петӧм во-  
дзӧ туйӧ. Ми тӧдмалӧм, мый Ан-  
дрейлӧн батыс вӧвлӧма бур вӧ-  
ралысьӧн да чери кыйысьӧн. Ар-  
мияс служитигас Андрей уджа-  
лӧма БАМ-ын...

Кодкӧд кӧть эг аддзысьлӧй  
прӧмышляйтисьяс пиысь, быд  
мортӧс ми аддим сӧстӧм сьӧлӧ-  
маӧн, лышкыд мортӧн. Татшӧм-  
тӧ карьясад он нин аддзыв. Казь-  
тыштам дзик ӧтитор: Богданов  
ордысь мунӧм бӧрын некымын  
лун мысти миянӧс панйисны мо-  
тора пыжӧн Богданов да сылӧн  
ёртыс Валерий Логинов. Вӧлӧм-  
кӧ, миян вунӧдсьӧма керкаас  
подзорной труба да кружка. А  
тайӧ бур войтырыс вӧтӧдисны ми-  
янӧс, медым сетны кольбмторъ-  
яснымӧс.

Татшӧмторсӧ мӧй вермам ми  
коркӧ вунӧдны...

## КОРДОНЫН ОЛЫСЬ ЙӦЗ

Июнь 26 лунӧ, мӧд ногӧн кӧ  
миян туйӧ петӧмсянь 11 лун мы-  
сти, ми сувтим Илыч юлӧн весь-  
кыдладор берег дорӧ. Джуджыд  
керӧс вылын тыдалӧ куйм стрӧй-  
ба. Тайӧ Печоро-Илычской запо-  
ведниклӧн первойа кордоныс —  
Ук-ю. Коркӧ танӧ вӧвлӧма Юкь-  
юдин грезд (важ картаясӧ сийӧс  
насывлӧмаӧсь, а ӧнияясын абу  
нин). Вӧрыс матыстчӧма дзик  
стрӧйбаяс дорӧдзыс. Ӑти керка  
сигӧр вылын дӧлалӧ гӧрд флаг.  
Миян динӧ матыстчис кордонса  
лесник Валентин Евсеевич Со-  
бянин. Кӧлуйяс ректигкостӧ Со-  
бянин тӧдмасис миян документъ-  
ясӧн, сёрнитис:

— Ӑни том йӧз оз окотитны  
уджавны танӧ, а меным ӧна воӧ  
сьӧлӧм вылӧ. Водзтӧ мынтывлӧс-  
ны тӧлысьнас сӧмын 80 шайт, ӧнӧ  
кыпӧдисны 150-ӧдз. Но, кызд шу-  
ласны, вӧр-ваис тай век отсалӧ:  
вотӧс, тшак, чери, зверь-пӧтка эм  
мыйта колӧ. Семья олӧ Ереме-  
йын.

Ми кыпӧдчам вывлань. Гӧгӧр  
сӧстӧм да мича. Тасянь бура ты-  
далӧны гӧраяслӧн мыгӧръясыс.

— Тайӧ со Тумбал-из, водзӧ — Моль-  
из. А Торре-Поре-из оз на тыдав.  
Сийӧс бура позьӧ аддзыны Егра-  
Ляги дорсянь.

Андрей Науман снимайтало  
киноаппаратӧн мича местияссӧ,  
гӧраяссӧ.

— Этшаммисны зверь да пӧт-  
ка,— сёрнитӧ Валентин Евсе-  
евич.— Илыч юыс ӧнӧ абу нин  
воддза кодь сӧстӧм. Уна геолог  
ӧнӧ ветлӧдлӧны, найӧ ӧна тшы-  
кӧдӧны васӧ быд ногыс. Овлӧны  
и пӧжарьяс, тайӧ медся лӧкыс  
вӧрыслы. Вольтвлӧны и документ-  
тӧм туристьяс да браконьерьяс...

Мӧд кордон — Егра-Ляга  
(Усть-Ляга). Воим сэтчӧ мӧд  
лунӧ войнас нин. Сы дорӧ вотӧдз  
на луннас матыстчылис миян до-  
рӧ мотора пыжӧн кордонса уджа-  
лысь. Сийӧ вӧлӧм тӧдӧ нин, мый  
миян документьясным ставыс пӧ-  
радокын (чайтам, мый Собянин  
юӧртис сылы рация пыр). Тайӧ  
кордонсяныс заводитчӧ купечь-  
яслӧн туй, кодӧ вӧвлӧма XIX нӧ-

мын, нуодо сийо Сибирё. Вуджэ туйыс Илыч вомён, а водзё муно веськыдладор берег пёлöныс. Паньдасьлöны тайё туй вылас эновтём грездъяс, а водзын воё и Еремей сикт. Онё тайё туйыс дзикодз тырёма, сы кузя ветлөдлöны сöмын прöмышляйтисьяс. Тасянь жё позьё веськавны Ичөт Печораё, но сэтчөдз колö мунны гөраа местаястё 40 гөгөр километр.

Коймөд кордон Шежим-дикост пуксьöма Егра-Лягисянь 28 километр сайын.

Кык том лесниккөд — Николай Анатольевич Бекушевкөд да Евгений Валерьевич Богдановкөд ми төдмасим кык лун мысти. Ачыс лесничöйыс тайё пореас вөлөм шойчө. Кыдзи ми гөгөрвоим, том зонъяслы гажтём йөзтөг олöмыс.

— Тайё гожөм тё танё медводдза туристъяс, Сосногорск карысь, пöжалуй, татчө некод на эз волевлы.

Зонъяс окотапырысь висътавлисны асланыс удж да олөм-вылөм йылысь, заповедник йылысь. Миян Дима Рудат недыр кад уджавлөма Якша посёлөкын (онё заповедниклөн правлениеыс) и уна йөзөс төдö...

Медбөръя, нельөд кордоныс шусьё Испередью, сийо пуксьöма татшөм жё нима урочищө, кодё лыддьысьё вөр-валөн памятникөн — та йылысь виссталө гижөд-табличка. Колө пасйыны, мый Шантам да Лёк из сёдзжө лыддьысьёны вөр-валөн памятникясөн. Тайё кордонас уджалöны сöмын том йөз, тайё лесникъяс Олег Владимирович Головатов да Сергей Николаевич Собчук. Головатов — миян земляк, сийо Ухта карысь. Воим сёрниö.

— Гөтрасин эн, Олег?

— Кутшөм гөтыр? Ни öти ныв, чайта, оз лок татчө овны.

— Артмө, мый сöмын вөр-варадейтисьяс вермөны овны танё, сёдз шусяна фанатикъяс?

— Пöжалуй. Кодлы нö окота мунны быдсяма удобства оланъясысь?

— Туристъяс көнкө волевлөны?

— Ёнасö оз. Весиг ухтасаяс

важөн эз мыччысьлыны, көть эськө сэнё эм туристъяслөн бур клуб.

— Кымынөн танё уджаланыд?

— Кыкөн.

— Сьöкыд танё?

— Да, ветлөм-мунөм кузя веськыд мат. Пыж моторъяс ньöбалам асланым сьöм вылө. Якша нинөм оз сет. Татшөмөсь жё делöясыс и прöмышляйтисьяслөн. Мукөдъяслы танё мотора пыжясөн ветлыны оз позь, эм та йылысь постановление, но йөз оз кывзысьны. Локтöны кодлы абу дыш, чери кыйöны некутшөм этштөдтөг. Спиннингъясөн да мукөд кыйсян көлуйөн позьё вөдитчыны сöмын прöмышляйтись йөзлы, найё вөчöны ставсö кужөмөн да сямөн...

Матө кыксё километр кузя Илыч юлөн местаясыс лыддьысьöны заповедникөн. Татчө пырö кульмыны чими-чери. Колө эськө, мед сийөс кыйöмысь кыв кутисны эз сöмын прöмышляйтисьяс да ми, нельнан кордонас уджалысьяс, колө эськө, мед чери видзысь инспекторъяс тшөкыджыка волевлисны, и районсаяс властъяс эз веськодя видзөдны тайё делө вылас.

## ШАНТЫМ

Июнь 27 лунө войнас лон көдзид, но, та вылө видзөдтөг, Урал бердын номъясыд велалөмабсь да оз ёна и повны. Мөд луннас бара лон шоньд, градусник петкөдлөс 30 градус. Татшөм шоньдъяс куччысьöны нин быдса вежон. Ми прамөя нин удитём гождьöдчыны. Купайтчим сьөлөмъяс бурмытөдз. Ю вылын номъясыс этшаджык, торйөн нин сэк, кор луныс шондйа, но зато лөдзьяс нинөмысь оз повны, пуксясны куш яй вылад да вирөдз курчасны.

Шуйгавылын и веськыдвылын öшалöны гырысь из скалаяс.

Лун шөр гөгөр мөдөдчис зэр. Вевттьысим полиэтиленөвөй плёнкаясөн и көсьям нин вөли сувтлыны берөгө. Водзын тыдовтчис мотора пыж. Сэсянь юөртисны, мый водзын Шантым пещераяс, сэнё позьё виччысьлыны зэр кө-

бѳмсѳ. Час джын мысти зѳрыс помасис и Шантым дорѳ воѳдчим нин вевттысьсѳтѳг. Мича местаясыс бара ышѳдѳсны мянѳс снимайтны кино да фотоаппаратъясѳн. Шантым из скалаясыс кузя нюжѳдчѳмаѳсь юлѳн веськыдлатор берегѳд. Найѳ быттѳк крепостлѳн стенъяс, кѳнсьюрѳ кыпѳдчывлѳны башня сямѳсь. Ми кывтам скалаяс костѳдыс и на дѳнын кажитчам зѳв ичѳтик кодзувкотъясѳн. Юлѳн шуйгаладорас татшѳм стенъяссыс абѳсѳ, но матыстчывлѳны берег дорас бѳлбан-изъяс, а на улын тыдалѳны пещераѳ пыранѳнъяс. Ѳти татшѳм пещераѳ и шум пывавны да пажнайтыштны.

Коркѳ, ѳна важѳн нин, коми вѳралысьяс аддзисны тайѳ скалаяс вывсьыс дзирдалысь кристалл сямаясѳс. Видлѳсны найѳс сывдны би вылын и казялѳсны, мый танѳ эм свинеч. Пырысьпыр жѳ бѳсьтчѳсны вѳчавны пуля-дрѳб. Отечественнѳй война воясѳ свинеч рудасѳ танѳ бѳсьтчѳлысны пуктыны промышленнѳй подув вылѳ: ки помысь вѳчавлѳсны шурфъяс, сѳсѳя взрыв ѳтсѳгѳн перѳисны рудасѳ. Грузитлѳсны баржаясѳ да кылѳдлѳсны Илыч кузя. 1950 воясѳ бѳсьтчѳлысны механизируйтны тайѳ уджсѳ, но регыд бѳр ѳновтчѳсны. Кыдз не кыз, а заповедникын тайѳс вѳчны ѳз позь. Война воясѳ Шантымын дасьтылѳсны кыз пу чуркаяс, а сѳсѳя наысь вѳчлѳсны ѳружиеяслы лѳжаяс. Найѳс сѳдзжѳ нулѳсны баржаясѳн. Ставсѳ тайѳс ми тѳдмалѳм Г. П. Клименколѳн да П. Ф. Бажуковлѳн висьталѳмъяссыс. Накѳд ми аддзысьлѳм бѳрынджык.

Кыпѳдчам «бѳлбан» изъяс вылѳ, нимкодѳсям матѳгѳрса мичлунѳн. Тасѳня бура тыдалѳ Бѳджыд-парма мыльк, а сы саѳын — помтѳм-дортѳм вѳр.

## ЭНОВТѳМ ОВМѳСЪЯС

Помассис июнь. Июль первой лунъяс лоины мичаѳсь, шоныдѳсь. Тайѳ мянлы кивыв. Майбыр, купайтчы да гождѳдчы. Лѳк сѳйѳ, мый кос няньным быри. Настѳя Ладанова медбѳрѳясѳ юклѳс. Но яя консервъяс, суктѳм ѳвѳ,

сакар, чай да кофе эм на тырмымѳн. Вѳлѳганымѳс веждѳм мѳгысь кыйыштам чери, берег пѳлѳн бѳдмѳ дѳкѳй лук, шомкор, ставыс тайѳ мунѳ сѳянѳ. Ю заводитчанѳнсянь мунѳм 350 километр, юыс бергѳдчѳ рытывывланы, сѳйѳ лоѳ паськыдджык, визулыс надмѳджык. Видѳдлѳны кѳ важся карта вылѳ, ми прѳйдѳитѳм Укьюдѳн, Егра-Ляга, Шѳжим-Дѳкост, Аньюдѳн — вѳвлѳм олан местаяс, но ѳнѳ, збыльысь, налѳн нимъяссыс сѳмын и кольѳмаѳсь. Водзын нѳшта ѳти татшѳм грезд, тайѳ Сарьюдѳн, сѳйѳ важѳн жѳ нин тырѳма турунѳн да грездѳдзыс нин вѳрыс пырѳма. Юлѳн веськыдлатор крут нѳрыс вылын тыдалѳны важся стрѳйбаяс. Петалѳм берегѳ. Гѳгѳр мича местаяс, а видѳдлан ѳновтѳм грезд вылас да сѳѳлѳмыд нюкыртчылѳ. Ветлѳдлам киссьѳм керкаяс дортѳ. Коркѳ тан овлѳсны ѳѳз, чужтѳсны да бѳдтѳсны чѳлядыѳс. Тайѳ вѳлѳ кодлѳнкѳ чужанѳнѳн, и со кутшѳмкѳ ыджыд чина морт гижис кабалатор, мый грездыслы нинѳмла водзѳ лоны, и ставыс помассис... Да-а, кутшѳм кокниа ставыс вѳчсьылѳс...

Коркѳ купеч Сибѳряковлѳн тан вѳвлѳ пристань. Ѳти, джынвыѳй киссьѳм керкаысь ми век жѳ аддзим мортѳс, ар ветымына. Висьтасис, мый шуѳны Мишаѳн. Олѳ вѳвлѳм прѳмышляйтѳсь Иван Ефимович Поповлѳн керкаын. Поповыс кувлѳма 88 арѳсѳн. Тайѳ морт ѳывсьыс ми уна буртор кывлѳм, ѳлѳма зѳль вѳралысьѳн. Та ѳылысь висьталѳны и стѳны ѳшалысь уна Почѳтнѳй грамота. Гѳтырыс важѳн жѳ нин кувсьылѳма. Асьсѳ татчѳ жѳ дзебѳмаѳсь. Нылыс ѳнѳ олѳ Приуральскѳй посѳлокин.

— Сиктыс кутѳс тыртѳммыны квайтымынѳд воясѳ, кор бѳсьтчѳсны котыртавны гырысь ѳвмѳсьяс. Ставѳн муналѳсны Еремѳйѳ, а кодкѳ и карлань сетчис. Ѳнѳ татчѳ воывлѳны пуктыны турун. Ю горувланын сѳдз жѳ бырысны грездъяссыс. Асьныд аддзыланныд,— висьтавлѳс Миша.

И ми, дерт, аддзим кык лун мысти, кор сувтѳм Максим грезд горулѳ. Берег дорын ми вѳчаасим пастукъяс Григорѳй Петро-

вич Клименкокӧд (сылы 60 арӧс) да сылӧн том отсасысь Андрей Неофитович Бажуковкӧд. Сійӧ татӧн чужлӧм морт.

— Ыджыд сикт вӧвлі Максимс. Вӧлі начальнӧй школа, аптека, магазин, поликлиника, детсад. Қыз сайӧ керка вӧвлі. Асланым дизель би сетліс. Быдтӧныгырысь скӧт и быд керкаын на мӧстӧ видзлісны. Видз-муяс тани бурӧсь. Квайт километр сайын вӧвлі Антон грезд, веськыда кӧ шуны, ме сәні и чужлі,— Андрей нюмъевтіс да водзӧ сёрнитіс:— Мам менӧ скӧт картаын и чужтылӧма, уджалігас. Кор ме быдмышті, сәк бабым и шуӧ: олӧм чӧжыд, тәныд, Андрей, лоны скӧт дорын. Сы ног тай и лои. Ӧні менам баблы 90 арӧс.

Рытгорув. Ми матыстчим би-пур дорӧ, кодӧс ломзӧдісны миян зонъяс. Андрей сёрнитӧ водзӧ:

— «Приуральскӧй» совхозлӧн шӧр усадьбадз тасянь, ю кузя кӧ, сӧ километр сайӧ. Тайӧ видзьяс вылас ми видзам кукъясӧс, ставыс 56 юр. Найӧс Усть-Илыч-сянь вайӧны, 50 километр сайыс. Антон грездысь медбӧръя олысьясыс мунлісны 16 во сайын нин. Олӧма йӧз эськӧ эз окотитны мунны, но электричество эз кутны сетны, сәсся сӧм мынтӧмӧн да ӧттор-мӧдтор кӧсйысьӧмӧн и пӧръявлісны йӧзсӧ. Ӧти кывйӧн кӧ, мырдӧн вӧтлісны... Ветлім шойна вылас, гӧгӧр ставыс турунӧн да пуясӧн тырӧма. Ӧні эськӧ кватитчисны, посни грездыс бырӧдӧмысь дугӧдчисны, да он нин найӧс, воддза воясӧ бырӧдӧмьясӧ, ловзӧд. Тырмас ӧмӧй кодлӧнкӧ выныс, мед кутшӧмкӧ овмӧс сән ловзӧдны? И йӧзыс ӧні оз нин ӧна эскыны, мый налы кутшӧмкӧ отсӧг сетасны. А кымын татшӧм эновтӧм сиктыс Илыч да Печора юяс пӧлӧныс? Да-а, уна лёк вӧчисны коми крестьяналы, весиг крестьянин нимсӧ нин йӧзыс вештісны, непӧшто нин нәмӧвӧйясыс опытсӧ.

### ОЗ ВУНӦДНЫ РӦДНЫСӧ

Помасӧ коймӧд вежон, кызди ми петалім ылі туйӧ. И со ми

вӧллісти воим Еремей сиктӧ. Тани миянлы колӧ судзӧдны сәян-юан. Еремейын 70 ас овмӧс, олысьясыс артавсьӧ 270 морт. Тани промхозлӧн шӧр усадьбаыс. Котыртчыліс сійӧ 1959 воын, водзті тани вӧвлі Киров нима колхоз. Эм школа, детсад, магазинъяс, медпункт. Фермаын быдтӧнысьӧд ручьясӧс. Кыптӧны выль керкаяс. Дженъядджыка кӧ: эм ставыс, мый колӧ, и уджыс йӧзыслы тырмӧ. Узьмӧдчим Михаил Прокопьевич да Виринея Алексеевна Бажукова гозья ордын. Пӧся примитісны найӧ миянӧс. Пызан вылӧ ваялісны сы мында сәян-юан, мый миян синъясным паськалісны, ӧд гортса сәянтӧ ми важӧн нин эг аддзылӧй. Пывсим ас пывсянын, водім узьны сӧстӧм прӧстыняяс вылӧ... Михаил Прокопьевич — интереснӧй судьбаа морт. Чужлӧма 1918 воын и, кызди ачыс шуӧ, сійӧ тани витӧд кӧлена нин сиктӧ медводдза овмӧдчысыс лыдысь. Сиктсаяс тадзи казтылӧны: «Кык нәм сайын Илыч вылӧ волӧмаӧсь вит вок — Бажуковъяс, стрӧйтчӧмаӧсь ӧрта-ӧртсянысыс абу ӧна ылӧ, и сиктъясыслы ассынысыс нимъясӧ сетӧмаӧсь: Максим, Еремей, Антон, Габӧ (ӧні тайӧ Приуральскӧй посӧлок) и Еп (бӧръяпом сійӧс нимтісны Сарьюдінӧн). Еремей Бажуковлӧн чужис пи, шуисны Феодосийӧн, сылӧн пиыс — Павлин, Павлинлӧн пиыс — Прокопий, сідзкӧ Прокопийыс и вӧлӧма Михаил Бажуковлӧн батӧн. Кувсьӧма 76 арӧсӧн. Нәмсӧ вӧравлӧма. Кык пӧрйӧ веськавлӧма ошлы гыжъяс улас, но век оштӧ вермывлӧма. Ӧн мужикӧн вӧвлӧма.

1946 воын Прокопий Бажуковӧс уна зверь ку сдایتӧмысь наградитлӧмаӧсь Ленин орденӧн. Ачыс Михаил Бажуков 12 арӧсӧн нин мунас школаӧ, сәсся велӧдчӧма Сыктывкарса ФЗО-ын. 1940 воын босьтӧмаӧсь служитны армияӧ. Война дырйыс тышкасьӧма Москва бердын, сәсся вӧлӧма Волховскӧй фронт вылын. Волӧма Берлиндз. Уна боевӧй награда мичмӧдӧны морӧссӧ ветеранлысь. Фронт вылысь воим бӧрын Михаил Прокопьевич уджавліс Дутовскӧй лесопунктын

мастерён, бөрйылісны Сиктсөвөтө депутатён, вөвлі сэтчөс председателён. Куим во сайын петіс пенсия вылө.

...Мөд луннас ю берег дорын шойччигөн ми аддзысьлім Михаил Прокопьевичлөн племянник Прокопий Бажуковкөд. Найө воисны ёртыскөд, Илья Собяникөд. Прокопий лоө сиктө медводдза овмөдчысьяслөн квайтөд көлена пиысь нин. Прокопийлөн олөмыс эз мун зэв гылыда. Во-үйтіс Афганистанын. Дыр куйліс госпитальын, но крепыд мортыд ставсө веніс. И со сійө аслас дед-батыс моз лон прөмышляйтисьён. Собянин ёртыскөд ёна маитчөны, мый пөрөдасны вөръяссө и зверыс бырө. Сэсся аслыныс налы ковмас мунны кутшөмкө лесопунктө да йөзыс моз жө водзө бырөдны вөрсө, тшыкөдны вөр-васө. А руч видзан фермаын водзө вылө төлкыс абу — нинөмөн видзанторъяссө вердны. Та вөсна и том йөз пышйөны чужан сиктысь. Дерт, сэсся и унаён на пиысь ассыныс рөд ни вуж оз кутны төдны. Прокопий Бажуков уна төдысь морт. Сійө и отсаліс миянлы рисуйтны карта вылө Сибириковлысь туйяссө, эз өтчыдысь удайтчыв мортлы ветлыны сы кузя.

Антонин ми гөститім Христина Васильевна Бажукова-Ежова ордын. Сылы өні 64 арөс. Буретш сы дінө воис пиыс гөститны, олө Көчёл сиктын. Василий, кызди и мукөдъяс, тшөтш олө вөралөм помысь...

Сійө войсө миян нывъяс кольчисны узьны Михаил Прокопьевич да Вириня Алексеевна ордө. Миянөс, зонъясөс, корис ас ордас налөн суседыс, Иван Евгеньевич Бажуков, уджалө промхозын. Ёна дыр и варовитім быдтор йылысь. Узьны водтөдз ме лэччылі ю берег дорө, погыъяс да көлуй видзөдлөм могысь. Дерт, тайөс позис и не вөчны, өд тані некод оз помнит, мед кодлөнкө мыйкө воши. Сиктын весиг лунтыр кежлө мунөны да керкасө оз игнавны...

### МЕДБӨРЪЯ ШОЙЧЧАНИН

Июль 7 лунө ми эновтім Усть-Илыч сикт да петім Печора ю

вылө. Тайө ю кузяыс кывтігөн колө лоны зэв сюсьөн, ю кузяыс кывтө моль. Öні миянлы колө воөдчыны Усть-Лягаөдз. Ва кузяыс сөмын көкъямыс верст, но кывтны ковмис нель час. Сиктыс кажитчис йөза, керкаясыс ёна нин важөсь, тані, кызди и Антон грездын, вөлөмкө, олысьыс сөмын куим керкаын нин. Александра Петровна Бажуковалы 77 арөс, Улита Артемьевна Бажукова — суседкаыскөд тшөтшъя жө, Сергей Константинович Попов — медся том, сылы өні 61 арөс. Александра Петровна и төдмөдіс сиктлөн историян.

— 1959 воын миян колхозыс лон совхозлөн отделениеөн, а квайтымынөд вояс бөрын коли сөмын бригада, а сэсся и сійөс бырөдісны. Öні сөмын волевлөны турун пуктыны да со ещө аныкытш көдзлісны. Унджык олысьыс вуджисны овны Мишкин-Ель посёлокө, кодөс стрөитлісны ветымынөд воясө. Тайө Печора карсянь, көкъямыс верст сайын вөрас. Мыйла вөлі колө стрөитны выль посёлоксө, видзны сьөм, кор миян сикт сайын вөлі нин вөр лэдзысьяслөн посёлок, сәні эм ставыс. Сәні и местаыс бурджык. Печора юыс орчөн. А Мишкин-Ельын весиг челядьлы купайтчыны некөн, ичөтик шор визувтө и то сійө косьмө. Со и волевлөны миянөдз машинаясөн, медым купайтчыны.

Ас йивсьыс Александра Петровна висьтавлө этша. Но век жө ми мыйсюрө төдмалім: комынөд воясө налыс семьясө кулачитлөмабсь, а 50—60 воясө нельысь бөрйылөмабсь Усть-Илычса Сөветө депутатён. Эмөсь медальяс, уна Почётной грамота. 1964 воын петөма пенсия вылө.

Улита Артемьевна омөля төдө роч кывсө, но көть эськө и миян нывъяс босьтчылісны ськөд варовитны комиөн, но сійө, вөлөмкө, абу зэв варов мортыс. Миян зонъяс отсалісны сылы поткөдлыны пес да тэчны сійөс, и нывбаба лон ставным дінө меліджыкөн. Медся сьөлөм вылас воис сылы миян Серёжа.

Олөма йөз висьтавлісны миянлы, мый тайө местаясыс сьөлөм вылас воөмабсь кутшөмкө швед-

лы, коді татчö волöма революциядзыс на вөр ньöбан помкаясöн. Сылөн керкаыс волöма сикт помас. Öнi керкасö разисны нин.

Вөралöмөн да кыйсьöмөн век овлісны йöзыс. Комынод воясö танi котыртчис Фрунзе нима колхоз. Озыр вöлі овмöсыс — видзлісны 30 мöс, 15 вöv. Быд керкаын мöсьяс да порсьяс, да курөгъяс видзисны.

Тöдмасим и олöма нин сэтчöс мужичöйкөд. Висьтасис Сергей Константиновичөн.

— Менам мам,— казтылö Сергей Константинович,— видзлöма кум мöс, кук, курөгъясöс, вöлöмаöсь и дзодзөгъяс да уткаяс. Миян семьяын кужлöмаöсь уджавны. Со и 1932 воын кулачитісны миянöс. Öнi на ме дас ыж видза, позьö эськö и унджык на видзны, но вын-эбöсыд абу нин воддза кодь. Öнiя том йöз оз көсьыны асьнысö сьöктöдны, дасьсö виччысьöны, а кодi и көсьйö му-видзнад ноксьыны, сылы оз на зэв и сетны вöлясö. Водзтi картофелтö уна вöдитлім да сдایتлім государстволы, а öнi көть быдтан, да некод сійöс оз босьт. Ыж куяс сы мында чукөрмисны, көть ветымын пась вур, но бара жö некод босьтась абу. Тшак ни вотöс некытчö жö сдایتны. Пенсия воö этша, а медым кыйны сөймөн чери, колö мынтыны лицензия — 18 шайт. А кыдзи нö коми мортыс черитөг вермас овны?

Сергей Константинович нүдліс миянöс неыджыд ты дорö, сэтыс ми вугыр шатинөн поводноя кыскалім ёкыш, шедалісны и сиръяс.

Мöд луннас миянöс корис гөститны Попов. Ыджыд крестьянскöй керка пытшкын öшалöны чери кыян быд нога көлуй.

— Оз лэдзны аслыным кыйны черисö, а промхозкөд договор оглысьт нин вöчны, пöрысьми да и тшöкыда висьöдча.

Керка стенас уна фотография.

— Мам кувсьыліс öкмыс во сайын, бöръя лундзыс местаас эз инасьлыв. А тайö бать. Фронт вылысь воліс инвалидөн. Дас квайт морт мунлісны сиктысь война вылö, а бергöдчисны сб-

мын нельöн: бать, менам кык дядь да ещö öти, абу миян рöдысь... Бур көть сійö, мый электричествосö эз дугöдны, телевизорö позьö видзöдны, тöдан көть, көні мый вöчсьö.

Гөгөрбок тöдчис нывбабатөг олöмыс, көть эськö керкаас сöстөм, но век жö мыйкö оз тырмы.

— Нэм чöж ме гөтыртөг и олi. Кула да став овмöсыс эндас. Племяникъяс эмöсь, но оз көсьыны татчö локны. Танi öд уджавны колö, му вöдитны, сятөг танi тшыг кулан, а найö нинöм оз кужны, абу велавлöмаöсь... Мамным миян зэв тölка мортөн вövлі, сійö шульвліс: коляс пö Усть-Лягаын кум керка, мөд ногөн кө: кум пач сöмын кутас ломтысьны. Сылөн кывъясыс збыльмисны. Регыд и менам пачöй оз мөд тшынасьны. Бырö и тайö грездыс...— Тайö кывъясыс казтыштісны миянлы Антон грездса олысьяс Мария Ивановна да Иван Иванович Камбаровъяс йылысь...

...Аслас керка дорас көзяинныс вöчис выль пыж. Сылы 63 арöс, Троицк сиктын чужлöма, а Антон грездö вайöдлöмаöсь кык арöсөн. Дерт, помся ковмылöма ветлöдлыны то öтилаб, то мөдлаб. Овлöма детдомын, школаас велöдчöма мөд сиктын жö, сэсея Щельяюрын ФЗО помавлöма, судоремонтникö велöдчöма.

— Миян рöдын ставөн киподтуя йöзөн вövлöмаöсь: кузнечьяс, плöтникъяс... Катерьясдылы каркасьястö да пыжъястö ме нэм чöж уна вöчавлі. Öнi том йöз нинöм оз сяммыны вöчны, найö эськö дасьсö ньöбасны. Ми, олöма йöз, кулам, а кужанлуннымöс весиг некодлы сетны. А пыжъясид сідз-тадзтö вöчöмнад оз на артмыны. Колö тöдны, кутшөм пу да кор сійöс босьтны. Кыдзи косьтыны. Велöдi эськö аслам сямлунö кодöскö, но дзик некодöс.

Мария Ивановна тшötтш тöдмөдіс миянöс аслас сьöкыд олöмөн:

— Менам, позьö шуны, челядьдырöй эз и вöv. 13 арöсөн ыстисны вөр пөрöдны. Нылалан кадö война пансис, став зонъяссö фронт вылö босьтисны. Öнi эськö

и овмодчылім, но, со тай, бара ставыс дзугсис олёмас. Мый вот водзё лоб?

Июнь 10 лунё ми вөрзьодчим медбөръя сиктысь, а сэсся веськөдчим гортлань. Ю берег до-рын вёлі тыртём. И дум вылё

меным уси: «И кольё сиктё лом-тысьсье куйм пач труба».

Миян экспедициялөн «Илыч — Печора» маршрутным помассё. Лон прөйдитёма 450 километр кузя туйяс. Июнь 13 лунё ми воам Троицко-Печорскё, а сэсянь поездон — Сосногорскёдз...

## Огё кольёй книгаястёг

Бумага да типографияын рёскодъяс донсялём вёсна пыр сьёкыд-джык лэдзны книгаяс. Водзтё кё художествоа литература лэдзём вылё сетлісны сьёмсё госбюджетысь, то ёні Коми издательстволы колё на-жөвитны денгасё аслыс. Онёдз абу тёдса, петас-ё таво кежлө урчи-тём став книгаыс.

Но книгаён вузасян магазинъяс абу гольёсь коми книгаясён. Чу-жан кывсё радейтысьяс Сыктывкарса «Книга керкаысь» вермасны ньобны весиг дас во сайын лэдзём литература: В. Савинлысь «Вабер-гач», Г. Федоровлысь «Востым», И. Тороповлысь «Тян»; бöрынджык лэдзёмъясёс — кывбуръяса книгаяс А. Ванеевлысь, В. Тиминлысь, А. Некрасовлысь, Ю. Васютовлысь, А. Мишариналысь; прозаа гижөдъ-яс Б. Шаховлысь, Н. Куратовалысь, В. Безносиковлысь, М. Игнатов-лысь, Г. Юшковлысь.

Коми издательство таво лэдзис челядьлы висетьяс А. Одинцов-лысь — «Пужъявтём көдза», кывбуръяса сборник Э. Тимушевлысь — «Ёрта сёрни», повестьяся книга В. Напалковлысь — «Көсья тёдмась-ны». Бөръя авторыслөн выль книгаён карса магазинъяс вузасьёмаёсь сөмын лун-мөд: инасис пö зэв регыдён. Книготоргсянь юөртисны: складъясын пö В. Напалковлөн книгаыс эз коль ни өти экземпляр. Сыктывкар — Коми мулөн столица, тані коми лыддысьысьыд, пöжа-луй, медуна (студентъясёс төд вылё босьтөмөн). Эз-ё мун унджык книгаыс сэтшөм каръясё да районъясё, көні комиөн лыддысьöны этшаён? Од «Көсья тёдмасьны» повестьясё абу на вермөмаёсь ставөн судзөдны весиг медся коми — Кулөмдін да Көрткерөс — районъясса книга радейтысьяс, тшөтш и школаясын коми кыв велөдысьяс. И сэк жö, потребсоюзлөн базасянь юөртисны: Эжва катыдса сиктыясё пö «Көсья тёдмасьнысö» вөлі мөдөдөма нин февраль квайтөд лунө.

Гашкө, сиктса магазинъяс этша корёны коми книгаясё? Сикт-са войтырлөн, веськыда кё шуны, гажыс ёна этшаджык карсалөн сер-ти: он мун ни театръясё, ни музейясё. Вайө көть огё кольёй найөс книгаястөг. А адзывлөны-ё асланыс гижысьяслысь книгаясё вөр лэ-дзан посёлокъясса да посни грездьясса войтыр? «Войвыв кодзув» лыддысьяс, корам юөртны та йылысь миян журналлөн редакцияö.

# Көйсисны доддывны

Алексей ПОПОВ

## ШМОНЬ

Оти контораын пукалысьяс талун ставныс тытшвидзисны юралысь-лөн жырыын. Ачыс сійо тани жö. Со жмутвидзö кыклы вылö узьлан кровать пасьта пызан сайын. Съöкыд видзöдласөн чукöрмöм йöзöс кытшовтöм бöрын Егор Николаевич чорыд гөлöсөн юөртис:

— Олöмным зэв дзуг пуксис. Доньяс сөян-юан, кöм-паськöм вылö бур шома нянь моз кыптöны. А миян, кызди тöданныд, удждон шырлөн асмогасьöм мыйта.

— Сидзи, сидзи,— гоийöдлисны юрьяснаныс мича дөрöм-гача мужикьяс да тшай юан платтьöа аньяс.

— Тадзи миян вылын тешитчыны оз позь,— водзö чөвталис съөлöм вөрзбодана кывьяс Егор Николаевич.— Ми кöть му сувттöдзыс тани кутам и водзö мырсыны-пессыны ичöt удждон вылö, некод миянöс оз и казьявлы.

— Стöч тадзи,— самасисны тайö мөвпнас мукöдыс.— Йöв-яй огö вöчöй, мукöдтор тшöтш жö дай. Коді нö казьялас сэсся?

— Менам чайтöм серти, колö асьнымöс мыччöдлыны. Мед казьяласны миянлысь лөк олöмнымöс,— юргис гөлöсыс веськöдлысьлөн.

— А кызди?

— Бастуйтны мукöд моз колö!

— Мый нö миян бастуйтöмсьыд. Тусь ни пызы! Эн пö и уджалöй,— шуасны дай. Ог тай мися йöв да яй вöчöй. Тшöти молльөн сöмын гольöдчам.

— Ме сидзи жö мөвпала,— öни нин юрсö гогнитис Егор Николаевич.— Бастуйтöмыд миянлы нинöм оз сет. Сидзкö, медым тöдисны миян шог йылысь, колö тшыгьялöм йылысь юөртны. Петны кодлыкö улич вылö, кытшавны асьсö быдсяма пöлöс гижöдъясөн да и тшыгьявны босьтчыны. Сöмын сэк казьяласны.

Егор Николаевичлөн пач пöдан пасьта чужöм вылас да сельполы груз ваялан пыж кодь мышку вылас синьяссö чөвтлöм бöрын быдөн думыштісны, мый оз мешайт эськö сылы пуксывны öшинь улас да тшыгьялыштны. Но та йылысь гораа некод эз шу.

— Сидзкö, тайö туйсö и бөрьям,— кывкөрталис юралысь.— А öни колö мөвпыштны, кодлы ми сетам тайö ыджыд могсö олöмö пöртны.

Ставөн кельдöдыштисны, быдөн чайтис, мый Егор Николаевич синсö сувтöдис буретш сы вылö. Чөв-лөнъ лои. Он öд чеччы да шу, мый юралысьяс медъена туйö тшыгьявнысö.

— Оз некод водзмöстчы?— кытшовтис веськöдлысь видзöдласнас ставнысö. А сэсся дыркодь видзöдис Куштысева вылö, коді вердаса ань жö вöлі.


— Анна Петровна, гашкö, тэ?

— Ме-е!— тирзьöм гөлöсөн артмис Куштысевалөн.— Мыйла ме-а? Век öд менö сöмын аддзанныд? Кыдз нö ме кута тшыгьявны? Оз позь меным. Нель челядя мам да. Ті тай некутшöм закон он тöдöй? Дзескöдны уна челядя мамöс оз позь!

— Законъястö ме тöда,— пинь пырыс сöдзöдис Егор Николаевич да синсö сувтöдис Қозлов вылö.— Иван Павлович, гашкö, тэ... эсі-өс... ас вылад босьтан.

Мöдыс звирк чеччыштіс. Став вылас видзöдліс синваөн тыр синьясөн.

— Менам жö язва. Желудокö шашаритчöма. Он мöй помнитöй, мый кольöм во на больничаян куйлі. Меным оз позь тшыгьявнысö. Мөдарö на — бур сөянөн колö вердны, мед эг вись.



Степановский собор. Сидо сулаліс бнтя Юбилейной площадьь вылын. Кисьтома комынод воясын.

60 коп.  
Индекс 73069

76-63



Тулыс.

Серпасалис Л. Жакова.